













HVGONIS GROTH  
TRAGŒDIA  
SOPHOMPANEAS.

*Accesserunt,*

Tragœdia ejusdem

CHRISTVS PATIENS,

ET

SACRI ARGVMENTI

ALIA.

EDITIO NOVA

*ab ipso Autore recognita & emendata,  
ut videre est pag. seq.*



AMSTERDAMI,  
Apud GVILIELMVM BLAEV,  
CIO IO. CXXXV.

**P**oematum horum editio, prius a Guilielmo Blaeu  
in quarto expressa, facta deinde est a Iohanne Ian-  
sonio, nulla parte auctior, quibusdam in locis minus ca-  
stigata: hæc vero, ab eodem Blaeu, in eadem minori  
forma, ex auctoris ipsius voluntate, recusa & plusquam  
septuaginta locis castigatior reddita est. Quod paren-  
tis nomine testabar Amstelodami xv. Septembris  
cIo Io cxxxv.

P. GROTIUS.



# GERARDO VOSSIO<sup>3</sup>

historias artemque civilem docenti in  
florentissima Amstelodami urbe

HUGO GROTIUS.



**N**D sim, quod minime volo, præstantissime Vossi, id est ingratus, si cum omnes chartæ tuæ plenæ sint mei, ego amorem cultumque tui intra animi secreta claudam, neque curem ut ad posteritatem, si tamen illa laboribus nostris speranda est, monumentum exstet indivulsæ nostræ conjunctionis, quam tu in nostris rebus adversis, quales aut falsos animos nudare, aut leves immutare solent, adeo non minuisti, ut etiam multis officiis auxeris. Si me eruditione tua plane singulari latissimeque diffusa adductum dixerim, ut te, quanti facio, facerem, id dicam quod mihi cum sparsa per totum orbem literas amantium universitate commune est. Sed quo propius mihi mœurs tuos candidissimos & bonitatem clausam nemini nosse licuit, eo majore nexu conjungi semper tibi in felicitatis meæ magna parte posui. Ingens est vinculum, omnium honestarum literarum commune studium: sed accessit & aliud, quod in disputationum Theologicarum æstu fervente sæculo te reperiri prudentia & animi moderatione singulari, qui ab iis quæ ecclesiæ ab Apostolis satę, & quæ cum illis germanitate disciplinæ cohærebant, ut certa atque explorata tenuerunt,



nunquam decederes : ab iis vero quæ antiqui-  
tus liberam habuerunt disputationem, inhi-  
res decretorium stylum. Quod propositum  
quo teneres felicius, magna tibi duo auxilia ad-  
erant, ingens & quanta cuiquam homini fuit  
in evolvenda ecclesiæ antiquitate diligentia, &  
limatum iudicium : de quibus dubitare nemo  
poterit, qui historiam tuam Pelagianam lege-  
rit, per Galliam Britanniamque prædicatissi-  
mum opus. Tantis virtutibus tuis, & in me me-  
ritis, eximium aliquid muneris debebatur: sed  
cum disiectis hæcenus chartis librisque meis  
sedem certam constituere nondum potuerim,  
eoque nec operum maioribus imponere ulti-  
mam & irrevocabilem manum, memor interim  
humanorum casuum, solvendo adhuc impar,  
pignore tamen vel exiguo dato, testari volui  
quantum quamque libenter deberem. Et ta-  
men, si mihi concedis, quod sibi Horatius, pre-  
tium dicere muneri, tragœdia est quam adfero,  
scripti genus, ut optime tu scis Vossi, à quo post  
grammatices & eloquentiæ præcepta, artem  
quoque poëticam vivis coloribus expressam  
habemus, regale, tantæque dignitatis, ut id So-  
phocles principe quem Athenis tenebat loco,  
Casar autem Augustus animo totam vim Ro-  
mani imperii complexo non inferius judica-  
rint. Est & argumento sua commendatio, peti-  
to scilicet, non ex Græcorum mendacio iniqui-  
natis Trojæ & Thebarum malis, sed ex intacta  
falso Mosis historia: & quidem, ni fallor, in di-  
vinis libris unico, quod duo illa habeat Aristo-  
teli, viro & in hac parte, ut mecum tu judicas,  
maximo, etiam singula ad tragœdiæ gratiam  
valere

5  
valere plurimum existimata, agnitionē inspe-  
ratam, & rerum vices repentinas. Nam & Io-  
sephus Israelis filius fratribus diu ignaris se  
patefacit, & fratres ipsi ex maximo metu in res  
maxime prosperas subito transferuntur. nisi  
forte futuri sunt qui reprehendent quod hujus  
tragœdiæ non tristis sit exitus: qui si errorem  
eum in cothurni ac socci discrimine nondum  
deposuerunt, legant aut Æschyli Danaïdas, aut  
nostri Euripidis Alcestim, Iona, Helenam, &  
quam nuper Latine vertere mihi libuit, in Tau-  
ris Iphigeneam, aut, si id laboris nolunt sume-  
re, tua illa, quæ modo memoravi, legant de ar-  
te poëtica præcepta. Quibus an hæc quædamus  
satis congruant, non alium potius quam te fe-  
rimus judicem, non sane fiducia nostrorum co-  
rum, qui & fortunę hætenus sævitia & ipsa  
decliviorē ætate, quod tu prope solus non ex-  
periris, labascunt, sed tui judicii equitate; quam  
tamen non ut amicus spero: neque enim cor-  
rum pere te volo ea re cuius ipse pretium de-  
beo: sed ut in cui optime semper mereri de lite-  
ris & literas amantibus fuerit propositum. Est  
in hoc argumento & aliud, quod an aliis placi-  
turum sit nescio, maligno enim sæculo vivi-  
mus, tibi certe placiturum non dubiro. Docuit  
me Philo, paulo minus quam Christianus, Mo-  
sem illum, quem & nos & Iudæi divino spiritu  
afflatum manifesta præsignificatorum fide cre-  
dimus, sapientissimum autem legum condito-  
rem celebrant viri sapientes, & sapiente ad-  
modum nati sæculo, Siculus Diodorus, Roma-  
nus Trogus Pompejus, & Cappadox, sed judi-  
cio maximus, Strabo, cum nobis in legum san-

ctissimarum vestibulo dedisset exemplaria ad vitam privatam tria eximia, primi ejus qui artium doctrinaeque excellentis auxilio à falsis Deis ad verum pervenisset, alterius cui ipsa nascendi sors & felix educatio tribuissent plurimum, tertii vero cui ad hæc bona accessit id, quod expertus vel maximum puto, per res duras exploratio; voluisse adjicere & viri in imperio versantis, virtutibus non tantum illis avitis atque domesticis, sed & publice profuturis egregii: quod quidem in Iosepho ita præstitit, ut ipse, populi ductor, si quis unquam, futuri providus, infractus malis, justus tenax, modi per omnia observans, non aliam sibi formam, ad quam actiones suas, post divina jussa componeret, quam Iosephi hujus vitam, videatur habuisse propositam: multum ab illis remotus pessimis, & quod sequitur, pessimorum magistris, qui nobis quoties figurare virum principem volunt, ponere solent hominem compositum ex dolis malis ac perfidia, Deique ac legum omnium, tum communium, tum cuique populo priorum obdurato contentu: qualis, ni fallor, animi constitutio, nisi per longam scelerum consuetudinem, obtineri non potest. Sed hæc latius exsequi tuum est, à quo post libros indices judicesque optimos eorum qui Græce quique Latine annales condiderunt, summam quoque historiae universae omnes veri rectique amantes, non dicam exspectamus, parum enim id est, sed flagitamus. Vale vir meo cordi proxime, & amissi (sic Deo visum) filii desiderium tot à te genitis perque Orbem totum emissis eruditionis tuæ liberis solare. Francofurti Idibus Iuliis anni cIo Io cxxxiv.



HVGONIS GROTH  
SOPHOMPANEAS  
TRAGOEEDIA.

**H**istoria exstat apud Mosem Geneseos capitibus  
xliiv & xlv, adjunctis quæ ibi connexa :  
in Psalmo cxxv : actuum Apostolicorum capite  
vii : apud Philonem vita Iosephi : apud annalium  
Iudaicorum conditorem Iosephum antiquæ historiæ  
libro ii : partim & apud Iustinum ex Trogo Pom-  
pejo libro xxvi : exstitit & apud Astapanum ex  
Alexandro Polyhistore, & apud Demetrium, quorum  
loca videre est apud Eusebium præparatione ad  
Euangelium.



INTERLOCUTORES.

IOSEPHVS *qui & SOPHOMPANEAS.*

CHORVS *Æthiopissarum.*

RAMSES *curator domus Sophompanea.*

IVDAS,

RUBEN, *fratres Iosephi.*

NUNTIVS.

SIMEON,

BENIAMIN, *fratres Iosephi.*

PHARAO *Ægypti rex.*

MVTÆ PERSONÆ.

Manasses Iosephi filius.

Comites & satellites Iosephi. Item regis.

Fratres alii septem Iosephi.

*Scena est Memphide.*

# ACTVS PRIMVS.

## IOSEPHVS.



*Vrsūm fugata nocte formosum caput  
Sol promit Orbi, qualis è thalamo novus  
Surgit maritus veste purpurea nitens.  
Dies recurrens lege præscepta vicis  
Dominum fatetur : & datum cerni jubar*

*Omni ebore & auro rectius monstrat Deum ,  
Intelligenda lucis habitantem plagam.  
Rediere pariter cura & immitis labor :  
Tantique regni quicquid à Meroe jacet  
Aduſque littus, brachiis quicquid ſuis  
Definit amnis ille calitibus ſuo  
A fonte notus, corde ſollicito ſedet.  
Miretur alius quas dedit Libanus trabes ,  
Maculisque varium marmor & ſilvas domi ,  
Et arte factas tot dapes, & piſcium  
Ignota Nilo genera, & a medio die  
Qua nomen etiam nunc ſibi quarunt ſeras,  
Longeque ab Arabum nemore fugitivas aves ;  
Lanamque ramis Sere depexam manu ,  
Discriminavit docta quam Babylon acu ;  
Niveasque baccas Ināici donum maris ;  
Circumque limen, corpus & circum agmina.  
Sunt iſta vana, vana, & ærumnis leve  
Pretium ſerendis. Grande curarum tegit  
Onus hic tiaras : inter ea que regiis  
Parenda juſſis, fulgor eſt, qualem exigit  
Perſona vita : qui micans oculos tenet  
Animoſque plebis : ator hoc ego, non fruor.  
Quanto ſluebat vita liberior mihi ,  
Cum corde vacuo ſequerer inuictis puer  
Ab Abrahami pecore demiſſum gregem ,  
Vbi læta Sicimū pascua attondent oves ,  
Et amœna gemino clauditur tellus iugo.  
Dedere victum, non ſibi magno placens  
Ambitio menſe, floribus ſed ſe inferens*

Mandragora dulcis, & nihil quamvis gravi  
 Onerata fatu palma. pellebat sitim,  
 Non rutila Meroes vina, non Nilotica  
 Expressus humor fruge quem Zythum vocant :  
 Sed sponte saliens ex humo majoribus  
 Potata nostris vena. pro sistris erat  
 Compacta ceris canna, qua Syrios modos  
 Equans, canebat Orbis artificem Deum.  
 Si tunc patris sub ore, germanos prope  
 Solos videntem, livor invênit tamen,  
 Potentiaque, sera qua vênit mihi,  
 Nocturna imago tam fera innocuum in caput  
 Concivit odia, nunc quid expectem, advena  
 Memphitica telluris, in fastigio  
 Adeo eminente positus, ut cunctos premam ?  
 Et est Phari gens aspera, & cives quoque  
 Cervice dominos saepe non facili ferens :  
 Quo major est hac frana moderari labor.  
 Peccant remissa, nec minùs rigida manus.  
 Vult mitis adici lenitas pondus sibi,  
 Modestiaque comite majestas eget.  
 Sunt ista per se gravia : sed gravius tamen  
 Accedit aliud. Cum ratem pelago sua  
 Fert aura, cursum regere mediocris valet  
 Puppis magister : artus eximia est opus,  
 Cum dubia ventos inter incertos hyems  
 Flagellat undas, vique nimborum vadis  
 Commotum ab imis surgit in montes mare,  
 Reperire fluctus per procellosos iter :  
 Qualis fatigat seva tempestas tuos  
 Egypte fines, spem bis agricola suo  
 Mentita culmis fruge carituris seges,  
 Periculosum semper imperiis malum.  
 Retinere quippe nescit obsequium fames,  
 Nullosque sentit vulgus impastum metus.  
 Rerum parenti maximo grates ago;  
 Laudesque summas, quod Phari trepidis volens  
 Consulere rebus me voluntati sua  
 Legit ministrum, fataque inscripsit mea  
 Ventura menti. pensat ubertas prior



Quod deest, & annos larga nunc steriles alit.  
 Nec munere una vivit *Aegyptus* meo :  
 Et *Syria* nostram postulat supplex opem.  
 Hanc summus Orbis dominus invenit viam,  
 Missis ut olim somniis faceret fidem.  
 Bis fame subacti genua ad ignoti mea  
 Cecidere fratres : ipse miserandas preces  
 Bis mihi per illos genitor allegat senex,  
 Et qua parentis implet extincta vicem.  
 Ego illud astrum, cuius auratum jubar  
 Hyades quaterna, Pleiades septem colunt :  
 Inclinat & cui Luna cornigerum caput,  
 Titanque radios ipse submittit suos.  
 Ego, ira fratrum mihi quod intendit necem,  
 Meque illa mercem fecit & duram dedit  
 In servitutem, deleo ex animo omnia,  
 Ad lenitatem natus, à sancto patre  
 Ad eam institutus, & malis exercitus.  
 Sed ne quod illis sedeat in praeordiis  
 Male expiatum virus antiquum mali,  
 Pia cura me remordet. huc sollertia  
 Tota advocanda est, cordis ut pateant mihi  
 Arcana, multa tegere qua nubes solet.  
 Huc pertinebat & quod hesternae dapis  
 Etate minimus maximas partes tulit,  
 Scire ut daretur ore & oculorum notis,  
 Ferrentne fratrem sanguine ex toto meum,  
 An veteris odii pectore hareret cinis.  
 Necdum satis liquebat : instandum amplius.  
 Servile fletum crimen, atque inde imminens  
 Pueri periculum, deteget siquid latet.  
 Non recta semper sulcat adversum mare  
 Carina : prodest saepe prolato pede  
 Sinuare cursum & vela in obliquum dare.  
 Est & probandis usus interdum dolis.  
 Spero, reperiam : sin minus, faciam bonos.  
 Ades Manasse, si tibi quondam viro  
 Pars se aliqua regni credit, *Aegyptus* tibi  
 Sit patria : sic est merita. benefactis data  
 Remunerare. proximum numen Deo

Regem putato : prima sit legum, illius  
 Obsequia jussis pendere, & rebus fidem.  
 Tum fastus absit, mentis inflata tumor.  
 Res est potestas fragilis & regum favor.  
 Supermicantem ducibus in planum levīs  
 Tulit hora. paulum saepe ab imperio interest.  
 Ad supplicantium verba & alienos pedes.  
 Si dignitas tua laesa, si damnum datum,  
 Da facile veniam. Prona gens labi sumus  
 Homines, quod olim primus ostendit sator,  
 Furtiva vetita poma cum tetigit manu.  
 Dat ipse se facilibus exorabilem,  
 Suaque lege quemque metitur Deus.  
 Suprema virtus atque virtutum omnium  
 Perpetua custos & triumphatrix necis,  
 Pietas habenda est. otium semper fuge,  
 Vitiis amicum. Vult honos sese coli.  
 Nam fulgor ex quo gentibus monstrat virum,  
 Ut magna non sit fama, vitari nequit;  
 Sed sit decora an turpis, hoc in te situm est.  
 At nunc eamus visere obscuros specus,  
 Quibus urbs recondit magna Cereales opes,  
 Mandata fidei nequa pars nostra labet.

## C H O R V S.

**F**Acundis domini fessa profatibus,  
 Noctis damna die certa rependere.  
 Asnethe nitido sola jacens thoro,  
 Ne somnum strepitus turbet amabilem,  
 Nos stare arifonas hīc jubet ad fores:  
 Quas illi famulas misit ab ultimis  
 Nubarum populis, quos Niger alluit,  
 Rex Chusi genitus sanguine nobili,  
 Torta, non acubus, fluminis in modum,  
 Sed Phæbi radiis conspicuas coma;  
 Depressas patulis naribus & cutem  
 Signatas nimium contigua face;  
 Crassus labra quibus sepibus obtegunt  
 Candorem niveum dentis eburnei.  
 Fortunata domus, quam parili fide

*Indivulsa regit copula conjugum.  
 Fert vultu soboles patris imaginem :  
 Gaudet casta suo teste puerpera :  
 Nec vir barbarica more potentia  
 Noctes multiplici federe dividit,  
 Litesque atque odium seminat in domum :  
 Vnam totus amat. pectore tam bono  
 Externis locus est nullus amoribus ;  
 Quos pridem juvenis vincere noverat :  
 Cum servus domina liberior sua  
 Flagrantes oculos mentis adultera,  
 Nudatosque sinus, verbaque mollia,  
 At mox imperii jure minacia ,  
 Contempsit, veluti dura solet silex  
 Spumosos pelagi spernere vortices.  
 Vis ne, inquit, triplici me scelere obligem,  
 Ut, matrona, tibi dedecus adferam ,  
 Et frangam domino, quam pepigi fidem .  
 Et sancita Deo federa polluam ?  
 O qui siderei tramitis arbiter  
 Iusta lege vices temporis ordinas ,  
 Ut nunc purpureis ver niteat rosis ,  
 Nunc messẽm segeti Sirius excoquat,  
 Nunc vini laticem palmite cœrulo  
 Autumnus pariat, nunc subiens hœms  
 Tellurem gelido sidere temperet ,  
 Idem cur pateris colla nocentium  
 In sublime caput ferre, bonos premi ?  
 Stuprum corde ferens femina, corpore  
 Infantis spoliũ, sava libidine  
 Frustrata, juvenis vincla paciscitur ,  
 Translatoque virum crimine decipit ,  
 Corruppens animum judicis osculo.  
 Illum, quem triplici muniit aggere  
 Forma rara comes candida castitas,  
 Sævus carcer habet. sanctus & innocens  
 Veros inter agit mixtus adulteros.  
 Ast illic etiam, quanta sit, edocet  
 Leges connubii fallere feditas.  
 Miratur juvenis verba senilia ,*



Morataque decus frontis, & os probum,  
Atque injecta oculis fræna pudentibus,  
Victorum populus. carceris occupat  
Consors, officium iudicii: illius  
Vitam quisque videns, se peragit reum.  
Ut non tota fugit nos ratio Dei,  
Sic nec tota patet. non habet is suos  
Laxe, non nimium molliter; ut bonus  
Dux virtute sui militis utitur,  
Indicitque operas; sic pater omnium  
Vult durare malis quos amat, & cavet  
Ne marcore situm pectora contrahant.  
Verum non inopes interea tamen  
Solati patitur, dans animos suis,  
Sustentansque hilari spe patientiam.  
Sic noster tenebras inter & horrida  
Ferro claustra domus, juris erat sui,  
Servabatque alios; ante cupidine  
Intactus, trepidi tunc domitor metus.  
Qui pulchro dominam corpore ceperat,  
Captivos animi cepit honoribus,  
Custodemque loci. plebs miserabilis  
Unius fidei creditur: accipit  
Hinc præsaga suis fascibus omina,  
Regnumque in medio carcere possidet.  
Quo solis radii vix penetraverant,  
Lux divina venit, seque sub illius  
Puro corde locat: fontibus explicat  
Nocturnos monitus: commodat os Deo:  
Huic pœnam, veniam nuntiat alteri.  
Sic fluxere dies temporis asperi,  
Donec Rex pavidus noctis imagine  
Frustra Niligenas consuluit magos,  
Frustra, quid struerent fata novi, polo  
Inter sidereas quasi orbitas:  
Vatemque immeritis suppliciiis levans,  
Induxit manibus gemmea vincula,  
Et byssi niveo tegmine vestiens  
Præfecit dominum gentibus alterum,  
Et dextrum solio constituit suo.

## ACTVS SECVNDVS.

RAMSES. IVDAS. RVBEN.

RAM. **E**T me tua miserescit atatis, puer,  
 Quem trahere magnos ad Sophompaneae lares  
 Manibus reuinctum cogor. at ratio imperi  
 Non constat aliter, nosque lex iussis heri  
 Iubet ministros esse, censores vetat.

I V D. Si patere Ramse, pauca pro puero loquar.  
 Si non sat illum liberat tali probro  
 Ingenua species oris, atque anni doli  
 Vixdum capaces, pende quod factum diis  
 Hesternum vidit. hoc quod adstrictis boum  
 Tergoribus aurum publica cusum nota  
 Abdiderat error vester, in Syria fuit,  
 Vbi vindicare nemo, nec poterat queri:  
 Retulimus ultro: munera addidimus soli,  
 Exigua fateor, balsama, & mortaliū  
 Imitata digitos poma, & haud uni malo  
 Medicamen herbas, quodque de myrrha fluit,  
 Apumque nectar atque amygdalinas nuces.  
 Si maius isto ferre potuissent onus  
 Nostra quadrupedes, jam puto nos diceres  
 Non esse avaros, improbos multo minus.

R A M. Inanis horas perdere in voces labor,  
 Res quas refellit. Quod datum pretium modo  
 Pro Cerere, clausum sarcinis vestris fuit,  
 Omitto: plena talium nostra est domus.  
 At patera, pueri iuncta qua rebus fuit,  
 Est illa, dominus ipse quā vitis solet  
 Libare laticem, cum preces rerum patri  
 Pro se domoque fundit, & pandi sibi  
 Poscit futura sortis e calo notas.  
 Nam magnus illum saepe dominator poli  
 Omnes latentis conscium arcani facit.

I V D. Si arcana novit, nos quoque haud dubie sciet  
 Esse absque noxa. R A M. pectoris vestri sinus  
 Excutite. verum rectius dicet tibi,  
 Quam tu ipse nemo. sed cave te iudices  
 Ex parte: vita tota, quanta illa est, tibi

Spe-



*Spectanda series. non representat sua  
 Supplicia semper, lentus irasci Deus :  
 Sed vetera cernens vitia cumulari novis ,  
 Gravitate pœna temporis pensat moram.  
 Impune scelera sæculi tulerant diu  
 Veteris gigantes, antequam calum mari  
 Confudit undas, & suas calo mare  
 Undas regeßit, summaque in juga montium  
 Salire nullis clausa littoribus freta.  
 Diu superba dicta & in superos minas  
 Lactarat atas illa, cui concordia  
 Rupere fedus vocis ignota soni.  
 Post multa sero facta sævitia trucidis ,  
 Ultraque sexum veneris inventas faces ,  
 Incendit urbes imbre sulfureo polus.*

**I V D.** *Ferale Dothan nomen & vasti specus  
 Immane praeceps, tuque avara Arabum' cohors  
 Parata quidvis emere, quam nunc memoria  
 Ad vos recurrit tristis & cor verberat.*

**R V B.** *Monuisse memini saepe, ne tantum nefas  
 Admitteretur. hæret hoc animo recens  
 Miserrimum rogantis vultus : illa nos premunt  
 Calo recepta, fratribus surdis, preces.*

**I V D.** *Alios monere facile. si propriam tibi  
 Inspicere vitam cura, non deerit nefas.*

**R A M.** *Quis oris iste turbidi inter vos sonus ?*

**I V D.** *Syria repetimus clara quæ nostri loca  
 Tenuere patres, omnibus circum inclita  
 Bonitate noti, dexteræ magni quibus  
 Iunxere reges, & probaverunt fidem :  
 Quorum hospitale pectus & mores probos  
 Grata celebrat laude, Iordanis vadum  
 Quæ terra & undas inter Euphratis jacet.*

**R A M.** *At non propago semper in laudes patrum  
 Succrescit. Est cum degener proles probro  
 Libidinoso, perfidis pactis, fero  
 Facinore, turpat generis auctores sui.*

**I V D.** *O pars nostri sanguinis, avi  
 Primo vernans in flore puer ,  
 Donum infelix atatis habes.*

Nescire quibus mergare malis.  
 O dulce rubens gratia vultus,  
 Permixa velut purpura lacti,  
 Aut nascentis lux prima rosa:  
 Tuque ô Libyco concolor auro  
 Coma, delicia lenibus auris:  
 Quis te diri stipitis ictus,  
 Aut, si poterit mors dura fugi,  
 Horrida quæ te specus expectat?  
 Aut qua, nobis & patre procul,  
 Regione jugum famulare feres.  
 Heu non tales natus ad usus,  
 Regum sociis generatus avis.  
 Non te varia veste decorum  
 Latus cernet cursare pater:  
 Non armentum pascere fessis,  
 Cum sol medium transigit iter,  
 Properata feres prandia nobis.  
 Et forte aliquis (namque malignis  
 Tellus animis non ulla caret)  
 In te rursus crimina finger,  
 Cum te cerent inopem, externum,  
 Vinâice nullo.

R A M. Laudo, propinquo sanguinis vinclo tibi  
 Quod amas ligatum. Discrepant mortalium  
 In multa mores: scita sunt aliis locis  
 Alia, ut voluntas sceptrâ tractantum, aut sua  
 Cujusque patria & gentis utilitas tulit.  
 Lex ista ubique est, quæ nec in tabulis cedri,  
 Nec in ære pendet sculpta, nec stat marmore,  
 Sed corde in ipso est scripta communis manu  
 Auctoris: illam qui fugit, sese fugit.  
 Fera quoque ipsa genere consortes amant.

I V D. Ipsos dolores tangis, ut nequeas magis.  
 Sed ecce densis præses Ægypti venit  
 Stripatus armis ad laris limen sui.  
 Quæ nunc neganti, quod putant certum, fides?  
 Quæ consitenti venia? vim sapientiæ  
 Mihi demit omnem, nec sibi vultum sinit  
 Constare culpæ conscius veteris pavor.

R A M-

## RAMSES. IOSEPHVS. IVDAS.

RAM. **D**Eprensa noxa est. salva res. illum penes  
Sacrifica latuit patera, quem vinctum vides.

Vnum retraxi: sponte grex fratrum it comes,  
Monstratque luctum vestibus ruptis suum.

IO S. Qua vos cupido misera, qua fiducia  
Ad hoc adegit facinus? an vobis ego  
Ignotus adeo, plenus afflatu Dei  
Cui monstrat animus quicquid abstrusum latet,  
Et alia vates perspicax prudentia?

I V D. Magnanime princeps, proximum regno caput,  
Ad tua voluti genua, qua jam possumus  
Reperire pro re verba, quem fandi modum,  
Quo nos tueri teste, quos peragit reos  
Deus ipse? Sed tu gentium domitor doma,  
Quod maximum, iram: nec velis quantum potes.  
Munus tuum tuere: quam contra famem  
Vitam dedisti, rursus ex pœna eripe.  
Hominem facit res una contiguum Deo,  
Servare lapsos. Sume nos nexos tibi,  
Hunc patera sub quo sedit, & fratres decem.

IO S. Mos ille multos tenuit & multos tenet  
Populos Eoi generis, ut pœnas vetent  
Intra nocentes stare, sed contagio  
Patres eodem, liberos, fratres trahant,  
Et quinque culpa non sua involvant domos.  
Me praeside aliud jus in Aegypto viget,  
Et ut per omnes vigeat atates, precor:  
Sibi quisque peccat: longius non it metus,  
Quam facinus: hæres nemo supplicii venit.  
In quo repertum est crimen, is servus meum  
In jus abito. Cateri immunes malo  
Repetite, qui vos avidus expectat, patrem.

I V D. Quaquam loqui me terret & noster status,  
Et oris illud specimen augustum tui  
Regi secundum, si vales in nos graves  
Suspendere iras, pauca non dura precor  
Ut aure capias verba, contemptus, miser  
Qua fundo, sed quod ad preces satis est, homo.



Quo tempore ad te prima nos duxit fames,  
Interroganti nostra respondi tibi ,  
Nos patre genitos qui supra humana modum  
Ætatis annis vinceret sæclum senex.  
Illi esse natum, nos decem præter, novo  
In flore vitæ, gaudium & lumen patris :  
Quippe editum curricula cùm circum ultima  
Senis iret atas, deque genitrice unicum ,  
Carente pridem luce quem quondam alterum  
Idem pepererat uterus. hunc duci tibi  
Puerum imperabas, ut foret quem tam potens  
Benignitate gratia impleres tua.  
Ad ista nobis profuit contrà nihil  
Dixisse, vitæ filia rupturum patri  
Divortium animo pignoris cari suo.  
Nam tu negabas copiam nobis tui,  
Nisi adveniret ille, conspectus dari :  
Quæ dura postquam verba percepit senex,  
Sedit silens lachrymansque, canitiem sacram  
Et ora sadans pulvere ac turpi luto.  
Consumpta cùm jam tota deficeret Ceres  
Quam ripa Nili dederat, & trepidi invicem  
Obverteremus ora, vicina fame ,  
Iremus alias querere Ægypto dapes  
Senior monebat usque. nos obtendere  
Tua jussa non flectenda : si parvus domi  
Frater maneret, spem cibi nullam super.  
At mæstus ille : filios peperit duos  
Nostro fidelis socia conjugio Rachel.  
Horum prior de latere discessit meo  
Nunquam videndus. ejus heu miseri truces ,  
Ita nuntiastis, membra lacerarunt fera.  
Si nunc ab oculis alterum rapitis meum,  
Et aliquid illi eveniat ( in multos enim  
Humana casus vitæ perpetuo patet )  
Respicite canis oro quid fiet meis.  
Luctu peresus, tabe tristitia fluens  
Abibo luce ejectus ad mortis loca.  
Nunc te per illum quaeso, si fas est, senem,  
(Fuit & tibi olim genitor) atque animam illius

Quæ

Qua tota puero pendet ex isto, levi  
 Fugitura motu siquid inciderit grave :  
 Causam ferilis mortis ascribi tuis  
 Ne patere titulis, magne servator Phari.  
 Vicarium me sume servitii, precor :  
 Onus domorum est tener & invalidus puer :  
 Mea majer opera. me patri feci vadem.  
 Ne cogar illum aspicere violata fide ,  
 Ne me gemitibus atque lachrymarum imbribus  
 Accuset, & cum fuerit in terra sinum  
 Condendus, ipse crimen ibi condam meum.

I O S. Nec cuncta qua tibi dicta, nec credo nihil.  
 Qui constituere properat, ingreditur viam  
 Ad pœnitendum. Videro mox amplius.

I V D. Felix nimis Iosephe, si extinctus jaces ;  
 Quod ista jam non patere nobiscum mala ;  
 Si vivis, ipse quod tuas injurias  
 Non finit inultas ætheris magni parens.

### C H O R V S.

QVæ nascentes solis radios  
 Videt Ægyptus, tellus juxta  
 Pharijsa jacet. quam gens hominum  
 Meritis partes novit in ambas ,  
 Dubiam magis an prosit, an obsit.  
 Pulchra inventis fama Tauræ ,  
 Quicquid pelagus tellusque vident ,  
 Quicquid cali mobilis orbes ,  
 Et qui Totum colligat ær ,  
 Quicquid Toti par mens hominum  
 Reperire valet quater id senis  
 Omne legendum præbere notis.  
 Sed gens eadem, quasi non morbi  
 Satis atque fera, raperent hominum ,  
 Quique obsedit latro Nilivæ  
 Crocodilus aquas, genus addentes  
 Ad fata novum, rate caperunt  
 Fragili fluctus sulcare maris :  
 Nec conspicuum radere littus :  
 Sed quæ medium pelagus terras

Effugit .

Effugit, austros Vrsamque sequi :  
Non ut populis possent longe  
Ferre remotis quæ natura  
Pauca petentis postulat usus,  
Sed ut aquoreos tincta cruores  
Humeris regum lana niteret,  
Vt gramineum dites ornans  
Digitos vomeret gemma virorem.  
Facit hac auri malesana sitis.  
Hac, quæ docuit spernere cali  
Pontique minas, tenuique animam  
Credere ligno, dira cupido,  
Hominem in quæ non crimina cogit ?  
Hinc illiciti licitique procul  
Discrimen abit. nulla rapinas  
Prohibet pietas : placet ex omni  
Quasita loco prada, nec ipsis  
Parcitur aris.  
Felix ætas prima parentum,  
Cum diuitiæ fraga fuerunt,  
Et quos manibus consita nullis  
Sponte saporibus protulit arbor :  
Lex una fuit, nescire nefas,  
Vitaque simplex & casta satis  
Corpore nudo.  
Postquam vallum facta pudori  
Tunica, & jam vi pendere fruges  
Terra coacta est, fas ruperunt  
Sanguinis iræ : præscidit ævi  
Cursum fratri fraterna manus.  
Non hic hominum constitit audax  
Labor : ima fodi sensit trepidans  
Viscera tellus, meliusque latens  
Duri chalybis vena reperta est.  
Non trux ultra singula carpsit  
Corpora cades : ferrum magnos  
Vna populos messuit hora,  
Et vis scelerum, belli titulo,  
Tanta secuta est, quantam haud ultra  
Tolerare valens maris in se undas

Terra



Terra vocavit, nec minus illo  
 Aliud calo mare delapsum est,  
 Quali sese fremitu Pharius  
 Cautibus altis dejecit amnis.  
 Sed nec succum profuit uræ  
 In spumantes pressisse lacus.  
 Damna accepit tunc magna pudor.  
 Natis patrum risa senectus:  
 Peperit patri nata nepotes.  
 Quid non reperit fada voluptas?  
 Tibi gens Mesoris multum & nostro  
 Gratulor ævo, cujus culpas  
 Quam datur arcto fine coercet  
 Dux egregius, vitium ressecans  
 Lege severa: sed & ipse suo  
 Magis exemplo certat sanctos  
 Reddere mores.  
 Placet hîc morari: magna res cœpta est: libet  
 Videre tandem quem sit habitura exitum.

## A C T V S   T E R T I V S.

## N V N T I V S.   I O S E P H V S.

- N V N. **Q**uæ pars feroces maxime populos habens  
 Rubrum vetat coire Carpathio mare,  
 Tota est in armis. quisque jus dicit sibi,  
 Spretoque magni regis imperio furit.
- I O S. Grave: sed frequens jam gentibus Phariis malum  
 Sed non medenti sufficit, quali lues  
 Flammetur astu nosse, quam partem premat,  
 Quibusque sese suscitet stimulis dolor.  
 Noscenda morbi causa. tu nobis quoque  
 Edissere, ex quo fonte manarit malum.
- N V N. Prima a nomarchis causa, qui iustis tuis  
 Inobsequentes, dum nimis lucro student,  
 Pretioque magno farra trans finem vehunt,  
 Parce dederunt ruris habitanti loca  
 Alimenta plebi: deinde mox minus & minus.  
 Vitam diu protraxit aliena fame  
 Opulentus emtor: tradidit panem manus

Egena : tanto major erat auri fames.  
 Postquam per agros tota defecit Ceres,  
 Pecori invidere cœpit & stratum solo  
 Virgulta & herbas vulgus in ventrem tulit.  
 Nec in eo videbat turba quid faceret mali.  
 Nam vacua simulac terra graminibus fuit,  
 Periere nigra tabe lanigeri greges,  
 Bovesque & hominum quicquid in pastus dedit  
 Natura. miseri, ruris excubias canes  
 Ibimque & alia fœda contactu quoque,  
 Vertère in epulas. quis putet ? multi aspides  
 Venantur, & venena prudentes edunt.  
 Stat turpis ore pallor & fluitat cutis,  
 Abactaque intus lumina atque artus hiant.  
 Pressit querelas gemitus infelix diu.  
 Tandem unus alterque otio soliti pigro  
 Traducere avum, lavaque ausi etiam prius  
 Iacere in potentes verba, dum vesper polo  
 Obducit umbras, dum color rebus perit,  
 Colligere cœtus, atque ibi veteres novis  
 Aggerere culpas : aut ubi thura, ut pios  
 Faciunt miseria, populus adolebat Deo,  
 Captare turbam. Quem sibi esuries modum  
 Hac sperat, ajunt : nostrane hoc patientia  
 Expectat, ut sit pugna quis cujus prior  
 Discerpat artus, natus ut patris veru  
 Coquatur, atque redeat in matrem puer ?  
 Potentiam timetis ? hac nihil est, nisi  
 Inane nomen, quod parit segrex pavor.  
 Quicumque terret singulos, cunctos timet.  
 Hac quisque semel audita, quoquo advenerat,  
 Profert & auget. parva pars ad te preces  
 Suasere mitti, victa quorum auctoritas.  
 Pars magna ut æstro tacta plus motoribus  
 Insanit ipsis. Impetu quanto ruunt  
 Per inane venti, montis & rupti latus  
 Iactant & alta robora excutiunt solo :  
 Sic conglobata rapitur agrestis cohors,  
 Sudes prauistas saxaque & fracti ferens  
 Partes aratri. mille vox linguis sonat :

Petend



Petenda Coptos seide dominantum potens :  
 Ibi panis : ibi vindicta. Caput exercitus  
 Vires eundo : plurimi, quâ transitus ,  
 Numerum stupent faciuntque. Cum ventum prope ,  
 Et urbs in oculis, claustra portarum petunt  
 Flammante tada. traxit acre incendium  
 Abies, & ingens Eurus adjuvit faces :  
 Sparsus propinquas ignis invasit domus :  
 Volitant favilla : piceus ut calo globus.  
 Dumque urbis illuc populus accurrens parat  
 Remedia flamma. ruris hoc usa agmina  
 Pavore, muri parte neglecta irruunt,  
 Statimque rapta publicis penetralibus  
 Arma induuntur, & vibrant enses manu.

I O S. Solos nomarchas ista seditio petit,  
 An latius vagatur, & discrimine  
 Sontes remoto miscet innocuo gregi ?

N V N. Rabies in ipsos prima rectores furens  
 In frustra multos carpsit, atque horum nihil  
 Tumulo reliquit. profuit paucis fuga ,  
 Quos nunc ferarum devia latebra regunt.  
 Mox horrea invasere. quâ potuit Ceres  
 Servata recte, tempore longi famem  
 Arcere populo, rapta sine lege ac modo ,  
 Mali diebus attulit paucis moram.  
 Primordia hac fuere. sed non vis stetit  
 Quâ caput, ire in pejus ut morbi solent.  
 Quâ clara pendent dona templorum tholis,  
 Quâ publici usus gaza, privatis sua  
 Quos arca census servat, in pradam venit.  
 Nec ignis avidas arcet inbiantum manus :  
 Diripitur ardens Coptos. ingenuam quoque  
 Pubem, virosque nobiles captos trahunt ,  
 Pretioque servos barbaro mittunt solo.

I O S. Quis ausus emere liberi juris genus ?

N V N. Arabum regentes arva bissemi duces.

I O S. Gens ista mores Agarii injustos refert.  
 Sed in urbe capta nunc quis imperii modus ?

N V N. Non una mansit forma : ductorem sibi  
 Legere summo jure : displicuit cito.

*Impositus armis alius, & vineta additis  
Sociis potestas : sed nec hoc mansit diu ;  
Datumque turba regimen. ibi sententia  
Clamore certant, imperatque audacia.  
Contenta verbis nec manet discordia :  
Vulneribus agitur : ipse conflictum truce[m] ,  
Motasque vidi mutuam in eadem manus.*

**I** O S. *Spondent paratam qua refers victoriam.  
Ramse, properiter quot potes turmas rape ,  
Cincturus urbem. Fecero iusta brevi  
Adsint cohortes, & per infernos specus  
Qui mania intra militem obscurum locent :  
Nec deerit aries horrido incussu gravis ,  
Nec capite tecto vinea serpens opus.  
Per hac potitus urbis, armatum gregem  
Imbuere Phario sanguine aut prada cave.  
Expectet a me commoda & pretium suo  
Miles labori : sufficit rex omnibus :  
Ne civium dolore sibi questum parent.  
Civile regimen da nec opulenti nimis ,  
Qui multa habentes semper in majus tamen  
Sua vota mittunt, tamque nil parentium  
Populo volunt licere quam nil non sibi :  
Nec contra egenis, quippe cor quorum exedit  
Inimicus aquo livor, infociabilis ,  
Aliena cernens lumine infesto bona.  
Quod civitatem continet, medium est genus ,  
Luxu remotum, sorde contempta vacans.  
Hinc, qua per omnes laque distribuas pari ,  
Alimenta mittam. Quicquid aspiciens Cyprum  
Littus, rubentes inter & fluctus situm est ,  
Qua parte Pharius limes extrema sedet  
Tellure, denso turrium obtentu tege.  
Venient favente tempora atherio patre  
Meliora, cum gens sentiet vires Phari  
Nabataa, nostris qua frui gaudet malis.  
Tenebricosus servet imperio male  
Vos nomarchas carcer, atque illos simul  
Quibus inquinata cade rectorum manus ,  
Quamvis nocentum, more non tolerabili*

B

Et

Et hoste pacis. Illa terrebunt magis  
 Supplicia, quæ non ira constituet recens,  
 Sed amica gravibus tarda consiliis mora.  
 Veniam ferunto, qui satis delinquere  
 Habuere tantum jusserat quantum fames :  
 Non quorum avarus sese in alienas opes  
 Immergit animus. At quibus popularium,  
 Ludibrio quæstusque libertas fuit,  
 Nunc jura pœnis sentiant ipsi suis  
 Quæ reppererunt : terra viventes premat :  
 Ibi per laborem tempora, erepta die,  
 Dimetientes compedem duram trahant.  
 Sed & hi tamen pascantur : & quam facinoræ  
 Lasere diro patriam, exemplo juvent,  
 Spectaculoque miseria prosint diu.  
 Fac ista cures. Quæ domum spectant meam  
 Iam pauca ego intus conjugii fida loquar.

## I V D A S. S I M E O N.

**P**roh, qualis iste, Simeo, vir ? quam provide  
 Cuncta ordinavit, quam peragavit bene  
 Supplicia meritis, juris ac recti tenax !

**S I M.** Talem diu jam video, pro vobis ego  
 Dum servor obses. Sape conspectus mihi  
 Sedere, & æquus, partis utriusque, arbiter.  
 Audire patiens dicta : nec verbo levis.  
 Nec ore motus prodere indicium sui.  
 Valebat illo, testium, sub iudice  
 Fides magis quam numerus : & testis locum  
 Implebat antè vita quæ fuerat rei.  
 Legum studebat persequi normam, nisi  
 Suaderet aliquid tristibus clementia  
 Detrahare pœnis, non tamen sic lenitas  
 Nimis ut soluta decerneret vitæ metum.

**I V D.** Quid esse dicam, quod Sophompaneas, heri  
 Nos hospitale largus excipiens dape,  
 Hoc, quem dedit natura, disposuit loco ?

**S I M.** Mihi crede, quod tu, frater, eximium putas,  
 Minimum est in illo. magna vis illum Dei  
 Inspirat, & , quæ non valet mens assequi



*Mortalis, intus spiritu atherio monet.*

**I V D.** *Qua se ista tanto porticus spatio explicat,  
Amplexa totam latere tergemino domum?*

**S I M.** *Istam petitis littore usque ab Ionio  
Fieri columnis jussit in amicum suum  
Rex non avarus. I V D. intus aspicere an licet?*

**S I M.** *Licet, & juvabit. namque & hic multo litas  
Colore tabulas, opera sollicita manus,  
Rex jussit addi, qua Sophompaneæ decus  
Et acta monstrent hospitum conspectibus,  
Ut ipse fama vivus intersit sua:*

**I V D.** *Eamus ergo. Ne time: non, Benjamin,  
Te deseremus. non tuos fratrum chorus  
Effugiet oculos, ilicetque aderit tibi,  
Simulatque magni praesidis cardo streper:*

**S I M.** *Hac opera visu, quam potes, propero rape.*

**I V D.** *Quid ista sibi vult femina iratum rubens,  
Qua crine vulso lacera & humectans genas  
Chlamydem simul fugientis a tergo rapit?*

**S I M.** *Matrona forma simul & imperio potens  
Stimulis negati scivit in castum stupri,  
Regeritque crimen, scelereque obvelat scelus,  
Mendacioque pignore hoc querit fidem.*

**I V D.** *Video nigrantem carceris scivi domum.*

**S I M.** *Hoc ille clausus crimen alienum luit.*

**I V D.** *Quis de racemo triplice tres uvas premens  
Geniale regis fundit in phialam merum?*

**S I M.** *Non gesta res est. sed Sophompaneæ fuit  
Qui vinculorum socius, hanc somno datus  
Imaginem conspexit; & Phæbi jubar  
Simul extulisset tertiam cælo facem,  
Se rursus ut ante regia poclis fore  
Mensa ministrum, didicit illo interprete.  
Vocem secutus exitus vatem probat.*

*Hæu quam brevis memoria factorum bene!  
Ex carcere illo pristinum indeptus locum,  
Insignis opibus, gratia clarus, potens  
Honore, mansit culta amicitia prius,  
Praesagiorumque & sui pacti immemor,  
Donec suum bis signa per bis sex iter*

*Sol explicaret, & Phari sapientibus  
Obscura regis quæreret vatem quies.*

**I V D.** *Est alia tetra tristis in caligine  
Species. Canistra plena regalis tria  
Mense paratu lancinant rostris aves,  
Epulasque dulces unguibus fadis trahunt.*

**S I M.** *Et ista somni forma, quam vidit miser  
Captivus, olim regia structor dapis :  
Sicutque vatis dixerat vox præsca,  
Cum tertio purpurea curriculo diem  
Proferret Eos, horrida pendens cruce  
Avidas volucres artubus pavit suis.*

**I V D.** *Septem superbas corpore eximio boves  
Niliaca profert unda, quas ripam gravi  
Pede metientes graminum pascit viror.  
Sequuntur alia, pigra quas genuit palus,  
Macie juvenca squallida, numero pari ;  
Qua simul ad eadem repserant agre loca,  
Illas opimas lurido rictu vorant.  
Septem beata pondere in terram suo  
Vergunt arista : flavus est illis color.  
Totidem sed alios video contiguos solo ,  
Sitiente culmos mergite, exsuccos, leves ,  
Quos astuosus solis exhaust vapor.  
Et virus horum nobiles spicas necat.  
Quis iste in ostro talia aspectat jacens ?*

**S I M.** *Rex ipse: namque huic fruge felici uberes  
Septem, atque septem segetis infaustra notat  
Annos latente noctis effigie Deus.  
Sed nemo nodos potuit hos evolvere,  
Nisi ille, quem rex carcere eductum horrido  
Ob id secundum culmini fecit suo.*

**I V D.** *Agnosco pictum byssino cultu : trahit  
Eburnus illum currus : in lava micat  
Radiatus adamas, torquis insigne aureum  
Dependet humeris : pronus in faciem jacens ,  
Adorat illum populus & laudes canit.  
Sed qua illa triplici classe distincta agmina ?  
Succincta tunicis prima pars : pars altera  
Sudat sub armis : carbaso pars tertia*

*A capite ad imos candida tegitur pedes.*

**S I M.** Quoscunque populos claustra regnorum Phile  
 Cohibent, & ingens Nilus & Nili mare,  
 Hos docuit ille in genera partiri tria,  
 Et distributas singulis artes novis  
 Auxit repertis. En aratores habet  
 Sors prima, & operas vita quarum usu viget.  
 Monstravit ille spumeam vim fluminis  
 Attollere in sublime circuitu rota  
 Non constituro mobilis vestigio.  
 En rursus alii, hospitibus admirabile,  
 Tractant farinam pedibus & manibus lutum.  
 Secundus ordo miles. hunc alto otio  
 Agitare bellum docuit. Hi vallum ferunt:  
 Currunt in armis alii & in palum graves  
 Meditantur ictus. pars equi non mitibus  
 Vrgent lupatis ora & in gyrum trahunt.  
 Currus at alius regere falcigeros labor.  
 Pars iusta castris spatia dimensi parant  
 Munire fossis & superjecto aggere.  
 Hos contus ingens armat: hi nervo sonans  
 Sinuatur arcus. hi securigera manu  
 Ferire discunt. cernis in dextram modo,  
 Modo in sinistram tota versari agmina?  
 Modo explicatur frons, modo in cuneum coit.  
 Dicata sacris tertia est hominum cohors,  
 Quam gaza regis oneris exsortes alit:  
 Nec hos, Sabaeos crede tantum altaribus  
 Adolere odores. Quin Sophompaneae duce  
 Quarunt vagantes quid retro stellas agat,  
 Cur Cancris ad orbem longior soli mora,  
 Idemne semper ursa destiterit polo:  
 Quae causa caelum siderum partu nove  
 Facundet: & consilia rimantur Dei  
 Per omne Mundi, quanta natura est, opus.  
 Formas quoque illas pulveri inscriptas vides?  
 Ibi triquetrus disputant quantum ambitus  
 Contineat aquor: orbe sit quanto minor  
 Quae media fines linea attingit duos.  
 Tum quicquid egit fortiter bello Pharos,



*Aut pace placide : quicquid Ægypto utile  
Sanxere leges, Memphide & regnantium  
A Mesore primo nomina, & populi truces  
Motus in alta mole pyramidum notant,  
Rerum exprimentes signa, non vocum sonos.*

**I V D.** *Quid illa sibi vult tabula, generosi ducis  
Vbi plebs ad aulam pallida ac trepidans coit ?*

**S I M.** *Res magna regis agitur. Vt primum fidem  
Segeti abnegavit annus, esurie exciti  
Mancipia vendunt Cerere, quam rex horreis,  
Dum larga messis fuerat, abdiderat suis,  
Hoc vate monitus. Savior postquam fames  
Momordit artus, adferunt pretium boves,  
Et quicquid herbis pascitur latis pecus :  
At mox & agros : deinde jus etiam sui.  
Sic cuncta magnus arva quæ Nilus videt,  
Dentis sacrato dicta quæ fuerant choro,  
Hominumque venit turba sub regis manum :  
Quos ille (namque id columen imperii fore  
Dux aestimavit) linguere a proavis diu  
Habitata iussit arva, & aliena in loca  
Misit colonos. **I V D.** Proh viri sapientiam,  
Sive illa ab usu, sive de calo data est.  
Sed ne illa nobis obsit, haud frustra mihi  
Cor timet. ab ipso multa nesciri velim.*

**S I M.** *Spatium quod ultra porticus tergum domus  
Spectans recedit, nil habet, te quod juvet  
Inspicere. sacris cuncta quæ populo Phari  
Venient futuris fata, mens ibi præscia  
Disposuit. illa mersa nunc caligine,  
Intelligentur cum fidem faciet dies.  
Et jam diu nos pavidus expectat puer.*

### C H O R V S.

**N***Ille, seu Siris potius vocaris,  
Sive te nostri melius parentes  
Astapum dicunt, vaga cujus unda  
Fontis ignoto veniens ab ortu,  
Vasta quæ squallent loca se profundas  
Abdit in terras, hominique nata*

*Rursus*

Rursus emergit, scopulique ab alti  
 Lapsa bis saxo violenta murmur  
 Iactat horrendum; bifidoque cursu  
 Lambit Ægyptum latere ex utroque.  
 Donec immensis procul evoluta  
 Ostiis findit mare; quid profabor  
 Virgo, doctorum grege dissidente,  
 Sape qui magni ducis advocati  
 Ad dapes aures tetigere nostras?  
 Quas tibi dicam nocuisse causas,  
 Quod Pharum quondam solitus rigare.  
 Imbris ut fusi nihil indigeret,  
 Sirio quamvis toties vocante  
 Vincere octonos cubitos recusas?  
 Solis an junctis veniens ab astris  
 In modum crevit calor auctiorem,  
 Et sitim tellus mea sentit altrix,  
 Nec suas amni pluvias refundit?  
 An tuos natum vegetare cursus  
 Mercuri velox hebetavit astrum  
 Stella Saturni pigra? num gelatus  
 Occidens vernos Zephyros retentat,  
 Qui tuum toto pelago retundunt  
 Flumen & cogunt superare ripas?  
 An cadens in se vetera abnegavit  
 In tuos cursus alimenta tellus,  
 Dum quod Atlantis juga pulsat omnem  
 Ambiens Mundum mare per cavernas  
 Abditas caco vetat ire fluctu,  
 Aut via labi prohibet latente  
 Qui tibi furtim sociantur amnes?  
 Ista, ni fallor, nimium periti  
 Quaritis frustra. Deus orbis auctor  
 Ipse, cum terris male mixtus humor  
 Littore & ripis didicit teneri,  
 Fecit & Nilum, propriaque vinxit  
 Lege, quam culpas hominum perosus  
 Mutat, & monstris mala sacra terrens  
 Tentat in rectum revocare gentes.



## ACTVS QVARTVS.

IOSEPHVS. IVDAS. BENIAMIN.

IOS. **A** Bripite puero vincula, ut respondeat  
 Liberius : & vos corporis comites mei ,  
 Et fida famuli turba, vosque o Nubides  
 Abstare. Sunt qua solus hospitibus loquar.  
 Vivitne genitor ille, quem dixtis, senex ?

IUD. Vivum reliqui, regna cum peterem Phari.

IOS. Quot ejus atas annuos cursus habet ?

IUD. Orbis peregit prope ter & decies decem.

IOS. Etasne tam declivis a morbo vacat ?

IUD. Mœrore demto nullum habet morbi genus.

IOS. Hunc ergo puerum mœret abductum sibi ?

IUD. Est alius etiam qui senem torquet dolor.

IOS. Licetne scire ? nam senex pater & mihi est.

IUD. Dixisse memini. filium amissum dolet.

IOS. Qua sava patri filium sors abstulit ?

IUD. Id scire oportet cuncta cernentem Deum.

IOS. Testem invocasti rite, quem fugiat nihil.

IUD. Certum docere nemo nos hominum potest.

IOS. Per multa saepe ignota detexit dies.

IUD. O si ulla præstet hoc quod optamus dies.

IOS. Velletis illum forte restitui patri.

IUD. Si liceat emere hoc morte, non faciam moram.

IOS. Adeone patris proximus cordi fuit ?

IUD. Ut nullus ullum genitor adamarit magis.

IOS. Animo probe quod esset, & nulli invidens ?

IUD. Et quia bonam spem dederat egregia indoles.

IOS. Quid visa vobis regna pollentis Phari ?

IUD. Nihil illa cedunt optimis Syria locis.

IOS. Etiamne regimen placet & imperii modus ?

IUD. Miranda vero cuncta, te imprimis duce.

IOS. Velletis & vos his locis considerare ?

IUD. Ob multa : primum ne ingruat rursum fames.

IOS. Et vos quid ergo cogit hinc discedere ?

IUD. Domi relictus, non relinquendus, pater.

IOS. An huc & ipse posset adduci senex ?

IUD. Illius est statuere : parère est meum.

IOS. Am

- I O S. *Amore forte filii huc posset trahi.*  
 I V D. *Nam carus illi fuit & hic semper puer.*  
 I O S. *Quod nomen illi genitor imposuit, rogo.*  
 I V D. *Iussu vocari Benjamin patrio solet.*  
 I O S. *Dextra potentis omen isto in nomine est.*  
 I V D. *Quid hoc? Hebraea percipis lingua sonum?*  
 I O S. *Et ipse vestris adfui quondam locis.*  
 I V D. *Huc qua tulit te causa, si fas querere est.*  
 I O S. *Iniquus in me livor, inclemens fera.*  
 I V D. *Non illa nostro pestis ignota est solo.*  
 I O S. *Vendine & illic liberum corpus solet?*  
 I V D. *Hoc mos & acri scita supplicio vetant.*  
 I O S. *Sed multa fieri video, qua leges vetant.*  
 I V D. *Sed qua, nisi homines puniant, punit Deus.*  
 I O S. *Iam dic quod illi nomen amisso fuit.*  
 I V D. *Iosephus. hoc egregius imposuit parens.*  
 I O S. *Vestri quid illud voce sermonis notat?*  
 I V D. *Significat incrementa felicitis domus.*  
 I O S. *Res saepe respondere nominibus solet.*  
 I V D. *Sed hoc inane nomen eventus docet.*  
 I O S. *Ne temere desperate. nil durum Deo.*  
 I V D. *Vtinam sed insperata det nobis Deus.*  
 I O S. *Dedit & dabit. respicite me fratres mei.*  
     *Iosephus ego sum. nomen Aegyptus mihi*  
     *Imposuit aliud. quam meam sortem auxerit*  
     *Fautor Deus, videtis. Ex animo procul*  
     *Dothan, minaque mortis, & tristis specus,*  
     *Et Arabes, abeant. Somnii constat fides.*  
     *Satis hoc: nec aliud majus a vobis volo.*  
 I V D. *Generose praeses: non enim fratrem audeam*  
     *Vocare, quia nos conscius culpa pudor*  
     *In te arguit fecisse fraternum nihil:*  
     *Iterum voluti, supplices, miserabiles,*  
     *Ad tua jacemus genua: non ut te fami*  
     *Nostre, sed ut te tumet opponas tibi.*  
     *Ignosce. longis fessus arumnis pater*  
     *Hoc te ipse, si vis, postulat: si vis, rogat.*  
 I O S. *Abjicite curas. pascitis sera prece*  
     *Quod impetratum est. Hoc quoque est nimium leve*  
     *Donare culpam. frater ut fratres amo,*

Cum Benjaminem video sincera fide  
 Vobis amari, scire quod noster diu  
 Per flexuosas quarit ambages labor.  
 Ne cruciet hoc vos, exitus felicitas  
 Meretur. est cur gratias vobis agam,  
 Per quos honores proximos regno tuli.  
 Qui cuncta fecit, cuncta qui vigili Deus  
 Oculo intuetur, nilque sine cura sinit,  
 Et eminus consilia disponit sua,  
 Vobis futurum sospitatore ac patri  
 Pramisit huc me. Quod Pharum torquet fames,  
 Alique Pharia fruge qui circum solent  
 Populi, secunda tempus astat fugit.  
 Alia supersunt quinque non steriles minus.  
 Ite ergo, patri fata deslenti mea  
 Portate lati nuntium insperabilem,  
 Quem credidit perisse, non me vivere  
 Tantum, sed alta sede sublimem, inclitum  
 Sedere lateque opibus aggestis frui.  
 Potentia omnes este participes mea.  
 Felicitatem referat acceptam mihi,  
 Cui debeo ortum. veniat & videat parens  
 Desideratum pectori natum suo.  
 Opima vestris pascua armentis dabo,  
 Herbisque Phariis crescet Isaci pecus.  
 Quam vestra fratres colla, non visi mihi  
 Totos per annos bis decem, amplecti libet:  
 Tuasque similes Benjamin cara comas  
 Contingere, innexumque cervici manu  
 Harere utraque: gaudio manant gena,  
 Hilarisque fletus vocis occlusit viam.

BENI. Salve, Rachelis dividens mecum genus,  
 Reperte frater mihi nec optanti quidem:  
 Tuere me, puerum vir, afflictum potens:  
 Quali Pharum regis arte, germanum rege:  
 Et hos amoris, quaeso, non ficti indices  
 Permitte fletus collo ut infundam tuo.

IOS. O mihi nunquam sperata dies

Gaudia per te quam magna fero!

BENI. Iam me nec iter longum Sicimis



*Vestum ad Nili pœnitet urbes,  
Nec percussum crimine falso  
Vincta innocua gessisse manu.*

**I O S.** *Fratrum in te animus mihi non certo  
Notus in hos me compulit astus.  
Doleo tibi quod mala, quodque metum  
Tulit illorum spectata fides.*

**B E N I.** *Magnum est fratres purgasse suos.  
Isto pretio mihi cuncta placent.*

**I O S.** *Iam vita mihi dulcior, ex quo  
Fratres licuit reperire pios.  
Non illa mihi tam lata dies  
Quo deserui carceris umbram,  
Quo me patrem rex ipse suum  
Memphisque simul tota vocavit.*

**B E N I.** *Bona cum specto tua, mi frater,  
Sentio latos pectore motus.*

**I O S.** *Mea qua cernis, tua sunt, frater.*

**B E N I.** *Hæc quam noster gaudeat unâ  
Spectare senex!*

**I O S.** *Veniet, veniet: nec longa mora est.  
Ibitis illuc cum magnifica  
Missi pompa, ducis excelsi  
Qua legatos fratresque decet.  
Sed his fruendi gaudium longum satis  
Tempus sequetur. hora nunc mea me vocat,  
Qua soleo regi dicere affatu brevi  
Qua digna sciri quaque portavit dies.  
Adeste nostrum quos amat comites latus.*

### IVDAS. RVBEN. BENIAMIN.

**I V D.** *Q**Uamquam carere me jubent omni metu  
Pietas benigni fratris & constans fides;  
Tamen innocentis vultus ipse habiti male,  
Animusque diri facinoris nondum immemor.  
Adeo stupori tradidit me exterritum,  
Ut verba post non multa, qua vix extudi,  
Nihil valuerim tempore in tanto loqui.  
Nunc te precamur, ille quem imprimis amat  
Vnius uteri germen, insontem, probum:*

B 6

*illum*

*Illum propitium fratribus praesta, & pium  
Placamen esto. te ille respiciens, tibi  
Favens, peracti fida bibat oblivia.*

**R v B.** *Qua verba Iudas dixit, ea credo omnium.  
Si quid tibi unquam fecimus fratres boni,  
Id nunc repende: munus hoc facile est tibi,  
Magnumque nobis. da quod aeternum juvet  
Meminisse. sic te videat, incolumis pater.*

**B E N I.** *Nihil est opus, ceu video: sed nostram tamen  
Desiderari fratribus caris opem  
Non patiar: ita me instituit abeuntem pater.  
O nate, nullos oderis: sed ames tamen  
Summè, inquebat, sanguine advinctos tibi.  
Hos ut retineas fac, nec officiis modo,  
Sed & ferendo. Patruus talis fuit  
Lotho Abrahamus: quippe quem captum ut fero  
Eximeret hosti, pralio objecit caput,  
Et spolia regum quattuor retulit domum:  
Litumque fugiens finium, toto procul  
Ortu relicto petiit occiduum latus.  
Sic Ismaelem ventre servili satum  
Sibi gravem patienter Isâcus tulit.  
Ut me quoque addam, cum truce ingenio minax  
Iugulo immineret frater Esavus meo,  
Totos per annos bis decem erravi vagus,  
Extorris, exsul, temporis longi ut mora  
Lassaret iras; & redux, quanquam innocens,  
Donis & humili lenii tumidum prece.  
Hac monita patris optimi non memoria  
Tantum fideli colere, sed factis volo.*

**I v D.** *Egregia certe pignora enixa est Rachel.*

### C H O R V S.

**R** *Vmor candidus ad meas  
Aures protinus advolans  
Inventos modo praesidi  
Fratres nuntiat undecim.  
Gaudet pontificum genus  
Magni filia Putiphra  
Claram nosse viri domum*

Ortam sanguine nobili :  
Quorum olim veteres avi  
Illis progeniti locis ,  
Euphrates ubi diluens  
Gleba sumen, & alitis  
Teli praveniens fugam  
Tigris, bis sociant aquas.  
Illa sumserat ex humo  
Limum, quem Deus ad suam  
Ductum finxit imaginem,  
Patrum qui fieret pater ,  
In quo gens hominum sui  
Census terminat ordinem.  
Tunc senos operis dies  
Clausit, rebus & ultimam  
Factis imposuit manum,  
Majus nil meditans Deus.  
Illi namque animum suo  
Flatu largus & os dedit  
Quod caelestia cerneret.  
Mox, ut progenies diu  
Multa in sacula viveret ,  
Partem de latere eripit :  
E qua se exhibuit viro  
Pulchri femina corporis.  
Hanc cernens, simul ut soper  
Mollis membra reliquerat,  
Flammari sibi vir novis  
Sensit corda caloribus.  
Hinc est conjugii fides  
Omni federe sanctior :  
Proles unde venit, patri  
Semper nomen amabile,  
Maternoque bibens puer  
Venam lactis ab ubere.  
Fratrum proximus est amor ,  
Ortus semina quos ligant :  
Quales comparibus suis  
Colludunt celeres equi :  
Aut commune jugum trahunt



Nexu individuo boves.  
 O si me impositum suis  
 Pennis cinnamza olentibus  
 Cali pura per aquora  
 Phœnix avehat, unica  
 Mundo semper avis, ferens  
 In Solis nimia face  
 Succensa Æthiopum loca,  
 Fratres ut videam meos.  
 Sed ecce ditis dominus Ægypti venit  
 Et Solis aquat igne pralato jubar.

## A C T V S Q V I N T V S.

PHARAO. IOSEPHVS. IVDAS.  
 C H O R V S.

**T**ibi gratulatus, nunc & uxori tuæ  
 Affinitatis decore cumulatam domum  
 Volo gratulari. Nulla par meritis tuis  
 Potest referri gratia. auxilio tuo  
 Curis levatus, libere regno fruor.  
 Tibi salutem debet Ægyptus suam,  
 Et ego quietem. cuncta quod non a viris  
 Deserta squalent arva, quod terris nova  
 Spes manet aratri, muneris totum tui est.  
 Ideoque honores ad tuos addi volo,  
 Ut more Eoæ gentis, astrifera plaga  
 In spatia venias nominis titulo tui,  
 Grandisque meriti grande monumentum ferat  
 Agricola taurus arce siderea micans,  
 Sicut propinquas arietis stellas tenet  
 Inscriptus Hammon Mesoris antiqui pater.

**I O S.** In me tot atque tanta congeßit tua,  
 Rex magne, bonitas, ut magis demi velim  
 Quam pondus addi. Cur adhuc aliquid tamen  
 Cogar precari, causa sunt fratres mei,  
 Et, quem relicto sine telluris Syræ  
 Optem huc venire fratribus comitem, pater.  
 Agitare pecudes patrius est illis labor.  
 Non procul ab urbe cui suum nomen sator

Dedit

Dedit diei, lata graminibus jacet  
 Regio, virensque pabulo semper novo:  
 Gofena vocitant accolæ Pelusii.  
 Hac tota periit usibus mortalium  
 Huc usque tellus, inde quod populi tui  
 Displiceat animis cura versandi gregis.  
 Hac vacua nostro prata si generi dabis,  
 Promitto id ipsis utile ac Phariis fore.  
 Iamque ecce & ipsos, quod ego te verbis rogo,  
 Gestu rogantes, corpora instratos solo.  
 V D. Vivat beatus dominus opulenta Phari.  
 H A. Surgite: dabuntur herbidi sedes soli;  
 Et qui parentem, qui domum totam vehant  
 Currus quadrijuges, quosque iter poscit cibos,  
 Quaque optima edit arborum partu ferax  
 Niliaca tellus, dona longævo seni.  
 O s. Patere hoc ut addam. Liberos homines vides;  
 Qui sponte veniunt in potestatem tuam.  
 Ne sacra patribus tradita & generis sui  
 Mutare ritus, longa quos ætas probat,  
 Cogantur unquam. Tum, migrare his finibus  
 Si libeat, aut quod aliquid acciderit grave,  
 Aut quod vocet spes melior, id nemo vetet.  
 Ita purus ær semper Ægyptum beet,  
 Iustumque servet Nilus augmenti modum,  
 Multaque matres prole tellurem impleant,  
 Et sceptræ nunquam posteris abeant tuis.  
 H A. Iuro potentem cuncta moderari Deum,  
 Meumque caput hoc obligo & seros mei  
 Generis nepotes; semper Hebrais sui  
 Arbitria ritus, exitus tutos fore.  
 Hanc si quis olim rex Phari rumpat fidem,  
 Nilus cruentas turbidus spumas agens  
 Pelagus coloret. turpis animantium lues  
 Nascatur, undis pariter & terra gravis.  
 Morbi furentis virus exanimet greges:  
 Herbis viror decedat: urantur sata:  
 Nec arbor umbras ulla, nec fructus ferat.  
 Vlcerebus homines torridis vexet dolor.  
 Obsideat atra, quantaque inferna est plaga

Caligo;

*Caligo, cælum : noxque, non medio die ,  
Noctem sequatur. Prole populata, domos  
Eat per omnes luctus. id si non sat est ,  
Nereus quoque ipse legis exsorti vado  
Ruat, atque totos sorbeat populos mare.*

**I O S.** *Non erit Hebraos hospites nullum tibi  
Habuisse pretium, terra locupletis Phari.  
Nam dum pium Deoque dilectum genus  
Clemens fovetis, cuncta tibi votum fluent  
Supra, tuisque se dabit famulam usibus  
Natura. Venient sacra, cum nostra incliti  
De gente reges Memphidos fedus colent ,  
Inque Israël's sceptrâ matre Ægyptia  
Quæretur hæres. rursus in regnum Phari  
Stirpe ex Hebraâ, mœnia implentes nova,  
Aderunt coloni. Post ubi lapsus polo  
Tot ille vatum dictus ante oraculis  
Reparator orbis atque pietatis parens  
Mortalium res viset, hîc tutos sibi  
Quæret recessus, fidaque exsilio loca.  
Leges Hebrais ille communes meis  
Nilique populo ponet, & miscens sacra  
Docebit uno more venerari Deum.*

**C H O.** *Ventet & ad nos tam grande bonum :  
Et cælestis melior Phæbo  
Calor Æthiopum corda perurat.*

**F I N I S.**



HUGONIS GROTII  
CHRISTVS PATIENS  
TRAGŒDIA.

INTERLOCVTORES.

IESVS.

CHORVS IVDÆARVM MVLIERV.

PETRVS.

PONTIVS PILATVS.

CAIAPHAS.

IVDAS.

TVRBA IVDÆORVM.

NVNTIVS PRIOR.

NVNTIVS ALTER.

CHORVS ROMANORVM MILITVM.

IOSEPHVS ARIMATHENSIS.

NICODEMVVS.

IOHANNES.

MARIA MATER IESV.

## ACTVS PRIMVS.

## IESVS.



*Qui futura sortis immenſe arbiter  
Rerum potente fata moliris manu,  
Supreme mundi genitor, & genitor meus  
Mundo prioris, omnia aquavi hætenus  
Imperia factis : ſi quid ulterius jubes*

*Paratus aſto : cuncta qua timeo feram :  
Hac lege veni. Quem tamen finem gravi  
Statuis labori ? Nulla me vidit dies  
Secura : crevit ipſe dum fertur labos,  
Maloque patuit ſemper in pejus via.  
Paterna ſummi templa deſerui ætheris  
Nec natus exul. pauperem preſſi caſam  
Stabulique prima turpis incunabula  
Male notus infans : parvus, infelix, miſer  
Iam dignus hoſtis rege Iudæo fui.  
Nondum annus alter ierat, ætati parum,  
Nimium tyranno, dirus Ephratias nurus  
Orbavit enſis : turba puerorum cadit,  
Dum queror unus, meque dilapſo fuga  
Cruentus error perdidit tantum neſus.  
Centum per orbem cognitus miraculis  
Patrem probavi. Livor adverſum furit,  
Et ipſa virtus pejus Herode nocet.  
Pater quid iſtud ? ſemper agnoſcor tuus,  
Semper recuſor. Perſa me coluit magus,  
Et ante parvos jacuit infantis pedes,  
Suoque Mithra prætulit ſidus meum.  
At Abrahami gens ab æternis tibi  
Sepoſita ſacris, priſcæque Iſacidum domus,  
Excuiſit omnem mente degeneri Deum.  
Hinc contumaces bella Pharifæi movent  
Pietate fallax turba : at hinc in me trahit  
Legum magiſtros dira pontificum cohors :  
Illinc profani ſectæ Sadoci minax  
Regalis aula purpura inviſum premit.  
Fidei quid ultra reſtat ? ad nutus meos*

*Natura rerum cecit & fassa est Deum.  
 Unda liquentis ebrios potus bibit  
 Galilaea pubes. depuli alienam famem;  
 Meam subegi : bisque vicanos dies  
 Iejuna nullis ora violavi cibis.  
 Inter secantes dexteris crevit Ceres :  
 Satiatus ingens populus, & toto tamen  
 Plus est relictum. flabra compressit notus,  
 Et astuantis ira detumuit freti.  
 Durata siccos unda transmisit pedes.  
 Ferale morbi virus & membris grave  
 Arti negatum cedere humana malum  
 Vox medica vicit. longa caligo fugit.  
 Meaque cacus dextera debet diem.  
 Auditur ille qui nec audivit prius,  
 Silentiumque rumpit in laudes meas.  
 Quid illa sanctis semper adversa & Deo  
 Hostilis Erebi dira pallentis lues  
 Non pulsa nostris legibus mortalium  
 Habitata linguat pectora & vocem tremit?  
 Post opera tanta non satis Christo fuit  
 Prodesse vivis. victor ingenti manu  
 Fregi silentum regna, & infernum chaos.  
 Terris & astris & triumphato mari  
 Restabat orcus : per sepulchrales specus,  
 Per operta terris jura & umbrarum domos  
 Imperia misi. funeris laceri calor  
 Animavit artus : mortis expulsum gelu,  
 Retroque in auras manibus patuit via.  
 Renatus ipso vivit ex tumulo cinis,  
 Meumque munus spirat. at Mors arctius  
 Regnare jussa, nec solens damnum pati,  
 Queritur retexi fata, nec census sui  
 Constare numerum. pro tot umbrarum grege  
 Egomet reposcor victima horrenda neci.  
 Ergone tristis hora venisti tamen,  
 Qua pereat orbis auctor & lethum premat  
 Vita datorem ? ruit in exitium meum  
 Ferale tempus, quaque nunc umbrat polum  
 Nox, dum citatos agitat astrorum choros,*

Brevés



Breves fugacis invidet vita moras.  
 Quacunque tandem vim parat capiti meo  
 Sors dura parcat trahere, ducentem sequor.  
 Impensa generi post tot humano mala,  
 Post frigus, aestum, lachrimas, luctus, famem,  
 Accedat unum, moriar : aliena reus  
 Culpa peractus spiritum fessum exuam,  
 Castusque terras tingat ingratas cruor.  
 Iam vanit ingens anima : jam mortem meam  
 Mercatur atrox infularum factio,  
 Scelerique pretium dicit. Exacta est mei  
 Bona pars laboris : omne praesens malum,  
 Et quicquid atra nox tegit vidi tamen.  
 Mens ante corpus pendet. horresco nefas,  
 Pressumque venis sanguinem exsudat timor.  
 Quo priscus ille cordis abscessit vigor  
 Diumque robur ? feror in arumnas, feror.  
 Heu morte dura durius mortis genus  
 Animique tristis languor, an totus perii,  
 An spes salutis restat ? Atque utinam patrem  
 Liceat precari. Lachrimis certe meis  
 Nihil negare solitus aliquantam mali  
 Partem remittat. fas sed aeternum Dei,  
 Et praestitutus ordo venturi vetat.  
 Tot ante sacris fixa totque oraculis  
 Cantata vatum nescit in finem ruens  
 Flecti voluntas. Sed quid inferna moror  
 Calcare echidna virus & torti vagum  
 Draconis agmen terere sublimi pede ?  
 Primi parentis morte sanandum est scelus.  
 Morbum furem sanguinis largus mei  
 Piabit imber. Gaudeat dira nece  
 Genus superstes : gaudeat mortalium  
 Quodcunque busto restat, & gentis pia  
 Cineres sepulti. viximus viventibus :  
 Moriamur in commune. Non possunt mea  
 Perire clades. cuncta debemus mala  
 Promissa terris, vincula & flagra & crucem  
 Titulumque sacra mortis & fastidium  
 Gentis superba. Turbine infesto tonet

*In me parentis ira dum parcat meis.  
 Ne pereat orbis pereō : terrarum omnium  
 Succedo pœnis. Quisquis extremum colis  
 Viriusque Phœbi littus, aut recta face  
 Æstiva mediis regna quæ torret dies,  
 Quique in remota noctis immensa plaga  
 Glaciale plaustris sidus Arctoi vides,  
 Favete sacro. poscor aris hostia,  
 Et majus agno Pascha. nostro sanguini  
 Donabit iras cade placandus pater.  
 Iam plena sacrum Luna post verna citat  
 Equata lucis spatia : plus aliquid die  
 Dies tamen videbit & perdet diem.  
 Excors Iûda, tu licet valida manu  
 Venias Quiritum cinctus & noctis metu  
 Adversus unum, non tuis capior dolis :  
 Prodis scientem : sponte festino mori.  
 At vos magistro lecta socialis cohors  
 Adhuc fidelis turba, post festas dapes  
 Lymphasque heriles, mystico carmen sono  
 Sacrate : dumque ad nota properamus loca,  
 Vbi multa tacitis leniter suspiriis  
 Respondet arbor, quas ego ad sedes vocer,  
 Quæ lex amoris, quam favens vobis Deus  
 Audite euntes. interim vigiles meam  
 Durate noctem : cedat ex oculis sopor,  
 Calo supremas donec admoveo preces.*

C H O R V S I V D Œ A R V M  
 M V L I E R V M.

*I*am vehit praeceps per aperta noctem  
 Mundus, & prona properant tenebra  
 Auream calo redhibere lucem.  
 Non tamen ductor celeris chorea  
 Phosphorus clarum revocavit agmen,  
 Mane nec primi roseum rubentis  
 Buccina signum crepuere nostra.  
 Nos apud magni penetrabile templi  
 Noctis insomnes vigilamus horas,  
 Discat ut sanctis precibus piatum

*Craſti*

*Craſtinam peſtus celebrare Phœben,  
 Qua iubet fruges meminiffe raptas  
 Memphidos regi metuendus exul.  
 Hoc ſacrum totas viduabit urbes,  
 Quaque Iordanes toties novatos  
 Ambitu certat ſatiare curſus,  
 Quaque ſe ripis negat & ſolutus  
 Stagna piſcoſa ſibi miſcet unda.  
 Ire miratur Solymam colonos  
 Daëtylis fœtum nemus & fragrantis  
 Baſami ferrum fugiente vena,  
 Vnde non longe lituus avorum  
 Sponte concuſſi cecidere muri,  
 Monſque nimboſum caput æquat aſtris  
 Conſcius fato ſenis irreperti.  
 Perdidit cives prius orbe merſo  
 Cepheos regnum, ſacra fabuloſa  
 Dercetûs mutans meliore ritu.  
 Huc Palaſtinas properare gentes  
 Vidit Azotus geminaque Iâmnes.  
 Non Idumaos Caparorſa clauſit,  
 Non ſuos Lydda tenuere muri,  
 Non decem princeps populis Damaſcus,  
 Non brevi nobis ſociata regno  
 Impii nutritrix generis Sebaſte.  
 Venit & dictus populis dediſſe  
 Prima ſcriptorum monumenta Phœnix,  
 Quem Tyros regum pretioſa luxu  
 Edit in lucem genitrixque Sidon.  
 Venit & ſiquis Syrus inter amnes  
 Audet intactos violare piſces,  
 Nec vâga numen metuit columba:  
 Belus & quorum vada concolori  
 Turbidus vitro lavat, & vetuſtis  
 Finium bellis dubitatus Arnon:  
 Et quibus limo vada ſulphurato  
 Peſtifer donat lacus. hic inertes  
 Spiritus nullos patiuntur unda.  
 Non tulit pinnas pelago natantes,  
 Non tulit remos mare verberatum.*



Odit hoc omnes animas profundum  
 Et vetat mergi, nec odore quicquam.  
 Sævius vastum minitatur aquor.  
 Ille depastus segetem veneno  
 Præripit messes : abit in favillas  
 Omnis autumnus : cinis hausit arva,  
 Nequa non olim meminisset atas  
 Vindicem flammam, piceoque cœli  
 Imbre damnatas periisse gentes,  
 Cum sale infelix mulier gelato  
 Sensit in saxum riguisse venas.  
 Impie caros miserata muros  
 Misit æternam sine prole gentem  
 Littus Effenum, quibus una virtus  
 Fata commendat viduum cubile.  
 Omnis in culpa Venus : omne lucrum  
 Æqua paupertas. nimis o beatus,  
 Qui suum nunquam numeravit aurum  
 Publico tantum vigil. ille nostris  
 Major arumnis vitiiisque major  
 Lege communi socialis aula  
 Postulat partem famis & laborum.  
 Quot fugis sparsos in utrumque solem  
 Posteros sero patris Abrahami  
 Colliget vesper ? tamen heu triumphum  
 More solennem feriemus agnum.  
 Ipsa libertas semel ut recessit,  
 Quam dies primus dedit Azymorum,  
 Non redit, quanquam jugulo petita.  
 Pars tenet Batti steriles arenas,  
 Corniger gentes ubi fallit Ammon :  
 Pars ubi Nilus Macetes ad amnem  
 Victor aurora stetit. an tacebo  
 Carcerem nostri generis vetustum  
 Coctili cinctam Babylona muro,  
 Culta vel Tauri, dominumve Tybrim ?  
 Quisquis extorris decora alta gentis  
 Nescit oblitus, neque sacra confert  
 Immemor, longo mala mollit usu.  
 Iustius sortem queritur malignam,

*Qui domi servit. misera tenemus  
Semper Aegyptum, patriamque nunquam.*

## ACTVS SECVNDVS.

## P E T R V S.

**I**Nimica nostro Romuli pubes Deo,  
Profaniorque turba sacrifici gregis,  
Quaque innocentes non refugistis manus  
In me venite vincula. en ultro reum  
Vereque fontem. quicquid est actum haecenus  
Merui videndo: si quid est ultra mali  
Merui timendo. me petenti non face  
Vincenda nox est, non Latina unum in scelus  
Miscenda templi cum satellitio manus,  
Non dux emendus, perfidoque amplexui  
Ponenda merces: dabitur hoc gratis caput.  
Huc huc adeste: stabitis, nec turbine  
Collapsa subito terga percutient solum.  
Dabo retorta sponte nodis brachia,  
Et ipse plagis vultus occurret suis.  
Savire jam vacabit, an sola placent  
Cum scelere poena? segnis est vester furor  
Nisi in immerentes? ratio constat criminum  
Virinque: vobis facta quod fateor mea,  
Mihi quod negavi. Iudices sancti, quibus  
Iurata testes venditant mendacia,  
Audite facinus. Gente Galileae satus  
Terras reliqui mariaque ut Iesum sequar.  
Proles Tonantis vera res mortalium  
Hares paterno missus imperio regit,  
Adestque caelo liberator patria  
Captivus ille vester, & sceptri potens,  
Quem judicastis. impium agnosco genus,  
Ferosque mores stirpis & proavos truces.  
Sic provida quietis & fati reus  
Benignioris, impias fratrum manus,  
Et dira pavidus ora respexit puer,  
Qui mox vocanti Nilon impositus solo  
Vtrisque savam depulit terris famem.

Sic lapsa ab astris mella & aetherias dapes  
 Pertasa fixis rupe Sineae patrum  
 Seditio castris pratulit Mosi Pharum  
 Et servitutem. nemo vates entheo  
 Impune per vos corde concepit Deum :  
 Sed nemo inultus. Memphis, & rabies locis  
 Inclusa vastis, inque se armata tribus  
 Adeo exciderunt, mox peregrini jugi  
 Mutata toties jura, & Assyria domus,  
 Aquilaeque Magni, rupta cum templi sacra,  
 Mediaque victor ade Romanus stetit ?  
 Pejora restant. hac ministerio manus  
 Utinam placeret. vertere infidas libet  
 Sedes, & omni sueta sceleri viscera  
 Eruere ferro. Testor infaustum nemus,  
 Cui luctuosas Christus affudit preces,  
 Quaevisse cadem, mixtus ut vestro Cedron  
 Iret cruore. tela compressit mea,  
 Cui tela tenui, verbaque exemplo juvans  
 Sanavit hostem. Pavidus, ut partem sui  
 Sine se jacentem sensit, huc vertit faces,  
 Visaque Malchus aure, vindicta minax,  
 Et saeva quatiens vincula, incurrit manum  
 Notam medelis : tactus aufugit cruor,  
 Reditque trunco pristinum capiti decus.  
 Nocuisse Christo profuit tantum. Sed o  
 Scelerata turba, vulneranti parcitis,  
 Trahitis medentem. Tu quid omnes per reos  
 Te, Petre, differs ? si magistrum vindicas,  
 A te inchoandum est. Ille tu semper ferox ;  
 Cunctas laceffens pectore invicto minas,  
 Primos ad ictus cumque fortuna fugis.  
 Rebellis & desertor & fluxa fide  
 Quid non patraſti ? Robori quisquis suo  
 Spes credit altas, nec dolos animi timet  
 Frustra placentis, perfidis sed viribus  
 Incumbit, huc respiciat, exemplum grave  
 Sortis caduca, quamque sint fragili loco  
 Humana : primos usque sed punit suos  
 Error superbos. Quid meis restat malis ?

C

Abomi-



Abominando scelere fœdavi dapes  
 Potus & undas. hocne, quod tantum nefas  
 Iurare potuit, ore gustavi impio  
 Veneranda mensa sacra? Proh pietas, & hos  
 Ergo fugaces Christe lavisti pedes?  
 Quis me nivosis despuens Libani jugis  
 Gemino citatas capite Iordanes aquas.  
 Satis piarit? Tunc Callirhoes liquor,  
 An vos alumnum poscitis patrii lacus?  
 Non ipse Nereus, quem super Nilus ruens  
 Carulea turbat ore septeno vada;  
 Non illud olim quod stetit proavis fretum  
 Rubente crimen abluat fluctu meum.  
 A me petendus imber. Heu cessant adhuc  
 Lamenta? lachrimis contumax vultus fluat.  
 Sic sic eundum est. verberare illiso sonet  
 Crudele pectus. hi decent ictus manum.  
 Miserande debes hæc tuis Cepha malis:  
 Quid das magistro? non ferunt luctum parens.  
 Qua facio quaque patior. ut totam occupet  
 Nox ista vitam seque flendam per meos  
 Dispenset annos, spiritus medios tamen  
 Gemitus relinquet, nec satisfaciet malis,  
 Interque luctus anima deficiet suos.  
 Iam fletis oculi? flere vos decuit modo,  
 Tunc cum precandi, tempus: at vos languido  
 Captos veterno vetitus oppressit sopor:  
 Certe, priusquam staret hostile ad forum,  
 Ac ter negantis ora respiceret reus,  
 Aleisque lucis crimina occineret mea.  
 Qua me recondet regio? qua mæstum diem  
 Fallam latebra? quero nigrantem specum,  
 Qua me sepeliam vivus, ubi nullum videns  
 Nulli videndus lachrimas foveam meas.

## PONTIVS PILATVS. CAIAPHA

**T**Arpeie superum rector, & magni pater  
 Mavors Quirini, quosque nunc melius colit.  
 Urbs domina rerum, gentis eversa Phrygum  
 Erisci Penates, quando contingeret mihi.

Vestras ad aras trahere votivos greges,  
 Vbi tecta cælo paria & auratas trabes  
 Gemmis rigentes, quaque plausu personat  
 Populus subactis jura qui populis dedit  
 Theatra cernam, teque terrarum arbitrum  
 Magnanime Casar, siue præsentem colit  
 Tua Roma supplex, proque toto quem dedit.  
 Te poscit orbe, seu togatis catibus  
 Te molliora regna Teleboùm negant.  
 Ego nunc amicis heu procul, patria procul,  
 Honestus exul jubeor invisam polo  
 Franare gentem, qua superbo nomine  
 Pietatis odium moris humani tegit,  
 Scelerisque mundum damnat, & falso metu  
 Vnius omnes pariter abjurat Deos.  
 Lex una legem nolle: non patitur regi-  
 Infensus aliis error & discors sibi,  
 Simul rebellis turba jactavit jugum  
 Tam sueta vinci quam domari nescia.  
 Non sponte nostra, testor & fas & fidem,  
 Toties per urbes fluxit Hebræas cruor:  
 Sed vim proterva gens & insociabilis  
 Nè patitur audet. regna tractantes manus  
 Scire ratio sæpe & invitas docet.  
 Sed ibo visum quid sacerdotum velit  
 Sibi turba, quorum trepida relligio sacro  
 Instante nostris pollui tectis timet.

Quis ille, quem tot vincla totque homines premunt,  
 Ipso verendus ore nec fontem ferens?  
 Tu fare Solymi Caiapha princeps chori:  
 Quæ nuntiatis scelera, quod fertis, nefas?

C A 1. Custos. Latina pacis, a summo duce  
 Nobis secundum nomen, adduxit sacer  
 Reum senatus. scimus, haud nostrum putas  
 Objicere panis posse non meritum caput.  
 Sed hic magistra quos vetustas edidit  
 Ritus, retroque longa defendit dies,  
 Convellere ausus intulit mores novos:  
 Nec illud alma sedis arcanum timens,  
 Templo ruinam cantat, & plenis Deo

C 2.

Minatus

Minatur adytis. septima lucis sacram  
 Turbat quietem, fasque de cælo datum,  
 Totumque Mosem legibus calcat suis.  
 Nec stetit in illis : sidera incescit furor  
 Summumque numen, plebe cum vili satius  
 Palam Tonantem vindicat patrem sibi.  
 Hac sunt piari morte qua vates jubet,  
 Qui jura tabulis scripsit in geminis decem.

P O N. Postquam ira belli mater atque auri famas  
 Artes nocendi reperit, & placidos suo  
 Præstare poterat nulla securos quies,  
 Infirma per se vita communi metu  
 In fedus homines traxit, alternam docens  
 Opem pacisci : mœnia amplecti domos  
 Cœpere : majus inde præsidium bonis  
 Subiere leges : pœna respondet sua  
 Equata culpa : redit ad auctorem malum :  
 Iustitia ab ipso crimine exemplum petit.  
 Damno rapinas ulta, cadem sanguine,  
 Ut facere metuat quisque quod metuit pati.  
 Majora pœnis peccat humanis, Deum  
 Quisquis laceffit : magnus hunc vindex manet  
 Quem ladit : ipse fulminanti dextera  
 Tremendus orbi cur suas mortalibus  
 Mandaret iras ? esse nec datur impio  
 Impune : vecors mentis attonita pavor  
 Exagitat illum : sentit ipsum quod negat,  
 Et cogitur timere vim non creditam.  
 Non peragit unus tale supplicium dies.  
 In hoc jubetur vivere, ut nomen necis,  
 Necique siquid restat horrescat diu :  
 Sin patria quiddam jura diversum sonant,  
 Commissa vestre vocis arbitrio luat.

C A I. Quamvis avorum placita quod nobis manent,  
 Donum fatemur esse Romanum, tamen  
 Omnis redacta juris est nostri necem  
 Citra potestas. tu, cui magnus suas  
 Tradit secures gentis Ausonia pater,  
 Ius imperi tueri. Quem trahimus reum,  
 Modò jam relictâ sede natalis soli,



Vbi servat unda Caesaris nomen tui,  
 Hac usque ad urbis tecta populorum agmine  
 Stripatus ibat, vulgus in bellum ciens,  
 Nefasque clamans liberam Latio premi-  
 Gentem tributo. carminis magici nefas  
 Stygiumque fedus astruit fraudi fidem.  
 Nihil quietum patitur: excantat rogos,  
 Et ipsa turbat busta ferali sacro:  
 Quæis capta monstris turba novitatum sequax  
 Dominum salutat, illius laudes canit,  
 Prasertque eunti nobilem palma comam.  
 His ille studiis fretus addicit sibi  
 Possessa quondam sceptræ Davidis domo.  
 Motu ex rebelli, quid nisi cades viros,  
 Flammæ penates, vastitas agros manet,  
 Cum justus in nos sæviet Roma dolor?  
 Vnum perire satius, an populum putas?  
 Quin hic piæ omniū culpa datus  
 Cruore gentis redimat exitium suo.  
 O N. Ambigua prudens causa consilium expetit.  
 Intro est eundum. Vos foris, quando libet,  
 Restate. vinctum milites sistant, ubi  
 Auditus à me jura pro factis ferat.

C H O R V S I V D Œ A R V M  
 M V L I E R V M.

S Olymæ turres regnumque vetus,  
 Cui victa tulit terra tributum,  
 Quæ Niliaci finibus Isthmi  
 Procul Assyrium tendit ad amnem,  
 Cum procubuit tibi fuscus Arabs,  
 Mirata tuas cum venit opes  
 Decolor usta regina plaga:  
 Quæ certarunt federa magni  
 Ambire duces, celsa Canopi  
 Qui sceptræ tenent, & Chaldaei  
 Ate domini gentis Eoæ,  
 Virtusque mari Sarrana potens:  
 Tunc heu quali sub servitio  
 Nihil, externis nisi prada, jaces!

Vni tellus desponsa Deo  
Quoties quoties mutavit heros,  
Ex quo auspiciis non cæpta bonis  
Nova creverunt mænia templi,  
Populusque inter vincula natus  
Secum rediens sua fata tulit!  
Scelus Antiochi patrumque nefas  
Sedet in nostra cervice, sedet.  
Ætas quid enim dira refugit,  
Quæ caelestis potuit flamma  
Prima silentes spectare focos,  
Fusoque suum sanguine fecit  
Sacra iratum meritura Deum?  
Ergo Ionios scelerata hominum  
Commenta Deos turis acervo  
Placans jacuit nostra juventus?  
Fratrum post hæc tempora cades,  
Toxica manibus mista maritis,  
Matrumque dolos, & quæ nemo  
Credere posset Iudæa tulit.  
Bis Romanis cecidimus armis,  
Bis victores nostros victor  
Perculit alter: dominis tantum  
Fortuna levis, nos jam toties  
Transit eosdem.  
Deerat nostris hoc nempe malis  
Iuga cognatos diversa pati,  
Dum pars Italas metuit virgas,  
Partes alias regnat uterque  
Fratrum proavis domita nostris  
Ortus Idume.  
Tu spes lapsis unica rebus,  
Columen patria, genus Abrami,  
Quem fatidico pius ore parens  
Sperare suum iussit Iudam,  
Quem regis avi nablia cantant,  
Vindex populi tibi sacrati,  
Clasüre tuos non frangenda  
Pace triumphos, tunc cum leges  
Feret unius Iudæa tuas

*Inter famulas libera gentes,  
 Quando nobis quando toties  
 Promissus ades ?  
 Si nos vatum, quorum miseris  
 Constat multa jam clade fides,  
 Nunquam in latis carmina fallunt.  
 Non tu longe. Per te sancti  
 Limina templi, per juratum  
 Patribus nomen, quod lingua loqui  
 Nostra veretur, consanguineos  
 Respice luctus. propera, propera  
 Sancte precamur, votisque piis  
 Tandem prasens disce vocari.*

## A C T V S T E R T I V S.

I V D A S. C A I A P H A S.

**Q***Vicunque puras scelere servatis manus,  
 Me fugite longe. fugiat & qui non nisi  
 Credenda peccat. Iste vultus polluet  
 Etiam nocentes. Vos quibus fas & nefas  
 Discreta, quos non tota migravit fides,  
 Quibus est amicus, filius, frater, pia  
 Quos mentis ullo nomine affectus tenent,  
 Occludite aures. nesciat commercia  
 Tam dira mundus. solus hoc nôrit nefas  
 Qui vendidit, quique emit. Vbi nunc pontifex,  
 Vbi dicta sacris turba, digni qui suis  
 Maestentur aris ? Impium cerno gregem,  
 Quo pejus ather me videt demto nihil.  
 Audite vocis prasales nota sonos :  
 Gratis loquemur : sive testem quaritis,  
 Habete verum : sive fontem quaritis,  
 En confitentem. prodidi vobis ego  
 Animam immerentem, prodidi sanctum caput,  
 Plusquam magistri. scelere non possum manus,  
 Prada levabo : munus ad dominos redit :  
 Habete lucro perfidi pretium doli.*

**C** A I. *Meritone culpes temet ac peragas reum,  
 Te stabit intra cura, nec nos crimina*

C 4

*Aliena*



*Aliena tangunt : nec tibi partas opes  
Recipimus : a se nam cruentos respuit  
Quaestus sacrato gaza Corbona sinu.*

**I**VD. *Hoc fas & aquum vestra si pietas docet,  
Probare facinus, execrari pramium,  
Ibo ibo ad aras & nefando munere  
Templum impiabo. nil ibi frustra Deum  
Pro me precabor : vos sed ut culpa pares  
Par pœna teneat. debita haud ultra moror  
Supplicia : dira mortis ad nigros specus  
Dux ille vester praeo, vos aquum est sequi.  
Cœli imperator, si nec ignavus vides  
Humana, nec te fulmine armatum truci  
Frustra timemus, terra quid meruit tua,  
Quod tale monstrum portat, aut Sol, quod videt?  
Si vetera credi genera pœnarum jubes,  
Accedat unum. lituus eripiant mihi  
Demissa cœlo maria : me fluctus premant,  
Et fiat hominis pœna quæ mundi fuit.  
Liquefacta tadas astra sulphureas vomant,  
Quantumque cœlo est ignis, hoc una caput  
Feriat ruina. quinque non tantum nefas  
Fecere populi. pandat arcános sinus,  
Et inferorum claustra magnum justius  
Non ulta Mosem terra. Iam quicquid mali est  
Tuus in minora scelera consumsit furor.  
In vindicando filio lentus pater,  
Exitia machinare terrifica, horrida,  
Nondum reperta. Facis? an hæc faciet manus  
Quod tu recusas? Dira cœligenûm exulum  
Feralis acies nata punire impios  
Et facere, quid me hostile circumfistitis,  
Quid territatis? Iamne apud manes mea  
Decreta pœna est? venio. quam partem sui  
Mihi savus aperit carcer? hanc, ubi fontium  
Pater ille, cujus non litanti dextera  
Frater recentis quarta pars mundi jacet?  
An illa poscit regio, nostrorum ducum  
Vbi turba major, quos super mole eminent  
Socer infidelis, qui suo ferro incubans*

*Invidit hosti regia cadis decus ?  
 Placet ante cunctos ille, qui rapto patri  
 Solio superbus, perdidit moriens humum ,  
 Ultrice rutilas arbore implicitus comas.  
 En digna sese monstrat ad lethum via :  
 Sequor hunc : Iesum præco : supplicio par  
 Anima anteverte sceleris eventum tui.*

PONTIVS PILATVS. TVR-  
 BA IVDÆORVM.

**H**Orresco totus : nec quid aut sileam aut loquar  
 Decernit animus : liberant leges reum ;  
*Invidia damnat. Fateor, offensam timens  
 Plebis patrumque crimen optavi datum :  
 Nullum repertum est. quicquid objecit sua  
 Satis ipsa prodens odia conjuratio  
 Silentio revicit. En illa inclita  
 Pharisea pietas : quia sub exesi fame  
 Pallore vultus & supercilio gravi  
 Vano calentes ambitu ac cupidos opum  
 Animos retexit, sit nocens, spretor Dei ,  
 Sacrilegus : hinc tot illa scelerum nomina  
 Regniq̃ue crimen. Scilicet maris accola  
 Inops inersque vulgus, & Galilæidum  
 Grex seminarum, spiritus facient duci  
 Tantos ? ad istas Roma trepidabit manus ?  
 At ipse regem se negat terris datum ,  
 Regem fatetur : unde non ullas sibi  
 Pugnasse dextras cum lacertos stringeret  
 Popularis hostis : sed feris mortalium  
 Odiis patentes traditis partes sibi  
 Verum tuendi : studia quos eadem juvant  
 Paucos magistra vocis imperium sequi.  
 Seu vera sunt hac, liceat impune eloqui ;  
 Seu temere jactat falsa, quis mendacium  
 Capite expiavit ? seu furit, pœna est furor.  
 Sed & ipse quem nunc annui cultrix sacri  
 Structum parenti traxit ad templum dies,  
 Qui juncta fini regna Agenoreo tenet ,  
 Fama stupenda facta narrantis fidem*

Frustra requirens, imperi civem sui  
 Habuit satis sprevisse, nec ludibrium  
 Damnavit ultra : dictus Herodi amulus  
 Fulgente ab ipso cultus ornatu redit.  
 Sed innocentem bis repertum savior  
 Premit ira, metuens, credo, nequicquam scelus  
 Quarens in illo, ne suum amittat scelus.  
 Animo semel praecepta proh quantam moves  
 Vindicta rabiem ! talis ereptam furit  
 Recipere pradam notus in silvis leo.  
 Pudet, at metus subegit aequum ut fraudibus  
 Vellem tueri, jusque furarer dolis :  
 Ceu contumacis impetum pelagi timens  
 Obliqua fluctus navis oppositos secat.  
 Mos est vetusto, si qua Iudaeis fides,  
 Veniens ab avo liberum quo turgidas  
 Aestate ripas fugit Iacobi genus,  
 Quoties renato vere Titani soror  
 Pleno refulsit orbe, populi gratia  
 Vnum e nocenti plebe donari caput.  
 Ego jam soluta non merenti vincula  
 Spe destinabam : sed mea clementia  
 Elusit artes vis sacerdotum effera :  
 Quorum incitatu turba latronis petit  
 Vitam Barabba. prima miscendo manus  
 Semper tumultu, sanguine humano calens,  
 Insonis odio factus insons, publicum  
 Meruit favorem. Nunc & ancipitem metu  
 Non vana cara visa turbant conjugis,  
 Quam nocte tota tenuit irrequies sopor :  
 Meque illa jam per sacra, per superos rogat,  
 Ne jura violem, nilque peccantem hostium  
 Gratificer odii. Ergone Hebraos patres,  
 Et studia temnam tradita gentis mihi,  
 Et una vilis anima tot subito mea  
 Benefacta perdet ? clausa nunc his manibus  
 Iudaea tota est : advenas quos ultimo  
 Ab axe misit orbis haud capiunt domus.  
 Quid si arma vulgus sumit, & ceptas semel  
 Non ponit iras ? scilicet iudex pius



Magnum merebor pace turbata decus.  
 Meliusne morti dabitur? at culpa vacat.  
 Quin ista magna est culpa, quod fieri potest  
 Materia belli: ne periculo succubent  
 Imperia, saepe valuit in crimen timor,  
 Spes una restat: terga jussis milites  
 Secuere flagris, si truci spectaculo  
 Se forte plebis satiet irata furor.  
 En qualis adstat! sanguine & vibicibus  
 Rubent lacerti: vulnere exhaustum latus:  
 Humeros cruentos concolor vestis tegit  
 Mendacis ostri: proque sermo regio  
 Vtrunque tempus aspera sentes premunt.  
 Spectate miserum. T V R. Tolle & hoc purga solum  
 Visu nefando: fuge devotum cruci.

P O N. Vestrumne regem? T V R. Nulla consortem sui  
 Patitur potestas. juris humani arbitrum,  
 Quem Roma monstrat, colimus: unum Casarem  
 Dominum fatemur: Casari regnum eripit,  
 Regnare quisquis sperat: atque adeo tuas  
 Res intueri. quam fidem praestas hero,  
 Si te timendum praeside exemplum incipit,  
 Impune magni laesa majestas ducis?

P O N. Crescit tumultus: saxiunt procerum simul  
 Plebisque voces: murmur incertum fremit,  
 Littorea qualis saxa ventorum fragor  
 Primus pererrat, cum procellas parturit  
 Caeli latentis ira: diffidit polo,  
 Totoque trepidus nauta decedit mari.  
 Notus mihi iste strepitus. hac subitam mala  
 Poscunt medelam. Vos piatrices aquas  
 Huc ferte famuli. Testor hos puros ego  
 Vnda liquores, & meas testor manus,  
 Quas sordis experts imbre perfundit latex,  
 Nil sponte facimus: quod carens culpa perit,  
 Mea culpa non est. Iste vos teneat cruor.

T V R. Securus esto. quicquid hujus pendere  
 Cades meretur, sentiat nostrum caput,  
 Nostrique generis sera posteritas luat.

P O N. Ergo hic, ubi inter nobilis crustas soli

*Surgit tribunal, juris augusti locus,  
Sedens profabor. Trahite damnatum cruci:  
Servile rex Iudaeus exitium ferat.*

CHORVS IVDÆARVM MV-  
LIERVM. IESVS.

**T**E te miserum plangimus omnes,  
Tibi cum fletu lamenta damus:  
Seu tu nigra cura volucris  
Raptus in altum flammante rota  
Sentis dominos rursus iniquos:  
Seu captiva quondam patria  
Sero nimium credite vates  
Lachrimas fatis reddis iisdem:  
Seu qui nuper, post Iordanis  
Puro lotas flumine gentes,  
Nihil incestos veritus regum  
Culpare toros, morte lūsti  
Saltatricis vota puella:  
Seu priscorum quicunque virum  
Idem atque alius redditus orbi  
Merso vitiis consulis avo,  
Sanctus certe; tua quod virtus  
Et facta probant. non tu posthac  
Dense comitum stipante choro  
Niveos mores & clara poli  
Regna loqueris: non te aspiciet  
Cecus sibi vix credulus ipsi  
Vultu ignotum cernente diem:  
Non clementes fugiet tactus  
Omnibus herbis invicta lues,  
Non te vires prabente tuas  
Auctu tacito totidem panes  
Hominum totidem millia pascent.  
Vera exacti regula moris,  
Prope plus vita quam voce docens,  
Modo sectatrix quem turba premenis  
Angusta nimis littora quæsta est,  
Montesque sua plebe minores:  
Modo cui vestes, cui vincentes

Pondera

Pondera ramos substravit ovans  
 Festo cantu nostra juventus,  
 ( Quid non possunt fortuna levis  
 Rerumque vices ? ) deserte tuis.  
 Proдите salvo duceris hosti,  
 Vindice nullo.  
 Non ita dudum spes afflictis,  
 Vnaque cunctis medicina malis  
 Vincita loro cessere manus.  
 Per quem muti potuere loqui,  
 Nunc ecce taces. Repetit plagas  
 Aperitque novo verberare sulcos,  
 Nobisque suas venditat iras  
 Romana cohors. en membra fluunt :  
 Nulli proprius dolor est parti,  
 Sed confusos abit in rivos  
 Vnum toto corpore vulnus.  
 Fatine etiam tute minister  
 Pœnaque tua portitor ibis ?  
 Quis migrantes habitare domos  
 Consuetus Arabs, regnansve cava  
 Rupe tyrannus tam dira jubet ?  
 Necet o utinam pressum ligni  
 Feralis onus, membra fatiscant,  
 Rumpatque labor tenui harentem  
 Limite vitam. votum fuerat  
 Sic posse mori. quantis eheu  
 Servare malis ! Fers ipse crucem  
 Qua te qua te miserande feret.

I E S. Ne Iudæa ne me nimium  
 Plangite matres. vestro generi,  
 Vobisque istas Solymæ lachrimas  
 Servate nurus, quibus exitium  
 Triste minatur funesta dies.  
 Venient annis tempora paucis,  
 Cum sæcundos uteri mulier  
 Quæsta tumores, dicet solas  
 Esse beatas, quas maternos  
 Nulla liquores pignora poscunt,  
 Cupiet tota cum rupe tegi



62 CHRISTVS PATIENS

*Misera & magnos fidere montes.*  
**C**HO. *Eheu dira victima morti*  
*Non nos iterum visurus abis.*  
*Non te lethi porta remittet,*  
*Qualis nuper tibi clamatus*  
*Sensit sensus esse reversos,*  
*Venasque tua voce solutas*  
*Iterum ferme riguisse metu,*  
*Simul oblitum venit in orbem*  
*Nigro surgens Lazarus antro:*  
*Cum Sadoci domus errores*  
*Malefana suos certo vidit*  
*Teste refelli.*  
*Pauci raro munere cæli*  
*Potuerè aliis reddere vitam,*  
*Se nemo sibi.*

ACTVS QVARTVS.

NVNIVS PRIOR. CHORVS IV.  
 DÆARVM MVLIERV. NVN-  
 TIVS ALTER.

**T***Andem execranda, barbara, infanda, impia*  
*Facinora fugi, nec satis fugi tamen:*  
*Quodcunque vidi sequitur, & totum scelus*  
*Oculis oberrat. CHO. Testis an certus venis*  
*Supplicia vatis dira Galilai ferens?*  
**NVN. PR.** *Si qua est sub oras gens relegata ultimas,*  
*Qua cælum & astra mariaque & terras Dei*  
*Ignara cernit, pellit ubi cades famem,*  
*Et mensa similes ponit epulanti dapes,*  
*Non ista faceret. CHO. neminem infantis viri*  
*Igitur misertum est: nemo ad hac gemuit mala?*  
**NVN. PR.** *Sane misertum est: sed magis fera non fuit*  
*Savitia quam dum parcit. Vrgebat nimis*  
*Exangue corpus pondere attritum suo*  
*Infamis arbor, morsque jam steterat prope:*  
*Sed lenis ille militum populus vetat*  
*Miserum perire. socius arumna datur*  
*Libyes creatus urbe Theraa Simon.*

Non

Non illum amata ruris angusti quies  
 Defendit : urbis vitia fugientem, premunt  
 Urbis furores : tractus ergo non suo  
 Succedit oneri, nequis ambigeret trahi  
 Et immerentes. C H O. Pande jam totam simul  
 Faciem malorum. fare quis pœna modus,  
 Quas vis dolorum rupit in voces. cupit  
 Animus quod horret scire. ne parce auribus.  
 Timor ipse finxit quicquid audiri potest.

N V N. P R. Qua pars ab urbe frigidis Borea patet  
 Projecta flabris, cognitum bellis iter  
 Et certa semper cladibus nostris via,  
 Hac ipsa dirum Golgotha tollit jugum.  
 Non flore collem pingit herbescens humus,  
 Non lata obumbrat arbor : albens ossibus  
 Taboque sordens squallet humano solum.  
 Iacent nocentum non sepulta corporum  
 Putres reliquia. quisquis aut ferro impius  
 Iugulum parentis hausit, aut matri suos  
 Fatus regeſſit, quisquis in fratris necem  
 Legit venena, quisquis ignotum hospitem  
 In nemore solo pabulum posuit feris,  
 Hanc morte sedem meruit. agnoscunt suos  
 Tot scelera manes. Hac ubi infausta in loca  
 Vir Nazarenus languidum erexit gradum,  
 Prabetur agri pectoris solatium  
 Qui lachrimosis editus myrrha comis  
 Latex amarus dulce condidit merum.  
 At vix Iesus ore dignatus suo  
 Inane munus, respuit pœna moras,  
 Luctuque forti totus incumbit malis.  
 Iamque ecce ruptis pervios venis pedes  
 Ferrum premebat : brachia in partes duas  
 Diducta : gemino vulnere adstricta manus,  
 Dum tanta patitur monstra, dum tellus abit  
 Surgente trunco, deque sublimi rubens  
 Destillat imber, nulla tormentis viri  
 Donata vox est, donec infixus solum  
 Stipes momordit. Tum, velut cœlo suo  
 Sic propior, ora pariter atque oculos levat,

Et



Et positus inter tanta ( quis credat ? ) mala  
 Miseratur alios, & magis flendos putat  
 Quibus ista licuit facere, proque ipsis timet,  
 Reusque veros falsus absolvit reos :  
 Ignosce, clamans : magna delinquunt, pater ;  
 Sed inscientes. Militum interea ferox  
 Et sueta prada turba, non visu trucid  
 Pœna moveri : nescius flecti rigor  
 Expulerat hominem. spolia nunc etiam petunt :  
 Nec opperiri fata morituri vacat :  
 Viventis & cernentis exuvias juvat  
 Secare : magna pars voluptatis fera  
 Spectator ipse est. ludit in parvo furor,  
 Virique cultus pauperes in quattuor  
 Ivere dominos. una textu simplici  
 Quæ se tenebat dividi vestis negans,  
 Adjudicanda sorte, casus arbitri  
 Munus pependit. Non minus pœnâ fuit  
 Et hoc, tueri compares pœnæ duos,  
 Quos sæpe sera nocte pradonum duces  
 Timuit viator devio abstrusos specu.  
 Hos inter ipse positus ambiguum facit,  
 Illisne major debeat populus necem,  
 An sibi salutem. signat illos cadium  
 Numerosus index. tale de medio nihil  
 Cum turba legeret, quarit & scire expetit,  
 Quod culpa nomen, pœna quem titulum ferat.  
 Stabat super pendentis obliquum caput  
 Triplices tabella vocis ostentans notas,  
 Inscripta quales charta quæ Solymos docet  
 Caleste sacrum crescit in dextrum latus,  
 Quibusque sollers Gracia in famam suas  
 Dimisit artes, & quibus leges datas  
 Mundus Latina prada virtutis tremit.  
 His sensus idem : nomen & patriam ferunt,  
 Ipsumque regem gentis Hebræa vocant.  
 Postquam dolentis ore se pavit diu,  
 Huc torst oculos sæva gens antistitum,  
 Et reperit aliquid tanta patienti mala  
 Quod invideret. tollat adscriptum decus



*Præses rogatur, ne vel ipsa vindicet  
In morte regnum, seque privatum neget  
Occidere verbo factus imperii potens.  
At ille durus perstat, atque hominis modo  
Donare vitam facilis hoc tandem negat.*

**C** H O. *Dum misera longos vita cruciatus trahit*

*Quo populus adstat ore, quis circum sonus ?*

**N** V N. P R. *Non una facies : dissonæ voces strepunt.*

*Pars mæsta vultu ac corde defixo stupet :*

*Pars morte lenta fruitur, & quantum potest*

*Extendit iras. motuum discordia*

*Alit ipsa motus : namque miranda vice*

*Tristes acerbos lachrima risus movent ,*

*Risusque lachrimas. Fine Galilæo procul*

*Comites secuta limen ad templi sacrum,*

*Modò quas ministras vita, nunc testes habet*

*Mors sava amici, quo licet solo, fidem*

*Præstant dolendo. Lacerat hac vestis sinus,*

*At hæc capillos, alia nudis ubera*

*Plangit lacertis : illius longe cavis*

*Resultat antris gemitus : hanc fletus rigant.*

*Stat ante cunctas moris exemplum pii*

*Pudica mater, lachrimas cujus tenet*

*Cernique prohibet dolor ineluctabilis.*

*Quo vertat oculos nescit : an figat solo ?*

*Qua misera mente sanguinem aspiciat suum*

*Terra fluentem ? levet in altum lumina ?*

*Dira videbit peste convelli ac trahi*

*Quos peperit artus. cernere alterutrum timens*

*Vtrunque cernit, seque permittit malis.*

*Propius parabat ire & amplecti arborem,*

*Sed hæret agrum corpus, & medios gradus*

*Pedes relinquunt. Ipsa vox frustra exitum*

*Quærit, potestque prope videri tristior*

*Pendente nato. claudit huic sanctum latus*

*Bis sex sodales inter adamatus pio*

*Iuvenis magistro. Triste ut aspexit jugum,*

*Animasque dulces non minus vita sibi*

*Dum vita mansit, sentit ille aliam crucem,*

*Graviusque torquet ille spectatus dolor.*

*Sed*

*Sed utroque tandem fortior longi moras  
Rumpit silenti. Sume depositum meum  
Vterque : natum mater hunc pro me tibi  
Posthac adopta : tuque Zebedai puer ,  
Qua fuit amici nunc tuam matrem puta.  
Hac fatus iterum flexit in pœnam caput.  
At parte in alia verticem miles quatit,  
Nostræque gentis vulgus & gentis patres.  
Tunc ille, clamant, qui sacram rueres manu,  
Idemque terna luce relocares domum ?  
Ostende vires. Ipse si tanti facit,  
Suamque sobolera magnus agnoscit pater ,  
Nunc opifer adsit, spesque confirmet tuas.  
Per te data aliis ecquid auctorem suum  
Salus refûgit ? rumpe ferrum & vincula ,  
Descende trunco : petitur hac regni fides :  
Iam te sequemur. Nec satis scindi probris  
A stante turba fuerat. Est qui stipite  
Sûspensus, animum nunc quoque homicidam probat ,  
Nec fieri in ipsa desinit pœna nocens,  
Ac sic profatur : Ille si credi cupis ,  
Quem Deus Hebræa gentis elegit ducem ,  
Nos teque serva. Non tulit vocem impiam  
Culpa necisque socius, & tandem ferum  
Ponens latronem : nondum, ait, disces Deum  
Et fas vereri, iusta quem legis sacra  
Vindicta deprehendit ? Et peccas adhuc  
Iterum luenda ? Nostra debent crimina  
Quodcunque patimur. Iste quid fecit mali ?  
Versusque ad ipsum : parce, te, misero, precor.  
Mihî rex mihique dominus, & latum tua  
Cum te tenebit aula, sis nostri memor.  
Ille annuit benignus, eque ipsa cruce  
Largitur astra : Mecum, ait, mecum sacros  
Tenebis hortos, veris aterni loca,  
Beatus hospes, antequam lucis parens  
Aurora referat crastinum terris jubar.*  
CH O. Quid hoc ? repente subsiluit motu solum,  
Et stare tellus nescit. auratos tegens  
Sol ipse vultus limite ignoto fugit,



Et saculorum lege contempta diem  
 Abrumpit aether, noxque luci debitas  
 Invadit horas. Dira quas portant minas  
 Prodigia? quanto est omnibus majus malum,  
 Quod nec sui meminisse naturam finit?  
 Sed feriit aures cursus haud longe pedum.  
 Tu quisquis ille es, quem satis nosci vetat  
 Caligo mundi, tam graves imple metus,  
 Aut solve. N V N. A L. Perit, habuit eventum furer  
 Damnatus astris, quemque, si possit, velit  
 Et terra fugere. C H O. Nil queror. Lucem tibi  
 Cælum remitto. Tu tamen, quando loqui  
 Nobis relictum est, mortis effare ordinem.  
 N V N. A L. Ut crescere umbras jussit, & medio aetheris  
 Cursu peracto longius Titan suos  
 Respexit ortus, ignea sensim coma  
 Periere: nulla nube prae ductum caput  
 In se recessit. quarta restabat polo  
 Iam pars diei, si tamen fuit hoc dies:  
 Audita vox pendentis, haud qualem halitus  
 Inter necem vitæque deprensus daret,  
 Sed fortis & sonora: Quid Deus o tuum  
 Me derelinquis? turba crudeli jaceo  
 Hoc ultimum fruitura, Thesbita peti  
 Auxilia vatis ore mentitur fero,  
 Iamque adfuturum quantus aut ignem aut aquas  
 Cælo poposcit. Ille sed contra nihil:  
 Tantum cruore exhaustus & fractus malis  
 Sitim fatetur. Vase defusus latex  
 Amarum avidos spongia laxat sinus:  
 Premit fluentem purus hyssopi viror,  
 Quem levat in altum dextera adstantis viri  
 Proventa arundo. Tincta ferali mero  
 Ille ora rursus aperit & clarum intonat:  
 Habuere finem cuncta: nunc animam hanc tibi,  
 Tibi hanc ego animam magne commendo pater.  
 Hac dum profatur, spiritus verbis comes  
 Prorumpit una, nilque sensuros cruci  
 Artus relinquit. Ille jam liber tenet  
 Quamcunque sedem sortiter miseris Deus

Ad-

ad-





*Adscripsit. at nos perduto orbis sidere  
 Infamia agitant monstra : nos peragunt reos  
 Superi inferique. namque & umbrarum vaga  
 Cursat per urbem turba, quam sedis sua  
 Incerta tellus intimo ejesit sinu :  
 Laxata hiatu saxa deformi patent ,  
 Latumque functis fecit ad vivos iter  
 Compage rupta tumulus : unum manibus  
 Cœlam sepulchrum est. rediit antiquum chaos  
 Non legis aqua gnara, non patiens vicis ,  
 Sed qualis ante conditam lucem fuit,  
 Nox atra populos intulit terris suos.*

**C H O.** *Sed inter hac portenta quæ circum crucem  
 Mens plebis ? Ecquis vultus astantum fuit ?*

**N V N. A L.** *Lamenta fletu mixta femineo sonant.  
 Tum si quis ipsi notus & vita comes  
 In morte adhesit, ingemit tenebris diu ,  
 Piasque cœlo tendit erepto manus,  
 Queriturque, tantum facere dum licuit nefas,  
 Mansisse solem. magna nec vita satis  
 Sibi certa turba est : parsque se, pars mortuum,  
 Pars luget orbem. cecidit Ausonia furor  
 Sævus catervæ : pacis ignara manus  
 Torpent, & arma gelidus excussit pavor.  
 Dux ipse centum solitus imperio viros  
 Franare, iniqua jurat extinctum nece  
 Heroa, cujus ipsa se tellus neget  
 Perferre pœnas horrido motu gemens,  
 Quem luce cassum lucis aterna fuga  
 Cœlumque mœrens asserant cœli genus.*

**C H O.** *Quis iste turba cursus ad limen sacrum ?  
 Nam causa in illis qualibet credi potest,  
 Nisi sola pietas. hisne tam impuris Deo  
 Litare sperant manibus ?* **N V N. A L.** *Horrendum, nova  
 Prodigia & istuc vulgus attonitum trahunt.  
 Nanque ille pendens trabibus auratis tapes  
 Multiplicis ostri, scissus in partes duas  
 Totus recessit : prodita est sacri fides,  
 Vacuumque Hebrææ gentis arcanum patet.  
 Fatalis illa gentium quondam tremor*

*Sacrata Mosi cista, cui denas datum  
 Servare leges, gemina quam volitans super  
 Vmbrabat ales, quemque fecundo cibum  
 In castra rore fudit exemplo novo  
 Docens quietem septimâ nubes die,  
 Et virga cujus flore compresso ambitu  
 Sibi victor Aron cidaris asseruit decus,  
 Templi illa veteris decora quæ fuerant prius,  
 Periere dudum : magno in adyto cernitur  
 Nil præter adytum : quicquid ignotum magis  
 Timuere sacra, panditur : flammis micans  
 Facibusque templum parte seposita sui  
 Admisit oculos, siue relligio feros  
 Pertasa mores fugit & cerni dedit  
 Penetræ nudum, siue contempto loci  
 Horrore sola mente vult numen coli.*

**C H O.** *Positæ pænis sine quem mors attulit  
 Natura tandem valuit, & tellus parens  
 Exanima placido corpora expectat sinu ?  
 An nuda pendent membra & aspectu impio  
 Sacra profanant vespæram noctis ducem ?*

**N V N. A L.** *Animos feroces sera relligio subit,  
 Ne non paratos prævia insignis sacri  
 Deprendat hora. Pontium accedunt ducem :  
 Laceros cruentis deripi crucibus rogant  
 Artus, priusquam victima Egypti memor  
 Festaque puras poscerent epula manus.  
 Reis duobus, media quævis vita ac necis  
 Hærebat anima, crura savi ictibus  
 Illisa : dirus ossium mugit fragor,  
 Simulque tenues spiritus rumpit vias.  
 Nec magis Iesu fata jam functo sua  
 Cohors pepercit Latia, sed vita vacans  
 Tremente miles lancea incurSAT latus.  
 Patuere ferro viscera & apertis aquas  
 Venis micantes mixtus effudit cruor.  
 Sublata postquam corpora & vacua cruce  
 Stetere, vultu turba non uno fugit,  
 Pars mæsta, pars attonita. quo ruitis viri ?  
 Mactandum ad agnum ? vitæ hac nimium hostia est :*

*Mæsta-*



*Maſtaſtis hominem. CHO. Fallit ambiguus dies,  
 An triſte vulgus tueor; & muliebribus  
 Laniata palmis pectora & flentes genas?  
 At inde tardo miles Auſonius gradu.  
 Trepidans ad altos praſidis tendit lares.*

# CHORVS ROMANORVM MILITVM.

**O** *Qui perpetua vectus in orbita  
 Curru flammifero tempora dividis,  
 Ad cujus radios noctivagus chorus  
 Vultu diffugiunt ſidera pallido,  
 Qua nunc parte poli luminis arbiter  
 Interceptus abes? qua tenebris via?  
 Quis ſurgit medio veſper ab athere?  
 Nondum te Tyriis navita Gadibus  
 Stridentem Heſperius fluctibus audiit:  
 Non cælo rutilas ſurripuit comas  
 Nubes imbriferis ſæta madoribus:  
 Non interpoſitis Luna jugalibus  
 Fraternalis hodie viſibus obſtitit,  
 Qua furtiva procul lumina colligens  
 Pleno circuiit cornua circulo.  
 An captum magico carmine Theſſala  
 Te vinxere nurus? quis Phaethon novus  
 Ignaris manibus frena regens equos  
 Egit ſignifero tramite devios?  
 Quod factum ſcelus eſt, quo meruit diem  
 Nondum nocte data perdere ſaculum?  
 Vt cum viſceribus viscera condidit,  
 Implevitque ſuis pignoribus patrem  
 Jejuni ſoboles efferat Tantalus:  
 Aut cum ſacrifica filius Ilia  
 Terrarum domini conditor imperi:  
 Cum vita pariter funera perdidit  
 Diviſus lacero corpore centies.  
 An praſcripta polo tempora finiit  
 Natalis ſuperum qui fuerat dies,  
 Et quo ſtare prius deſierant loco,  
 Hinc nunc aſtra negant currere longius?*



*Quæ natura tui pœna placet tibi ?  
Quo moles rapitur tanta ? quis exitus ?  
Seu terras iterum fluctibus obruis ,  
Seu flammis dabitur vasta licentia ,  
Ibit quo pelagus quod feret omnia ?  
Supremos cineres quis cinis hauriet ?  
Quodcunque est solitum quod novat ordinem ,  
Non est hoc hominis, non populi malum :  
Aut mundus patitur triste periculum ,  
Aut mundi dominus. Rursus an impia  
Titanum rabies fulmina provocat ?  
An Pythone malum sævius exstitit,  
Lernaæque draco peste feracior  
Cælo vipereas opposuit minas ?  
Ecquis nunc patria fletur in athere  
Pressus morte Deus progenies Deis  
Donatore meri largior Euiæ ,  
Prosternente feras fortior Hercule ,  
Intonso medicus major Apolline ?  
Nobis præcipue nox gravis incubat.  
Gratus quippe Deo sanguis & innocens  
His fluxisse locis creditur. hoc fuit  
Quod tellus tremuit, quod puduit diem.  
At tu summe parens atheris artifex,  
Iratu vitii, nec rigidus tamen  
Confessos venia pellere supplices,  
Humani generis crimine perditum  
Mundo redde diem. Par semel omnibus  
Unum flagitiis quare piaculum,  
Quod non Threicia religio Sami,  
Intellecta feris non cecinit lyra,  
Non gleba soboles fatidicus puer  
Tyrrhenos monuit doctior aruspices.  
Idem nostra cruor crimina diluat,  
Quem nullo meritum crimine fudimus.  
Hoc placatus ades sanguine mitior,  
Et pro tot populis fontibus unicum  
Insons sume caput. non potuit dari.  
Aris ulla tuis dignior hostia.*

## ACTVS QVINTVS.

IOSEPHVS ARIMATHENSIS,  
NICODEMVS.

**S**pectate cives : Pontii munus fero :  
 Ut condat hominem terra & humana manus,  
 Prece obtinendum est. nescit Ausonium genus  
 Vel sponte recte facere vel gratis male.  
 Omne est in usu facinus : his mortem imputant,  
 Illis sepulchrum. **N**ic. Parce vanis vocibus  
 Iosephe, vel, si justa tam dulce est queri,  
 Dimitte Romam, quare propiores reos.  
 Quem plangis, hunc non Romuli occidit genus,  
 Sed Abrahami. Vera quis sensa explicet  
 Oraculorum & legis e cælo data,  
 Quem mente tota major inspiret Deus,  
 Quis dux perennes certior monstret domos,  
 Pilatus ista curat ? an Latio innocens  
 Sub teste cecidit ? criminis falsi artifex  
 Italum senatus, an sacerdotum fuit ?  
 Iudicio in isto Casarine an Cajapha  
 Obtemperatum est ? transferas culpam licet,  
 Iudaa certe corda & ora, oculi quoque  
 Homicidium fecere : quod superest nefas,  
 Hoc est Quiritum. Quam bene Hebrais Deus  
 Manibus pepercit ! hoc quoque Italo militi  
 Invidit aliquis & scelus mallet suum.  
 Servire adhuc nos querimur ? en cadem impiam  
 Impune licuit facere. quid facere, inquit ?  
 Licuit jubere. **I**os. Nicodeme unis ego  
 Devoto diris Ilia & Sara genus.  
 Pereant utrique. Tam diu quid fulmina  
 Cessant & imber piceus & mare pestilens ?  
 Quid Sodomæ tantum meruit ? Haud ultra tuæ  
 Me patria miseret. Saviour Babylonio  
 Victore victor veniat & castris premat  
 Urbem cruentam. bella si non sunt satis,  
 Fœcunda morbos seminet morbus lues,  
 Interque damna crescat. accedat fames ;



Nullos recusset impotens rabies cibos :  
 Cunis in ipsis vagiens ferrum tremat  
 Infans paternum : redeat in matrem puer.  
 Dum verberantur mœnia incussu gravi,  
 Quaratur hostis intus, & discors sibi  
 In se arma vertat populus, in templum faces :  
 Cognata dirimat agmina obsessor ferus,  
 Flammiſque & ense Solyma vastet mœnia,  
 Trahatque domina compede Ifacias nurus :  
 Nec vincla solvant septies anni decem :  
 Populos per omnes miser & immiserabilis  
 Captivus erret populus : hunc juris sui  
 Nulla ora, reducem nulla conspiciat dies.  
 Hæc firma mancant vota. nil moror hoc solum,  
 Quod ne premam ultra nulla tam gravis est fuga  
 Quam non capeſſam : vel si Hyperboreo procul  
 Subjecta plaustro littora extorrem vocent,  
 Quæ refuga fluctu Tethys ambiguo ferit.  
 Erit ille patria qui patet vero locus.  
 I C. Hic inter alios sædus humanum genus  
 Insedit error. facta quis culpat sua ?  
 Aliena quis non ? magna pars non crimina  
 Damnat, sed homines, dispari sententia,  
 Alii severi iudices, faciles sibi.  
 Nos, quia profana voce non addiximus  
 Morti immaerentem, jura nec contra & fidem  
 Scripsit cruentum nostra decretum manus,  
 Nobis placemus, magna ceu virtus foret  
 Non esse magni conscium sceleris sibi.  
 At si fatemur verâ, quis forti virum  
 Defendit ore, quisve corrupta arguit  
 Livore sævo iudicum suffragia ?  
 Quis commodavit legibus vocem suam ?  
 Sic victa pietas fasque, dum sanctum caput  
 Illi loquendo, nos tacendo prodimus.  
 Cum nil timentes femina illius palam  
 In nomen irent, nos magistrum agnoscere  
 Segnes pavori noctis umbram obtendimus.  
 Iosephe, tandem nostra sese aperit fides,  
 Sed in peremtum. I O S. Vera tu, fateor, mones.

D

Sed



*Sed ille rapiens redditum vesper diem  
 Cura peragere iusta nos vigili iubet.  
 Non longe ab ipso Golgotha infamis iugo  
 Subter virentes arborum tegitur comas  
 Purum recensque rupis excisa cavum,  
 Nondum occupata manibus sacris domus.  
 Tumulum senecta nuper electum mea  
 Nunc melior hospes habitet. insignis viri  
 Notet sepulchrum magnus hiscenti lapis  
 Oppositus antro. Quis scit an mox sanctior  
 Adveniat etas, turba cum hanc sedem frequens  
 Et flexa regum capita pro templo colant,  
 Dignamque credant & mari & ferro peti?*

**N I C.** *Aqua pura fontis, vosque odorifera è plaga  
 Cari liquores, sava quos tumuli fugit  
 Tabes edacis, tingite hos vultus pios,  
 Intrate penitus ora. Non Deus hoc sinat,  
 Non fata, morti liceat ut quicquam amplius  
 Istos in artus. Siqua religio inferis,  
 Non fa da tabes ossibus nudis fluat,  
 Nec corpus illud ulla dissolvat dies.*

### IOHANNES. MARIA MA- TER IESV.

**V***eneranda virgo, certa progenies ducis  
 Sub jura cuius ivit, Euphratis vadum,  
 Quicquid, rubentes inter & fluctus jacet,  
 Vt cunque casus asperi mentem premunt,  
 Evince luctus, sume avitos spiritus  
 Regum ille sanguis: Fata te in tuto locant.  
 Fortuna vires ipsa consumpsit suas  
 Toties nocendo. post patrum raptas opes,  
 Translataque olim sceptrum in externas manus,  
 Quod te vetaret esse securam fuit  
 Res una, natus. ille te absolvit metu:  
 Timere jam nil orba paupertas potest.*

**M A R.** *Lugere vobis forte Iohannes novum est:  
 Ego nata in hoc sum: ter decem annis amplius:  
 Non aliud egi. nulla me species mali.  
 Fefellit: ex quo casta caelesti satum*

Detumuit alvus, dira mihi, dira omina  
 Cecinere vates : vidit hac Simeon senex,  
 Imaque in anima vulnus aspexit meum.  
 Cum lancinatos inter infantum greges.  
 Peteretur unus regio ferro puer,  
 Nondum ille tantis fecerat miraculis  
 Sese invidendum : perfidos nondum dolos;  
 Et ficta quicquid turba Pharisei tegunt,  
 Ipse arguendo traxerat caput in suum :  
 Spretor sacrorum, civica armorum tuba  
 Nondum audiebat : una adhuc erat illius  
 Culpa, esse natum. non tamen me terruit.  
 Ferus ille dominus & suis etiam nocens :  
 Non similis hares, cujus instruxit dapes.  
 Cervix recisa vatis, & amoris impio  
 Donatus oculos pavit incestos cruor :  
 Non plebs recusans liberas voces pati  
 Et mille manibus saxa jaculatus furor.  
 Instare nullum credidi nobis malum,  
 Quo majus esse poterat. exemplo carens;  
 Quod nulla genitrix timuit, hoc solum fuit  
 Ego quod timerem. Misera, num voces meo  
 Quaram dolori, potius an luctus premam?  
 O magne (nanque hoc credo nunc etiam) Deus,  
 Cur ad minora regna venienti mea  
 Tibi placuit alvus? cur ego ad pœnam tibi  
 Electa mater? nulla certe femina  
 Qua peperit hominem, qua virum fecit patrem.  
 Tam seva passa est. nulla progeniem parens  
 Melius adepta est, nulla pejus perdidit.  
 H. Quis major aures planctus assuetas ferit?  
 Quod corpus istud, Tyria quod velo tegit.  
 Candente sindon? ille quis venas senex  
 Adhuc fluentes imbre odorato rigat?  
 Quis adstat alter? impetu quanto ruit  
 Muliebre vulgus? Fallor & mæstos genis  
 Subito micantes lachryma vultus gravant.  
 An vera video? Mater, illi artus tui,  
 Tuus ille sanguis. i, rape extrema oscula :  
 Imple parentem : filii hoc restat tibi.

M A R. *Anima heu longis defessa malis*  
*In maiores suffice luctus,*  
*Dum crudeles apud exequias*  
*Suprema dolor munera solvit.*  
*Liceat niveum tollere peplum,*  
*Carosque semel cernere vultus.*  
*Tunc ille miser? talemne tuus*  
*Mihi te populus nate remittit?*  
*Talem Solyme spectare iubet,*  
*Solyme cordi dilecta tuo?*  
*Video fossum mucrone latus,*  
*Et trajectas vulnere palmas,*  
*Et qui ferro patuere pedes.*  
*Melius melius Phæbe latebas:*  
*Quid ad hæc nobis monstranda redis?*  
*Gens atherei conscia motus,*  
*Vosque imprimis, quorum pietas*  
*Partus olim venerata meos,*  
*Cæli inversas cernite leges:*  
*Illum mecum lugete magi,*  
*Quem signavit nova lux genitum,*  
*Tenebra occisum docuere nova.*  
*Spes afflicta sola parentis,*  
*Quo non piguit vivere vivo,*  
*Nobis rediit modò rapta dies,*  
*Te demersum nox alta premit.*  
*Vtinam plantatus, utinam notas*  
*Matris lachrimas nate videres.*  
*Ego sum thalamis intacta parens,*  
*Qua te verbo facunda tuli,*  
*Onus ignotum cum virginæ*  
*Stupuerè sinus, mirique novem*  
*Crevere tuo pondere menses.*  
*Ego sum cujus jam maturo*  
*Ventre labores lare sub renui*  
*Regis proavi patria vidit.*  
*Hoc tibi fluxit de fonte liquor.*  
*Hoc sedisti sarcina collo*  
*Pelusiæ advena regnis,*  
*Pharos exiliis cum fida tuis*



*Veteris culpa probra redemit.*

*Iuda soboles Memphide peior,*

*Si jam finem cepit rabies*

*Et te nostri miserere potest,*

*Longas mortis mihi deme moras :*

*Aut si natus nondum satis est,*

*Adjice matrem.*

*O nate nate, quicquid hic oculi vident,*

*Hoc quod pependit, quod mori potuit, meum est,*

*Meumque totum : nullus in partem venit*

*Genitor, nec alter vindicat quicquam tui.*

*Ergo omnis uni pectori incumbit dolor,*

*Quod te aluit & te gessit. Ingratus bona*

*Nescivit orbis, damna nec sentit sua.*

*Inops & indefensus obiisti necem,*

*Et nunc jaces inultus. ex illis quoque*

*Te dante gressus qui receperunt suos*

*Nemo accucurrit : ipsa nec turba aurea*

*Ignara lucis ante contactus tuos,*

*Ad te videndum venit : atque aliquis cui*

*Per te rediit vita te patitur mori.*

*O H. Vera ista quereris, vera. nos toto cohors*

*Electa mundo filii comites tui*

*En unde, quo decidimus ? in nobis scelus*

*Omne est repertum. noster est qui vendidit,*

*Et qui ejeravit : nec nota quisquam vacat :*

*Fugere cuncti. Doctor o veri unice,*

*Amore nobis frater, imperio parens,*

*Ignosce lapsis : ille ego ante alios tuus,*

*Ego quem sacrato nox recumbentem sinu*

*Hesternus vidit, si quid affectus habes*

*Veteris per illum, domine, te affectum rogo :*

*Perque hanc parentem, cujus in curam tibi*

*Ego dictus haeres. hanc ego ex aquo miser*

*Solandus ipse solor ut possum tamen.*

*Iam parce mater luctibus justis quidem,*

*Sed temperandis, & tuis fulci bonis*

*Animum labantem. Laudibus crevit tuis*

*Antiqua vatam charta : te caram Deo*

*Terras per omnes nulla non atas canet.*

Senioris avi decora, quàm longe tibi  
Cessere matres? nulla sic genuit parens,  
Et nulla tantum. Fœta in atate ultima,  
Qua temere risi sensit oraculi fidem,  
Et illa genitrix, cujus in Pharia puer  
Projectus alga vincere undarum minas  
Iam didicit infans, prole non certant tibi.  
Exigua loquimur. Ipse te observat polus:  
Festa tenebras noctis irradians face  
Cœlestis aula turma parienti adstitit,  
Cunasque adorans igneus superùm chorus  
Genitale cecinit carmen, & nixus sacros  
Imitatus ather astra parturiit nova.

MAR. Fugiunt dolores. latior præcordia  
Subit ille motus, quem pudico pectore  
Puella sensi, cum mihi interpres Dei  
Spondit úterum, fataque extimuit diu  
Tam magna matrem gerere vix docilis pudor.  
Majora jam prospicio, & ante oculos meos  
Omne est futurum. Nate tu vadis pias  
Nunc inter animas major: assurgit tibi  
Sanctus parentum populus & cælum suo  
Debet nepoti. Iam tuos mors pallida  
Sequitur triumphos, dum remolito novus  
Exis sepulchro. non diu terris tamen  
Spectandus, en mox totus ad patrem redi.  
Inde ex superna sede pacatis bonus  
Das jura populis: mille te lingua colunt:  
Nec meta regno: trans & Oceanum tonat  
Phæbumque nomen: ferrum & hostiles nihil  
Nocent furores: vincis, ac magni duces  
Augusta pedibus sceptrâ subjiciunt tuis.  
Quin tempus illud meta sacrorum prope est,  
Cum nube in alta tot sedebis gentium  
Quasitor, orbe cum reformato manet  
Nox una fontes, una purgatos dies.

F I N I S.

HVGONIS GROTH

S I L V Æ  
S A C R Æ.



THE NEW YORK PUBLIC LIBRARY

ASTOR LENOX TILDEN FOUNDATION  
455 FIFTH AVENUE  
NEW YORK

1891

1891

1891

1891

1891

1891

1891

1891

1891

1891

1891

1891

## HISTORIA IONÆ

Paraphrastico Carmine.



Tempore quo cunctas prae se contemserat urbes  
 Fortunâ famulante Ninos, partaque rapinis  
 Divitiâ luxu contra certante furebant,  
 Ipse pater, vindex scelerum, sed lentus ad iram  
 His Amithaoniden dictis affatur Ionam,  
 Os cui veridicum dederat, mentemque capacem  
 Fatorum & positum longe spectare futurum.  
 I citus Assyrii tumidam rectoris ad aulam,  
 Et quæ vasta rapax defendit mœnia Tigris.  
 Immersum vitius populum clamoribus urge,  
 Cujus sancta mihi dudum versantur ob ora  
 Et pœnam commissa petunt, scelerumque nefanda  
 Implevit terras, nunc scandit ad aethera moles.  
 Hac refer atque minas verbis & jurgia misce.  
 At miser, heu, sperans complentem numine cuncta  
 Effugisse Deum (nec enim mandata placebant)  
 Ad Cilicum terras vicinaque littora Tauro  
 Funestum molitur iter. Tacet inclita portu,  
 Summa Palaestina tellus ubi desinit ora,  
 Vrbs vetus, Andromedes quæ vincula jactat Ioppæ.  
 Huc male sanus abit vates, & forte carinam  
 Invenit ad liquidâ properantem flumina Cydni.  
 Addit se nautis comitem, pretioque soluto  
 Hospitium capit infelix & numinis almi  
 Desertor fragili mavult se credere ligno.  
 Principio faciles aura, sperataque Tarsos  
 Non procul. at subito fatalis inhorruit aër  
 Pontum omnem turbante Deo. sonuere procellæ  
 Et fudere novum nubes mare. nec super ullum  
 Discrimen rebus: calum nox una salumque  
 Miscuit: ereptam reparabant fulmina lucem.  
 Nec temere insani perdunt sua murmura venti:  
 Circum vela fremunt: & se jacet omnis in unam  
 Tempestas collecta ratem. jamque hiscere credas  
 Compagem fractamque trahi sub fluctibus alnum.  
 At trepidi nauta & pallentes morte futura  
 (Heu gens indocilis veri, fictaque parentum)

D 5

Relli-

Reli-

Reli-

Religionē nocens ) partiti numina votis  
 Inclamant gemitu frustra precibusque fatigant  
 Quos homines fecere Deos : hic Belon, at ille  
 Astarten, squammisque insignem corpora multis  
 Dercetin : at patrios alii, nunc sidera, reges,  
 Iasiden totamque domum, generumque volucram  
 Horrida gestantem Phorcynidos ora Medusa :  
 Atque hunc præcipuè, dotali ut sede profectos  
 Incolumes det posse suam contingere Tarsum,  
 Tarsum pennigera referentem nomina planta.  
 Quin etiam merces, auri spes una parandi,  
 Cujus amor tantos docuit perferre labores,  
 Iactantur pelago, navem ne verteret omnem  
 Accedens ventis onus & demitteret alto.  
 Ille autem interea tantorum causa malorum  
 In puppe jacens somnum capiebat Ionas :  
 Seu pavor abstulerat sensus, nec corporis agri  
 Illa quies, sed torpor erat, seu talis imago,  
 Hoc agitante Deo, sua magna oblivia vati  
 Objecit, pressumque animum graviore veterno.  
 Non tulit hoc rector trepida ratis, & tibi, dixit,  
 Nunc unde iste sopor ? quin nosti tu quoque si quem,  
 I, supplex venerare Deum, ritumque parentum  
 Sollicita, si forte alius clementior ille  
 Respiciat miseros & fata instantia vertat.  
 Nec dubitant nauta cali quod suscitet iras  
 Esse caput secum, culpamque unius in omnes  
 Ferre necem. motis quin ergo quarimus urnis,  
 Exclamant omnes, quem poena fata reposcant ?  
 Quis nunc præcipiti volvi putet omnia casu,  
 Ac non lege data ? certum sors missa peregit  
 Arbitrium, vereque reum damnavit Ionam,  
 Et vates de vate fuit. tum quarere nauta,  
 Quis genus, unde domo, cur & quibus adsit ab oris,  
 Quod vita sectetur iter, quo crimine fontem  
 Intusent superi, qua tanta causa procella ?  
 Sic illi instabant. sic contra Amithaone natus.  
 Gens Hebraea mihi. studium fuit (atque fuisset  
 O utinam semper) rerum servire parenti,  
 Qui calym moveat & cali stellantia signa,



Cuius opus terra est pontique hac mobilis unda.  
 Obstupuere viri majusque per ima cucurrit  
 Ossa gelu. subigunt fontem delicta fateri,  
 Spretaque magna Dei mandata, fugamque rebellare.  
 Tum quid opus facto rogitant, quave arte parandum,  
 Sideret ut tumidis insensum fluctibus aquor,  
 Crescentesque mina: cum jam nihil ille precatus,  
 Tollite me me, inquit, quem vestris fata periclis,  
 Quem toto petiere mari. me mergite ponto:  
 Iam pacatus erit. merui, nec ferre recusio:  
 Exsolvam insontes & navem morte piabo.  
 Certavere quidem connixi remige multo  
 Eluctari undas proramque advertere terris:  
 Nequicquam: longe littus fugit, undaque contra  
 Insurgens nullam patitur sperare salutem.  
 Cessit turba malis, tuque o justissime, dixit,  
 Parce Deus nobis hanc velle ascribere cadem  
 Pradamnata anima, nec leto ulciscere letum.  
 Nil male de nobis illum meruisse fatemur:  
 Nec nocet ira viro, nec habendi caca cupido,  
 Sed mota non sponte manus. tibi reddimus illum  
 Quem repetis. cogit tua nos invicta voluntas.  
 Talia vix fati summa de puppe volutum  
 Pracipitant. simul ille cadit, simul omnia cælo  
 Nubila diffugiunt. positis quoque fluctibus unda  
 Detumet & lenes veniunt ad suppara venti.  
 Perculit attonitos divina potentia nautas,  
 Atque ejurato falsorum horrore Deorum  
 Supplicibus votis aeternum numen adorant:  
 Hunc & muneribus placant & sanguine fuso.  
 Interea sulcans immani corpore pontum  
 Bellua missa Deo vivum deprendit Iönem  
 Fluctibus in mediis & vasto sorbet hiatus.  
 Ille in visceribus monstri (mirabile dictu)  
 Illasus manet & pelago novus incola fertur.  
 Sentit & incumbens capiti mare, sentit & aquor  
 Impelli tranante fera. quis credere possit  
 Captivam tantis animam durasse sub undis?  
 Duravit tamen, & tam dira sede morantem  
 Tres interpositis Soles videre tenebris.

Hoc tunc nauigium misero carcerque domusque,  
 Hoc templum fuit. hinc calidas effudit ab imo  
 Corde preces, cecinitque hac tristia carmina vates.  
 Quamquam terrificis me fata ultricia monstros  
 Exagitant, vitamque traho vix anxius ultra,  
 Spes tamen est has me interea non perdere voces.  
 Hinc etiam cælo dabitur via. piscis in alvo  
 Conditus, infami tumultus membra sepulchro  
 Verba loquor supra nubes & sidera supra  
 Exaudita Deo. tu me his, rex magne, nocentem  
 Mersisti tenebris, ubi me premit alta vorago  
 Undaque fluctusque tui, mixtique profundo  
 Gurgite longinquis procul è regionibus amnes.  
 Et merui ereptus superis amittere lucem  
 Aspectusque tuos: tamen hac fiducia mæstum  
 Solatur, fore me Solymas ut sistat ad aras  
 Lata dies festosque adytis instauret honores.  
 En tot aqua circum rapidisque intorta fluenta  
 Vorticibus: tum multa caput circumplicat alga.  
 Vix spirare datur. tellus super urget acutis  
 Hærentem scopulis & duris vectibus obstat:  
 Quin etiam aquorea redituro in sacula rupes  
 Præclusere viam. tu spes super unica restas  
 O Deus, e mediis animam tu faucibus orci  
 Eripies reddesque diem. cum perditâ sese  
 Quareret, in mortis regno cum vita jaceret,  
 Dulce fuit meminisse tui. cælestia templa  
 Perrupere preces felixque audacia voti.  
 Vos nunc ite, quibus pietas errore profano  
 Circumventa perit, quorum sibi quisque figurat  
 Sponte metum, & mendax in vanum cura laborat,  
 Seque bonis spoliât contempto auctore bonorum.  
 Me iuvet æterno grates persolvere regi,  
 Votivumque adolere sacris altaribus ignem:  
 Ille pater bonus, ille hominum tutela salusque.  
 Talia dicentem toto vehit aquore pistrix:  
 Ac tandem undisono multum spatiata profundo  
 Littora summa legit, propiusque adnavigat ora.  
 Hic sese immenso patefecit bellua rictu,  
 Numinis imperio magnisque exercita fati,



Ejectumque virum vasta penetralibus alui  
 Imposuit terra. Tum sic bonus arbiter orbis  
 Edoctum sua jussa pati compellat Iōnam.  
 I propere celsasque Nini pete nuntius arces,  
 Et mea fer totam late mandata, per urbem.  
 Ille iter accelerans praecepto paret herili,  
 Assyriasque domos spatiosaque mœnia tangit,  
 Qua non ante citis circum sit passibus ire,  
 Quam ter Sol oriens ter merferit aquore currus.  
 Iamque emensus erat quantum via siverat urbis  
 Lucis ab exortu supremam ad vesp̄eris horam,  
 Tristia percussas referens oracula ad aures.  
 Intra bis decies geminata tempora lucis  
 Corruet excidio Ninos & disiecta jacebit.  
 Submisere Deo trepidantia pectora cives,  
 Responsoque habuere fidem. tum triste celebrant  
 Iustitium, nulloque sibi discrimine cuncti  
 Indixere famem : nec sueto gaudet amictu  
 Turba, sed hirsutis indurat corpora velis.  
 Ipse Nini dominus, quem circum mille tuentur  
 Excubia, cui tot pendunt famulare tributum  
 Ignota gentes, cujus vittricia signa  
 Terrarum pars tanta timet, simul horridus aures  
 Nuntius impulerat, folio descendit avito,  
 Vnde triumphatis Asia regnator opima  
 Iura dabat populis, trabeaque exutus & auro  
 Cyniphiis praefert horrentia tegmina setis,  
 Et tellure sedens inspergit pulvere membra.  
 Adjicit exemplo legem, procerumque vocato  
 Concilio jubet hac populis mandata referri.  
 Ducite turba Nini longo jejunia luctu.  
 Ipsa etiam mœsta in stabulis armenta dolores  
 Testentur nostros, & equorum bellica proles  
 Balantumque greges. non ulla aut graminis herbam  
 Attingat quadrupes, aut fluminis hauriat undam,  
 Dura sed in nudo sedeant velamina tergo :  
 Idem homines, idem pecudes exaquet amictus.  
 Inclamate Deum findentibus athera votis :  
 Sed simul exacta damnantes crimina vita  
 Et longas scelerum furias, insistite recta



Mentis iter, fadaque manus purgate rapina.  
 Quis scit an avertat nobis quod triste minatur.  
 Exitium Deus & posita deferbeat ira?  
 Spem probat eventus. peccati pœnitet urbem,  
 Suppliciique Deum. vidit namque omnia facta  
 Omnipotens, vidit pertasas crimina mentes,  
 Nec jam sustinuit decretas sumere pœnas.  
 Sed non tam clemens animi indignatur Iônas  
 Stare Ninum, cupiens immensis cladibus emtum  
 Esse ratas diro tulerat quas carmine voces.  
 Ergo bile tumens & amaro percitus astu,  
 Hoc erat, exclamat, tua cur mandata subire  
 Defugerem, hoc patria mecum tellure loquebar,  
 Hoc & Corycia peterem cum littora terra.  
 Noram ego quam clemens & quam placabilis esses,  
 Quàm venia largus facilisque ignoscere lapsis  
 Protinus & culpas precibus donare priores:  
 Non odii retinens, omni sed suetus ab ævo  
 Humanos placida miserari mente labores.  
 Nunc quando Assyria visum tibi parcere genti,  
 In me verte minas: atque hanc, precor, eripe vitam  
 Quam vix ager ago, qua mors mihi latior ipsa est.  
 At pater omnipotens, quin hoc te expendere, dixit.  
 Equius, an justo temet mœrore fatiges,  
 Et tibi qua causa tanto cor fluctuet astu.  
 Exiit invisam proles Amithaonis urbem,  
 Nec procul a muro, qua Titan parte reducit  
 Matutinus equos, parvo sibi culmine tectum  
 Exstruit, exspectans urbem qua fata manerent.  
 Hic sedet, hic umbras & frīgora captat opaca.  
 Nam Deus hac ipsa stirpem regione locarat,  
 Quam cici dixerunt Eoo nomine gentes.  
 Hac amplexa casam sinuosaque brachia latè  
 Protendens rapidos arcebat frondibus ignes,  
 Dulcia turbato præstans solatiâ vati.  
 Postera sed cum se roseis aurora quadrigis  
 Tolleret, exiguo succedens corpore serpens,  
 Sponte Dei, certo radicem vulnere ladit,  
 Vitalesque trahi succos vetat: illa recisis  
 Procumbit foliis demisso languida collo.

Interea primo procedens Phæbus ab ortu  
 Igne coquit terras : Phæbo Deus addidit Eurum  
 Omnia pestifera torrentem flatibus aura.  
 Atque ea flamma poli nudo dum vertice vatem  
 Vrit anhelantem, fracta vi corporis omni  
 Marcidus extremam sibi questibus advocat horam.  
 Et quid adhuc, clamat, quid adhuc miser ille moratur  
 Spiritus ? invideo fatali sorte peremtis.  
 Pontus ubi ? mala cur toties in tanta reservor ?  
 Tum rogat omnipotens, merita num percitus ira  
 Æstuet, ereptam repetens clamoribus umbram.  
 Ille refert, magnis incendi pectora causis,  
 Et, si vota juvent, votis accersere mortem.  
 Tum pater : Vsqueadeo vili pro caudice pugnas ?  
 Huic parci fas grande putas, quem non tua sevit  
 Dextera, non olim sumti coluere labores,  
 Quem genitum nox una dedit, nox abstulit una ?  
 Tu florem Assyria, tu plenam gentibus urbem  
 Me servare vetas ? si non te armenta movebant  
 Pro frutice iratum ( mihi sunt tamen hac quoque cordi )  
 An nihil & decies hominum bisseña putabas  
 Millia, materno pendentes ubere natos,  
 Aut modo desertis reptantes denique cunis,  
 Indociles dextrum quod iter, qua semita lato  
 Calle ferat pravique & honesti noscere fines ?  
 Conticuit vates jam se quoque iudice victus,  
 Et sua mansuris commisit crimina chartis.  
 Hoc monitore, Dei sanctos audire vocatus,  
 Quisquis es, & lapsus non desperare memento :  
 Utque feras veniam, venia placabilis esto  
 Tu quoque, nec vitiis succense longius aquo.  
 Fer casus durosque animo constante labores.  
 Crede revicturos artus morituraque mortis  
 Imperia. hoc superis iterum donatus Iōnas  
 Monstrat enim, Christi tumulo redeuntis imago.

## A D C H R I S T V M.

C Hriste caput rerum, vita melioris origo,  
 Immensi mensura Patris, quem mente suprema  
 Miratus sese Genitor de lumine lumen

Effundit.



Fundit, & aquali se spectat imagine totum :  
 Cujus ad exemplum Mundus, tutelaque Mundi  
 Factus homo : sed enim ferus hic & sponte rebellis  
 Perdiderat sublime decus, pressusque jacebat  
 Criminibus, pœnaque reus, semperque jaceret,  
 Ni Pater aeterno gentem miseratus amore  
 Te prius arcana secum sub luce latentem  
 Donasset populis, non jam per somnia verum  
 Prodere, non vatum commotis mentibus uti,  
 Sed vivam terris cupiens ostendere legem,  
 Fœdus & immotum tanto sponsore pacisci.  
 Humanos igitur vultus, mortale subisti  
 Corpus & hos artus : sed non te fada voluptas  
 Progenuit : casta sed virginis edidit alvus  
 Cœlesti virtute satum. si purpura non te  
 Excepit de matre novum, si spicula nulla,  
 Nullus eques, nulla puerum cinxere cohortes :  
 At genus atherium cives stellantis Olympi  
 Non desunt illic, aulaque augustius omni  
 Excubiis praepepe tuum, cantuque celebrant.  
 Stant pecudes circum, stat circum innoxia turba  
 Pastorum, pauper, sed rege beatior omni,  
 Cui te nosse datum. terris novus advena calo  
 Monstrabare tuo. sydus non ante notatum  
 Expavere magi : quis tantus nascitur, ajunt.  
 In cujus laudes nova sydera parturit ather ?  
 Signiferi cedant ignes, & credita septem  
 Perpetuas miscere vices vaga sidera : cedat  
 Dux Helice Grajis, Tyriis Cynosura carinis.  
 Per varios rerum fluctus, incertaque vita  
 Hac dat stella viam, qua non Babylona superbam  
 Regibus Arfacidis, validas non Tybridis arces,  
 Non Solymæ turres, sed pastoralia signat  
 Limina, Bethlemique casas : ne quarite regem,  
 Iudæi lituos inter strepitusque tubarum,  
 Quaque humana sibi rabies circumdedit arma.  
 Nescitis miseri quam sit res proxima calo  
 Paupertas, quam dulce pati. vos dicite Parthis,  
 Dicite Romanis, Herodi dicite vestro :  
 Det caco spectare diem, det currere claudio.



*Det surdis audire sonos, det reddere, mutis :*  
*Tartareas pellat pestes, morbosque tenaces*  
*Non herbis, sed voce fuget : freta mota tacere*  
*Imperet, & fluctus : modica dape millia pascat,*  
*Seque diu nulla : jubeat remeare sepultos,*  
*Vino mutet aquas, siccusque perambulet aquor.*  
*Hac faciant quos gemma tegit, quos classica cingunt :*  
*Hac pauper meus ille potest. nec corpora tantum*  
*Ille, sed & mentes obsessaque pectora purgat,*  
*Fœdaque corruptis adimit contagia sacris,*  
*Verum ingressus iter, cum nec diffidere lapsos,*  
*Nec stantes turgere sinit. quis in athere motus,*  
*Quive labor rerum, dum tot cumulata bonorum*  
*Congerie, tibi supplicium crudele reponit,*  
*Non Scythæ, non Nomades, non dura civis ab Arcto,*  
*Sed soboles Abra cunctis e gentibus una*  
*Gens delecta tibi. tantum valet atra malorum*  
*Ambitio, quoties odii accensa superbis*  
*Sub ficta pietate furit. nec simplice fato,*  
*Latronum sed morte peris, tu purus & insons,*  
*Vt nostras pœnas & crimina nostra subires.*  
*Quicquid ad hoc ævum prima peccatur ab hora*  
*Adamus vetita cum carpsit ab arbore pomum,*  
*Cunctorum te facta premunt. nos illa manebant*  
*Vincula, nos ictus, actaque in tempora sentes,*  
*Nos trahere in pœnam licitor, nos figere clavi*  
*Debuerant, nostrisque cruces insurgere membris,*  
*Et mortis differre moras. Patris ista voluntas*  
*Et tua : sic placuit facilem miscere severo.*

## E V C H A R I S T I A.

**M***ystici secreta ritus, prisca relligio sacri,*  
*Matibusque sancta semper Christianis Orgia,*  
*Addo me vobis Eopten, totque post suspiria*  
*Perfruo, desiderato candidatus gaudio.*  
*Munus agnosco tabellis Christe legatum tuis*  
*Proximum pergentis ire mortis ad periculum.*  
*Hæ dapes sunt funerales, hoc sacrum Propter-viam :*  
*Cæna jam mori parantis inque procinctu data.*  
*Ipse tu, quanquam supremo tristis in convivio,*

Ipse

*Ipse panem dividebas, ipse libabas merum ;  
Et salutis liberali porrigebas dexterâ.  
Hic, ais, sanguis sodales ; hoc ais, corpus meum :  
Corpus hoc vobis jacebit : sanguis hic vobis fluet :  
Hic bibendus : hoc edendum : grande mnemosynum Dei.  
Ergo cum cælestis aula me procul raptum sibi  
Non sinet coram tueri, panis & vinum mei  
Semper erga vos amoris esto testimonium.  
Hâc ero præsens sub arrâ : nec citatus pignore  
Destitutos vos relinquam : nec Chaos nos dividet  
Illud immensum, quod alto dividit terras polo.  
Ritui sic indicato Principis jussum sui  
Persequens Apostolorum præsuit collegium ,  
Et vicem functum magistri Christianorum choros  
Ad sacras epulas vocavit, & propinavit merum ,  
Et sacrum solenne seris tradidit nepotibus.  
Hac initia quisquis ambit, ante diffidat sibi,  
Seque damnet ipse judex, testis, auctor, & reus ,  
Nec nisi gratis favente speret absolvi Deo :  
Hoc precatus, immerentis ut necem nati pater  
In solutum sumat almâ largus indulgentiâ ,  
Et fide jubente Christo nomen accepto ferat ,  
Cujus insonti cruore deleatur cautio,  
Cautio qua tanta, quantam nemo solvendo fuit :  
Ne Dei dirus satelles, ille noster carnifex  
Debitores in profundum carcerem nexos trahat.  
Creditumque persecutus ducat addictos sibi.  
Gentis humana redemptor mancipatos inferis  
Noluit servire pœnis Ditis ereptos jugo ,  
Nosque liberos abire jussit, & misit manu.  
Mensa testis est herilis, cujus exsortes prius  
Arrogati filiorum more nunc accumbimus.  
Hinc procul, procul profani, quos vel error credulus,  
Vel superstitiosa veri fallit ignorantia ,  
Quique trunco, quique saxo funditis surdo preces.  
Ite quotquot à catervâ transfuga desciscitis,  
Et repudium Christiano nuntiatis cœtui :  
Augures, aruspicesque qui futura venditis,  
Quique Circeæ tenetis artis horrendum scelus,  
Quique supremi negatis esse nos curam Dei ,*



Et quibus juris superstes nulla jurati fides.  
 Ite Regum perduelles, & quibus vivax pater,  
 Aut nimis longæva mater: impia lingua procul  
 Ite, & ite factiosi, nata dissidiis cohors.  
 Ite ventres, ite turpi serva gens libidini,  
 Cumque mæchis ebriosi; vosque turba pestilens.  
 Vos cohors morbosa nostris exsulate finibus,  
 Qui simultates fovetis, hosticoque spiritu  
 Impotenter astuantes quatitis irarum faces.  
 Ite queis jus est in armis, dexteras innoxii  
 Cadibus contaminati, quosque ditant sænora.  
 Ite fures & rapaces, & quibus nûl est satis,  
 Et deest quod possidetis, aleæque lubrico  
 Qui datis census, & horas cariores censibus.  
 Ite quorum nos puderet: ite quos nostri pudet:  
 Hac nefas arcana vestro pollui contagio:  
 Hac triumphis destinati tessera est exercitus,  
 Quam Sacramento ligati militari poscimus.  
 Hinc notis arcemus istis partis adversa duces,  
 Atque diris exsecramur omne Titanum genus.  
 Arma divino moventum classico contraria,  
 Donec ad meliora versos, deditosque, & in fidem  
 Publicam cernat receptos sacra vexillatio.  
 Nos Deo culpam fatemur, criminum quos pœnitet;  
 Utque condonet precamur: hæret, hæret intimis  
 Ossibus labes avita, cujus heredes sumus,  
 Vrimurque blandientis carnis impetigine,  
 Pullulante semper Hydrâ: nec potest radicitus  
 Virus evelli repugnax, & vetustiscens malum.  
 At Dei tamen ronati spiritu genitabili  
 Calle cedimus sinistro, nec pedem casus frequens  
 Cogit infirmum referre: semper emersus luto  
 Gressus in dextrâ reponit semitâ vestigium,  
 Nitimurque pervicaces ire virtutis viam,  
 Hoc viatico refecti, robur ut crescat, cibo,  
 Quem dapi prima parentum Christus antidotum dedit,  
 Addiditque potionem liberantem viscera  
 Pristino Lethes veterno prastitis medici manus.  
 Alter hic Melchisedechus sempiternus Pontifex,  
 Pacis hic, æquique princeps Abrahami posteros

Lata



Lata gestantes opima pane donat & mero.  
 Hac dat ambo signa nobis Paschatis prisca loco  
 Ille nostrum Pascha Christus, fœderisque symbola,  
 Fœderis quod immolatus sanxit ipse sanguine.  
 Panis hic est illud olim Manna lapsus cœlitus,  
 Quo reliquit Israëllem sœva deserti fames.  
 Longa solvunt Christianis mentibus jejunia  
 Succus ambrosia salubris, nectarisque poculum,  
 Quo sæxel perfusa largè corda dediscunt mori.  
 Cœna lotis est parata: post aquam discumbitur:  
 Ipse nam modimperator, ipse rex convivii  
 Iussit hunc ad apparatus corrogari singulos,  
 Amne quos puro rigatos lustricus vidit dies.  
 Væ superbè contumaces, væ recusantes sequi,  
 Quotquot excusationi, cum vocet rex optimus,  
 Vel boves emptos, vel agrum, vel thorum pratenditis.  
 Pœna nec minor manebit vos, ad hæc qui fercula  
 Veste non purâ venitis impudenter sordidi.  
 Dulcis hæc medela vobis, nobilisque mattya  
 Cedet atrox in venenum, cujus infectas lue  
 Vret arcanus medullas ignis ut Nessi cruor,  
 Mortis aterna minister. Durat hæc sententia  
 In caput prolata vestrum: quadrupedem constringite,  
 Et profundi ferte tristes in tenebras Tartari,  
 Quâ resultant ejulatus, horridum dentes crepant,  
 Et vetat semel perire semper occidens dolor.  
 O mihi grex sancte salve: magnus upilio tibi  
 Pabulum, potumque præbet: ille te regit pædo,  
 Ille quondam lata Olympi pollicetur pascua.  
 Ille nec fures ovilis, nec lupi rictum fugit:  
 Obvius currit periculis, sanguinisque prodigus  
 Dum gregem possit tueri non timet pastor mori.  
 O cohors conviva Christi (namque te mysterii  
 Compotem, sacraque fecit ipse cerimonia  
 Patris aterni sacerdos) corpus hoc ipsum cape,  
 Corpus, infelix quod arbor gessit affixum cruci,  
 Mole quod jacuit sepulchri nocte binâ conditum  
 Et, subactâ lege fati sponte surrexit suâ,  
 Nos ut exemplo doceret, lucis hæc ad limina  
 Perditâ retro patere morte defunctis viam:

Inde porro visuique tactuique obnoxium  
 Rebus humanis perire nesciens interfuit :  
 Hinc in alta nube raptum sede in excelsa tenet  
 Dexteram rerum parentis. Sanguis hic idem datur  
 Qui cadens infame pœnis Golgotha tinxit solum ,  
 Cum sarissa militaris mortuum fodit latus.  
 Panis animæ vi recoctus, & caloris fomite  
 ( Quem resartorem perennis corporum dispendii  
 Addidit Natura mater ) omnibus succos viis  
 Dividit late fruendos, inque partem vertitur,  
 Seque transformans in artus sustinet vita fugam :  
 Sic alit mentes Iesu corpus æternans cibus ,  
 Spiritusque quo vegemus, dante defusus Deo  
 Insito fervore Christo nos facit concorpores,  
 Et coacta membra membris jungit, & membris caput :  
 Ut jugali temperata partium concordia  
 Spiret immortale puram sacra compages diem.  
 Cor Lyai mitis haustus ut perurit gaudio  
 Cum per exta dulcis imber serpit, artus humidi  
 Flammeos halant vapores, & voluptatem bibunt :  
 Vulnerum sic ille Christi, qui pedes per & manus  
 Perque costas purpuranti rore manarit cruor ,  
 Pectoris secreta nostri permeante spiritu ,  
 Intus occulti madoris fumigat suffitibus :  
 Perque fibras, perque venas, ipsa per præcordia  
 Pervium sibi tenorem sanguinali tramite  
 Imbuit, piâque mentes incitat temulentia.  
 Carne pasti quotquot hujus sacra mensa carpinus  
 Hospitem Christum precemur, ebriique sanguine  
 Maximi nato parentis supplicemus gaudiis ,  
 Carminumque duplicata conferamus júbila.  
 Mutuo fraterni amoris copulati vinculo  
 Ad suprema templa cœli mentis unanimi gradu  
 Ite concordēs ad unum : proque turis polline  
 Gratias adolete regi, qui clientes sospitat ,  
 Qui saluti civitatis universi mortuus  
 Vivit, & largitione publica nos educat.  
 Ipse panis est alebris, nulla quo pastum semel,  
 Nulla temporum sequentum vexat esuritio :  
 Ipse potus, quo rigatos nulla distorquet sitis.

Ipse



Ipse cum spectandus illo, quo cibamur, corpore  
 Pendulis scandet tribunal stare jussum nubibus,  
 Ipse præsces jura dicet, asidebunt Angeli,  
 Cumque sex labor dierum saeculorum termino  
 Ibit orbis in favillas, & regum perdet rogo,  
 Cum cadaverum citatrix clanget accensi tuba,  
 Ipse nos solvet sepulcri compeditos nexibus  
 Parte secretos ab unâ : nam sinistros ordines  
 Turba complebit reorum, criminum pœnas pares,  
 Et suos passura manes. Nos sequemur principem  
 Qua super Phœbi meatus & dierum patriam  
 Menstruique incerta motus, totque palantes globos  
 Purioris ora cœli lætis ostentat viam,  
 Ætherisque candicantis ducit ad palatia.  
 Turbo non versabit ultra sortis humana vices :  
 In locum sacli fugacis, inque momenti locum  
 Illud æternum subibit, & perennis circulus.  
 Nos beati, nos profundâ luce vibrantes domos,  
 Et reformati colemus Totius pomœria,  
 Extimi flammata mundi septa, rerum verticem,  
 Luminis campos patentes, & quietis libera,  
 Nox ubi nunquam timetur, consciusque gaudii  
 Dulce vernanti sereno blandus arridet dies :  
 Tecta per gemmantis aula spargit immensum jubar  
 Dîa Majestas, nec ullo passa se fastigio  
 Mentis attingi, nec ullo vocis aquari sono,  
 Et sui vultus corusco pectus afflatum beat.  
 Muscos inter canores, cœlites inter choros  
 Detinebit feriatos pervigil tranquillitas.  
 Tunc Iesu prabitore contubernalis cohors  
 Cum Cherubino senatu fulta sublimi thoro  
 Non dato felicitatis sine convivabimur.

## P A R A P H R A S I S

in Psalmum LXXXII.

**F**ormidare deum discite iudices,  
 Qui magnis procerum cœtibus interest,  
 Et suffragia regum  
 Pendit consilantium,

Secre-



*Secretusque foro præsudet arbiter.*

*Quo tandem nocuos sine fovebitis*

*Auctores scelerum, nec*

*Cedet gratia legibus?*

*Quisve iniustitie stat pudor, aut modus.*

*Venales anima dicite : cernitis*

*Vt vos prada superbi*

*Actoris vocet orbitas ;*

*Et simplex pueri fallere nescii*

*Ætas fraudibus obnoxia divitum*

*Nulla vindice? tandem*

*Pupillis & egentibus*

*Gratis jura date, & pauperis exteri*

*Causam justifico solvite calculo.*

*Quin illum sine labe*

*Fortuna tenui gregem*

*Crudeli dominorum eripitis jugo ;*

*Assertumque sui jus inopi datis*

*Turba? Saucia vestram*

*Libertas ad opem fugit,*

*Seva ludibrium triste potentia.*

*Sed surdis canimus : quippe animos tenet*

*Alta inscitia legum,*

*Et socordia pertinax*

*Defendit triplici pectora nubo.*

*Densatum tenebris est iter : horrida*

*Vis caliginis atra*

*Cacâ mentem agitat viâ.*

*At res se interea publica consili*

*Expers mole suâ precipitat : ruunt*

*Fundamenta : soluta*

*Compages patria labat.*

*Sic est : vos, fateor, gloria nobilis*

*Terrarum dominos evellit ad deos,*

*Heroesque supremi*

*Auditis soboles poli*

*Rektoris : veniet mors tamen ultima*

*Rerum meta. pari lege necessitas*

*Plebem deprimit imam,*

*Et regum pueros : sua*

*Nec*

*Nec servat tumidos purpura principes.  
At tu magne Deus, tu potius veni  
Iudex, & tibi dictas  
Gentes imperio preme.*

## P A R A P H R A S I S

## I N

TRES VERSVS POSTREMOS  
CAP. X. PROPH. IEREMIAË.

**Q**Uod procul Assyria veniens exercitus ora,  
Magne parens, versis in nos victricibus armis  
Palmiferum nemus & valles populatur opimas,  
Castrorumque minas circum sacra mœnia tollit  
Auspiciis fundata tuis, jamque imminet urbis  
Excidio, non hos Euphrate aut Tigride motus  
Ille Semiramia secum devexit ab aula:  
Non à cœtilibus venit hac fiducia muris:  
Sed lapis ut quondam Balearide tortus habenâ,  
Quos non ante habuit sub nubibus invenit ignes,  
Sic Babylon, sic regna Nini quæ possidet heres  
Nempe manus sunt tela tua: caelestibus itur  
Imperiis. Nam sidereos qui temperat orbes,  
Idem humana regit vestigia: quicquid ab alto  
Imminet huc ultro tendens ruit obvia fati  
Turba, simulque venit sup̄era cum lege voluntas.  
Nos autem, quocunque vocas, meruisse fatemur  
Omnia: pro populo pœnam non deprecor isto,  
Qui toties divûm surdas prostratus ad aures  
Impia thuricremis placavit marmora flammis.  
Seu morbos scire jubes, seu protinus atram  
Mittis in arva famem, pluvios & subtrahis imbres:  
Sive aliud quodcunque paras, præbemus ad ictus  
Devotum caput: ipsa reis placet ultio: sed quem  
Crimina nostra negant, tua det clementia finem.  
Nam si dum justæ furor in nos astat ira  
Ad pœnas & flagra venis, damnabimur omnes  
Exitio, & pridem populis invisa profanis  
Funus crit Iudæa sui. Sed parce precamur,  
Nec totum ultorem nostris impende ruinis.

*Sed multum miserantis habet. quanquam horrida poscunt  
 Supplicium peccata, pater tamen esse memento.  
 Vindictam venia metire, animoque tumentis  
 Pone modum : vel si nondum deferbuit ardor,  
 Materiamque petit, dira sunt undique gentes,  
 Quas tua majestas, æternaque gloria nulla  
 Religione tenent : calum pars magna solumque  
 Artificis secura videt. Ferus ille tuosque  
 Marte premens, Belum pro te Chaldaus adorat :  
 Regumque exuvius, & nostra clade superbus  
 Mithra sacra facit. Nullos misere juvencos  
 Ad tua templa magi : nullum cælestibus aris  
 Assyrii sudare merum. Tamen ecce triumphat  
 Barbarus, & vastat populum tua sacra colentem,  
 (Dum te posse negat, quos obsidet ipse, tueri)  
 Impune, & campis tentoria figit in illis,  
 Per quos sanctus oves armentaque sæpe securus  
 Bissena sobolus genitor, tua magna voluptas.  
 Et nemora & colles docuit resonare Tonantem.  
 Quin etiam depascit agros, & ovilia raptat  
 facidum, nequa hinc Solomonis ad atria magnis  
 Victimæ ducatur solemnibus. Vtne perennes  
 Ergo foci sileant, Solymæque ( o dedecus ) arces  
 Armatum vacuis videant penetralibus hostem ?  
 Ah melius tales, si quid misereris, in ipsos  
 erte minas : nostri fiant medicina dolores.*

## ODE PRO INDVCIIS.

*Christe, quem cunis puerum jacentem  
 Impius toto procul orbe Mavors  
 pugit, intacti scelerum, nec ulla  
 Cade madentis  
 imperi regem, satis o precamur,  
 longa jactata per acerba belli  
 entis exemplum dedimus Batavi  
 Sanguine nostro :  
 Qualis ereptum nimis imminenti  
 aucius dudum gladiator hostem  
 vulnerum securus adhuc per omnem  
 Quarit arenam.*

E

Dicat



*Dicat hoc nostrum mare, dicat aquor  
Creditum solis relevare currus,  
Dicat & septem vetitas tueri*

*Signa trionum*

*Qui colit terras habitator Indus,  
Quanta crudeles satiarit iras  
Militum virtus inimica nostris*

*Funera miscens.*

*Nunc Furor clausus, manibusque fœdis  
Horridum Bellona tenens flagellum  
Carceri immugit, nihil & paventes*

*Savit in umbras.*

*Absit o tantum dolus & simulas  
Fraudum cacas meditata nubes,  
Bisque pugnato graviora lustro*

*Otia Teucris :*

*Omnis ut mundi meritura famam,  
Cladibus multis, totidem triumphis  
Emta libertas, eat in nepotes*

*Munus avitum.*

### E V C H A R I S T I A.

**P** Rocul profani, qui quod os & quod manus  
Oculique monstrant, nec quid ultra creditis,  
Queis una mens exsensa, ventri obnoxia  
Humoque prona gens, & ut summam loquar,  
Homines, nisi qua bestiis differt homo :  
Quid has stupetis ad dapes ? ejus quod est  
Nihil videtis : quod videtis id est nihil.  
At vos, quibus lux aurea & rerum color,  
Quem sole fustum vultus hic noster videt,  
Tantum paterna lucis est radiatio,  
Et oculus animi est hoc quod est antmus Dei,  
Audite Mysta. Mundus hic unus triplex,  
Incorpor, immortalis, & mortalis est,  
Qua sic vocantur, spiritus, calum, solum.  
Mundi sator divinus a summis Amor  
Per media ad ima vênit : & variis modis  
Hoc universum particeps fecit sui.  
Sic esse cœpit quicquid est : simul existit

Perfector, ima copulans mediis Amor.,  
 Et media summis, ut potirentur bono.  
 Sic coit ingens circulus : sic omnia  
 Tum per Deum fuere, tum propter Deum :  
 Quaque alia fuerant, quia quod unum est non erant,  
 Et facta ab uno rursus unum facta sunt.  
 Sed reliqua quod sunt hoc semel debent Deo :  
 Soli bis homines, quos creator perditos  
 Et recrearet est Deus factus caro,  
 Caroque noster panis. Inverso ordine  
 Quare necesse est Et recurrenti vice  
 Et iste panis caro, caro fiat Deus.  
 Panis caducus, fragilis : at contra caro  
 Calestis, immortalis : incorpor Deus,  
 Mens ipsa mentis unde spirant spiritus.  
 Mediumque principiumque cum sine est idem,  
 Caro Deus, Et caro panis, Et panis Deus.  
 Triusque sedis qualis in confinio  
 Locatus astri semilucis globus,  
 Nunc quo corusci solis orbem respicit  
 Vultu nitefcens deserit nigra abditas  
 In nocte terras : nunc ab inferna micans  
 Regione nobis candidum obvertit jubar,  
 Nimica cernens lucis auctorem sua :  
 Sic noster animus corpori datus a Dea,  
 Hinc medius ipse lucis Et caliginis,  
 Felix profecto, si quod est clarum sui  
 Tenens superne luce lucem respicit,  
 Altusque formam cuncta formantem videt,  
 Ammans tenebris hoc tenebrosum chaos.  
 Miser sed idem, jubare depresso Deum  
 Et derelinquit, inque materiam cadit,  
 Quæ quantum abiit à bono tantum mala est.  
 Et jure periit sanguinis nostri parens  
 Et simulatque in epulas à Deo descenderat,  
 Qui contra ab epulis ad Deum scandit, bonum  
 Esu recepit, sicut esu perdidit.  
 Nulla patefcant sensuum nobis fores :  
 Intus vocandum est quicquid animo est virium.  
 Debent amantum lumina atque artus stupent,

Quos entheatos sanctus externat furor.  
Res tota mentis vertitur : sursum, viri,  
Sursum est eundum. Vivere hoc nostrum est mori :  
Nam caro per animum vivit, animus per Deum :  
Ille animus animi, quo sine animus mortuus.  
Terrena sic pars seque & atheriam necat :  
Nisi vita in ista, vita nascatur nova,  
Qua vita mors prioris, & mors mortis est.  
Vita ipsa vita mortua hanc vitam dedit.  
Quid illud ergo est quo creamur denuo ?  
Aqua prima rerum mater. At qua suppetunt  
Alimenta natis duret ut vita tenor,  
Et aucta virtus robur in solidum exeat ?  
Panis, merumque. Sanguinem terra, merum  
Dixere veteres : farra sunt terra caro.  
Ut ergo fomes ille natura calor  
Vita priori consulens, vultum novat  
Faciemque rebus, unit & difformia,  
Vinum ut sit homini sanguis, & panis caro :  
Sic ignis alter iste, natura nihil  
Leges moratus, nosque perficiens amor,  
Ut intus hominem pascat, & vita alteri  
Ministret auctus, transitu miro facit  
De pane carnem deque vino sanguinem,  
Carnem salutis, & salutis sanguinem :  
Ut ille potus & cibus, qui corpora  
Hominum solet nutrire, mentes nutriat.  
Ita quod merum panisque carni & sanguini est,  
Hoc jam caro sanguisque fiunt mentibus.  
Antiquus hic est sermo : Mentis filium  
Porum fuisse, cui madenti neectare  
Permista Penia pignus ediderit sacrum,  
Hunc esse Amorem. Scilicet natus Dei  
Æternus ipse, mente ab aterna satius,  
Pulchrumque princeps, forma vitalis boni  
In quo refulget, & perennis gratia,  
Exemplar universi, & exemplum patris  
Species quod omnes continens unum facit,  
Quo cuncta vis divina seque intelligit,  
Hic ille dives, insita quem conscia



Privationis nostra paupertas adit,  
 Vt ejus opibus ipsa, quæ nil possidet,  
 Famem sitimque satiet. hæc verissima  
 Amoris est origo : sed nemo Deum  
 Amare possit quem Deus non ante amet :  
 Nam sicut oculus luce non tantum suâ,  
 Sed solis ipsum luce solem conspicit,  
 Idemque qui videtur & visum facit :  
 Adversus & nos sic Dei prior est amor,  
 Et causa nostri amoris adversus Deum.  
 Hic ut beetur quarit, ille autem ut beet.  
 Nos certe egestas nostra propellit, Deum  
 Non sua, tamen sua, quippe simulachri sui :  
 Dei est profecto, nostra non est copia,  
 Et nostra tamen est, cum sit in nobis Deus.  
 Quod amat in id quod amatur ipsum vertitur :  
 Deus homo factus, ut hominem faceret deum.  
 Ac sicut uxor virque consortes thori  
 Inter se amoris federantur vinculo,  
 Unumque fiunt corpus, haud aliter Deo  
 Cætus fidelis corpus est ipsum dei.  
 Fuere grana plurima, uva plurima  
 Qui panis est nunc unus, atque unum merum.  
 Quancquam caro olim fracta, panis frangitur,  
 Sanguisque fusus, funditur vinum, caro  
 Tamen una, sanguis unus, panis unus est,  
 Unumque vinum : nec minus quorum usibus  
 Franguntur & funduntur, unum sunt & hi.  
 Rex unus, unus populus est : rex in suo  
 Populo : populus in rege, populus, rex idem.  
 Sed populus est ut corpus, & rex ut caput.  
 In capite mens est ordinatrix corporis,  
 Ita ut sit eadem tota toto in corpore,  
 Eademque tota singulis in partibus.  
 Ita prioris ille miserandus parens  
 Contaminatam posteris carnem dedit :  
 Hac pariter omnes a Deo discessimus,  
 Et ab altero alter, quodque fuimus non sumus,  
 Sed aliud ex uno, sed ex aliquo nihil.  
 Iova sed auctor optimus vite, sua

Pura, innocenti carne donavit suos.  
 Hac restituti nos & uniti Deo,  
 Et alteri alter, quod fuimus iterum sumus,  
 Et aliud unum est, & nihil factum omnia :  
 Conjunctus animus carne cum nostra, facit  
 Vitam priorem, carne cum prolis Dei  
 Vitam secundam. Non amans tam se penes  
 Quam penes amatum est : unde non tam nos caro  
 Nostra maculosos, quam Dei puros facit.  
 Mors amor, & idem vita : mors idem domi  
 Forisque vita : propter hanc nostra mori  
 Nos carne decet, ut carne vivamus Dei.  
 Lex vetus amare nec nova aliud præcipit,  
 Primo Deum, deinde & effigiem Dei.  
 Deus ipse sese, Deus & ipse homines amat :  
 Homines amemus igitur, ut amemus Deum :  
 Propter se amandus Deus ; homo propter Deum.  
 Per multa amoris motus, at in uno quies :  
 Vtcunque late circuli patet ambitus,  
 Tamen omnis inde linea in centro coit.  
 Fructus hic amoris est voluptas maxima,  
 Terram colentes qua supra cælum locat.  
 Aternitatemque antevertit tempore.  
 At & hic amoris usus, ex se gignere  
 Quod simile amato est : hoc in animo dicimus  
 Meditationem : nostra mens igitur Deum  
 Figurat ipsumque imprimit pulchrum sibi  
 Ligante vero. namque cognitio est duplex :  
 Illa est amoris mater, hæc est filia :  
 Sed matre multo filia est perfectior :  
 Vt illa pulchro simile, ita hæc pulchro est idem.  
 Si prima virtus mentis est sapientia ;  
 Eademque nobis ultima est felicitas,  
 Et sapere cuncta est scire ; felices erunt  
 Quicunque poterunt cuncta in uno discere :  
 Præstare sola quod potest sapientia  
 Divina, per quam cuncta & in qua cuncta sunt.  
 Beatitatem donat hanc nobis amor :  
 Quo noster intellectus, is qui non capit  
 Formas quidem omnes, capere sed tantum potest,

Patique natus agere nil per se valet,  
 Fit purus intellectus, inque actum venit.  
 Ut cuncta agenti iunctus intellectui.  
 Sic finis absque fine mentem perficit,  
 Idemque sine primordio primordium est.  
 Te nunc precamur optimumque & maximum,  
 Qui solus unus atque simplex es, quod es:  
 O causa causarum, & soluta necessitas,  
 Quies suprema, motus unde omnis venit,  
 Nihil ipse patiens, cuncta agens, primum, ultimum,  
 Mediumque, vita vita, lux lucis, bonum  
 Verum boni, natura naturâ prior,  
 Semper & ubique totus, immutabilis,  
 Ultra supraque mundum, at in quo mundus est:  
 Æterna tua mens hoc quod est intelligens  
 Sapientiam progeniuit aequalem sibi,  
 Se mensa quanta est compari sub imagine.  
 At hinc videntem colligans visumque amor  
 Proceffit, in se vim reperiens suam,  
 Vnumque tria sunt: nam quod es, scis, vis idem est:  
 Oramus ergo qualis existis tibi,  
 Talem ipse te per opera nobis exhibe:  
 Amorque primum sancte purgans Spiritus,  
 Odii repelle virus, & quo nos Deus  
 Amore amarit inde sensum mentibus.  
 Fac istum amorem nos amemus mutuo,  
 Ut igne natus ignis ignem nutriat.  
 At tu suprema maximi pietas patris,  
 Verbumque primum ratioque & sapientia,  
 Quem monstrat ille tectus in nobis amor,  
 Quique ex amore facta nos propter caro es,  
 Sine patre homo, sine matre qui fueras Deus,  
 Homo mortuus es ut vinceret mortem Deus.  
 Mors nata falsi: vita tu & veri parens:  
 A te fluens nos imbuat sapientia,  
 Vox vera, vox iustifica, vox exsuscitans,  
 Via ad salutem, qua tuam sapientiam  
 Sapiamus omnes: ergo tenebras disjice,  
 Ut lux ab ipsa luce lucem proferat.  
 At tu parens ingexite, fons substantia,



Tua ipse origo, mens coaternis prior,  
 Ad quem tua illa nos rapit sapientia  
 A te profecta, quique amoris spiritu  
 Permotus omne hoc esse iussisti, tuo  
 Sapiente verbo, quod prius fuerat nihil,  
 Hominemque rursus aliter effectum nihil,  
 Revocasti ad esse motu eodem spiritus,  
 Per idemque verbum, tolle quodcunque est mali,  
 Bonusque summo fac bono simus boni,  
 Nostrium esse, ab esse, ut esse concipiat tuo.  
 Deus unus, unus in tribus, fac nos ita  
 Amare, & intelligere, & esse, unum ut simul  
 Fiamus alter alteri, atque unum tibi.

### DE SUSANNA.

**C**Um decus Hebraïdum Susanna, pudoris imago,  
 Supplicii peteret jam moritura locum,  
 Ante Deum vatis juvenis quam proderet ore  
 Conjuratorum perfida facta senum :  
 Non poterat niveas ( stringunt quia vincula ) palmas ;  
 Lumina sidereo sustulit illa polo ,  
 Lumina qua cunctas poterant inflectere mentes.  
 Tam rutilum flagrant, tam juvenile micant.  
 Illa quidem lachrymas retinet ; tamen usque retenta  
 Prorumpunt, qualis fons salit altus aqua :  
 Et poterant pariter pugnantia bina videri ,  
 Mirus honos animi, mirus in ore pudor.  
 Non pallor faciem vicina morte notavit :  
 Perpetuo tenera sed rubuere gena :  
 Integra mens scelerum letho nil mota futuro  
 Duntaxat fama tristia damna timet.  
 Venerat ad lapides : ( ea pœna parata jacebat )  
 Flet populus : cunctis flentibus illa refert :  
 Vos primum, Proceres, laudo, quos inclita genti  
 Isacidorum posuit reddere jura Deus :  
 Quod paribus pœnis hominum delicta piatis ,  
 Legifer ut Moses, ut Deus ipse jubet.  
 At melius, sceleris quamvis ego pura, peribo,  
 Securum posthac quam scelus ulla ferat ,

Qua violans promissa Deo, promissa marito,  
 Exiit infami fadus adulterio.  
 Hoc igitur nostras crimen quoque personat urbes,  
 Hocne piam gentem, sepositamque Deo,  
 Polluat ut totam pariter cum corpore mentem,  
 Quæ ferat Abramum femina neptis avum?  
 Non hic sufficiunt lapides, non horridus ensis,  
 Non crux, usturi non fera membra rogi,  
 Non sacri latices, mæchas qui crimine damnant,  
 Aut timidos purgant suspitione viros.  
 Spernere siqua Deum potuit, supponere prolem,  
 Fallere conjugium, commaculare domum,  
 Quattuor ut possit culparum solvere pœnas,  
 A quo jure quater debuit illa mori.  
 Nunc vos huc properate duo, faciantque cruenta,  
 Perfida fecerunt quod prius ora, manus.  
 Exsatiare truces insonti sanguine motus:  
 Vos ictus primi, vulnere prima vocant.  
 Sic castas tetigisse licet: spes improba vobis  
 Quam male promisit, sic potienda datur.  
 Nam neque vos unquam nec quicquid ubique virorum est,  
 Srvit ad hac aliter membra venire fides.  
 Vt libet hanc frontem, malas, & labra ferite:  
 Imprimis oculos vestra sed ira petat:  
 Hi sunt obscenos vestris qui sensibus astus  
 Nuper & illicitas inseruere faces.  
 Quantumvis populus, quantumvis curia vobis  
 Credit, habet testes & mea causa suos:  
 Stat Deus hinc, stat mens nullius conscia culpa,  
 Et jurant istud crimen abesse mihi.  
 Tu mihi vir salve, vita lux unica nostra,  
 Spesque mihi, donec spes super ulla fuit.  
 O utinam saltem supremos ferre liceret  
 Amplexus, & post oscula pauca mori!  
 Arceat hac saltem nobis opprobria calum,  
 Vt vincant animum crimina falsa tuum.  
 Si bene te novi, quam tantum semper amasti  
 Credit in hac nullum mens bene fida nefas.  
 Nunc tibi, nunc animo communia vota repone,  
 Et pariter cælum qua petiere preces.

Pende, quod obsequium, reverentia quanta mariti,  
 Ut tutata tuam sit mea cura domum.  
 Excubia semper gemina mea corda tegebant,  
 Hinc pietas, illinc connubialis amor.  
 Noctes atque dies animum servantibus istis,  
 Dic vetitis flammis quis locus esse potest?  
 Crede, tua ut vixit, tua sic Susanna peribit:  
 Iamque mihi posthac non adeunde vale.  
 Sed precor hoc unum: tumultum concede peremta,  
 Et versus, miseram quod juvet, adde duos.  
 Hospes siste gradum: jacet isto famina busto,  
 Quam dicit iudex, vir negat esse ream.

I N P A S C H A,  
 qui natalis vigesimus tertius.

**V**Era Dei soboles, homines quam credimus una  
 Nobiscumque hominem, cumque parente Deum.  
 Nos modo, qui tristes sub iniquo iudice pœnas  
 Luximus, & nigrum te moriente diem,  
 (Seu puduit solem domino pereunte videri,  
 Seu fuerat nostri criminis ille color)  
 Oramus, jam parte tui dignare triumphi,  
 Dum novus inferno victor ab hoste redis.  
 Mors sequitur captiva: jacent disrupta sepulchræ  
 Vincula: siderea jam patuere fores.  
 Vngere quid Christum muliebris turba parabas?  
 Illum, si nescis unxerat ante Deus.  
 Thura quid hic facient & quos assertis odores?  
 Suffimen patri gratius ipse fuit.  
 Queritur in tumultu vita, lucisque repertor:  
 Hoc peccata loco condita nostra jacent.  
 At quem vos clausum tam parva sede putatis,  
 Non mare, non tellus, non polus ipse capit.  
 Surgit mane novum, dum pulchrior ille resurgit:  
 Et cum lucis hero lux reparanda venit.  
 Scilicet ut mortem tenebris signaverat ather,  
 Sic comes in vitam debuit esse dies.  
 Aspicis ut primo radient convexa sereno,  
 Floribus ut teneris luxurietur humus?



En Christus pariter, pariterque renascitur annus :  
Auctori plaudunt tempora lata suo.  
Tum rosa quæ pratis late viridantibus ardet ,  
Forſitan innocui ſigna cruoris habet.  
Me quoque cum domino ſimul & cum floribus ortum  
Cur ego non iſta gratuler eſſe die ?  
Iſacida Pharia domiti ſub lege jacebant ,  
Ipſaque libertas ſub pede regis erat.  
Qui poſſet veteris patriæ ſperare quietem ,  
Et Cananaa procul paſcua, nemo fuit.  
Iſta dies Moſem juſtas animavit ad iras,  
Cum raperet feſtas, Azyma ſacra, dapes.  
Fortes ite viri, quas nunc tener occupat agnus.  
Quas mox conficient, quantaque bella manus !  
Exitium video regi quam triſte parari,  
Purpurea vobis cum mare ſtabit aqua !  
Nil deſperandi ſed nobis auctor Ieſus  
Certior : exanimum qui modo corpus erat.  
Frigida membra crucem referunt. qua vulnere mater  
Contigit, hoſtili vulnere facta manu.  
Quid tibi tunc animi dicam pia virgo fuiſſe ,  
Infelix, ſub humum cum tuus iret amor ?  
Quo non ille ſenex turpavit pulvere canos,  
Qui reus aligero teſte peractus erat ?  
Tertia lux omnem detergit corde dolorem,  
Triſtitia veteri nec ſinit eſſe locum.  
Cuſtodes trepidont, plebes pia gaudeat : ipſe ,  
Ipſe remolitus pectore ſaxa venit.  
Hoc jubar, hoc alba juvenes in veſte loquuntur,  
Quos bonus atherea miſit ab arce pater.  
Sic quoque diſjectis, qua nunc eſt forma, recurret  
Oſſibus, & cineres vita ſecunda manet :  
Debemusque nihil letho, niſi temporis uſum :  
Altera pars noſtri reſtat, & iſta redit :  
Qualis cinnameo Phœnix juveneſcere buſto  
Credetur, in terris unica ſemper avis :  
In veterem cuncti mundo ſlagrante figuram  
Ibimus, atherea gens reparata tuba :  
Tunc cum juſtitia medius veniaque ſedebit  
Arbiter, in clara pramia nube ferens :

Consumtisque simul terris & fluctibus, ignis  
In se constituet fata suprema sibi ;  
Æterni quæ prima dies erit, ultima mundi :  
Felicem nobis hanc Deus esse velit.  
Detque prius mentes quam corpora nostra renasci,  
Et stet pro vita posteriore prior.  
Non aliud pura spondent mysteria lymphæ,  
Terque sacer pueri fusus in ora latex.  
Quanquam etenim magnis vitiorum immergimur undis ,  
Per Christum vitiis libera turba sumus.  
Hac ubi sic repeto, tum me quoque veris imago  
Immemorem veris non sinit esse mei.  
Quam modo cæpta ruit, quam mox abitura juventus ?  
Hei mihi, quot noctes, quot periere dies ?  
Apposuit geminos lustris mihi quattuor orbes  
Per bisseña regens sidera Phœbus equos.  
Annum qui sequitur cum primo flore genarum  
Hunc tibi summe parens, & tibi Christe dico.  
Sanctior adveniat quam retro voluitur atas,  
Vindicet ex illa tempora plura labor.  
At tu natalis, nostrorum prime dierum ,  
Da veniam quod te non colo, sacra colo :  
Non vacat a tantis in te descendere curis :  
Plus aliquid vita lux dedit ista mihi.  
Ille meas habeat, qui me quoque possidet, horas :  
Scilicet ille dedit te quoque posse frui ;  
Bisque suum fecit, cum me produxit in oras  
Luminis, & pretium cum fuit ipse mei.  
Concelebrent alii genialis fercula mensæ  
Quos iuvat, & secum nata Falerna bibant :  
Carminaque ingeminent lepidis applausa choreis :  
Nos trahit antiqua religionis iter.  
Nec jejuna tamen lati solemnia sacri  
Ducimus, aut epulis gaudia nostra carent.  
Frangimus arcanum Christi sub imagine corpus.  
Hæ reparant animos, fessaque corda dapes.  
Nec tunc cum pastus senis in castra diebus  
Depluit, Hebrais dulcior ille fuit.  
Inde salutiferi libantur sanguinis haustus,  
Et sedant nostram pocula sacra sitim.

Tradidit hos ritus humanis dedita noxis  
 Victimæ, jam pœnas certa subire suas.  
 At pia posteritas morem servamus avitum,  
 Iussa piatricem commemorare necem.  
 Carmina nec desunt gratam testantia mentem,  
 Cum junctæ feriunt sidera summa preces.  
 Hac mihi nam satis est superet, pater alme, voluptas,  
 Et meus auspiciis talibus annus eat.

## I N P A S C H A

anni c l o l o c x i i i , natalem trigesimum.

**C**hriste tui quondam testis de morte triumphæ,  
 In lucem reduci quæ tibi prima fuit,  
 Hac quoque nascentem me tot post secula vidit  
 Sancta pius semper, bis mihi sancta dies:  
 Scilicet ut nequeam, geminato munere, donec  
 Sum memor ipse mei, non memor esse tui.  
 Olim, quindecimum cum sol mihi conderet annum,  
 Ostendit mihi ver Gallia, vere meo.  
 Contigimus dextram, qua nulla potentior armis,  
 Quæ quod regnabat debuit ipsa sibi.  
 Nunt bis quindecimum lucas mihi noctibus aquans  
 Phryxæa Phæbus vellera lustrat ovæ:  
 Natalisque meus me ditibus aspicit arvis,  
 Quæ Tamesis puro vitreus amne rigat.  
 Vidimus hic illum, qui regno maximus, unus  
 Est regum regno celsior ipse suo:  
 Qui postquam terris datus est, sapientia vera  
 Privatum posthac se decus esse negat.  
 Hactenus ista. latet fors indeprenta futuri:  
 Scit, qui sollicitum me vetat esse, Deus.  
 Duc Genitor me magne: sequar quocunque vocabor,  
 Seu tu lata mihi, seu mihi dura paras.  
 Sistis in hac vita? maneo, partesque tuebor  
 Quas dederis. revocas optime? promptus eo.  
 Post reges visos da regum cernere regem,  
 Natalemque mihi, sed sine nocte, diem.



## P A S C H A

anni C I C I C X I V , qui natalis mihi x x x i .

**Æ** Terno soboles coarva Patri,  
 Humani generis piamen unum,  
 Quem certamine redditum cruento  
 Victorem necis horrida salutat  
 Festo carmine Christiana plebes,  
 Ver pulchrum quoties refulget orbi,  
 Et noctis spatium diebus aquat  
 Nulla parte sui minuta Phæbe :  
 Te supplex veneror, reusque voti ,  
 Post bis Paschata quindecim peracta  
 Vnum cum super additum recepi,  
 Has pro ture preces ad astra mitto.  
 Da fractum veteres dolere culpas,  
 Da vitare novas sagace cura,  
 Da de tramite lubrico iuventæ  
 Egressum pede firmiore niti :  
 Da mentem solidam, virile pectus.  
 Sit pax conjugio : meam parentes  
 Laudent, me pietas juvet meorum.  
 Res detur nec inops, nec invidenda ,  
 Olim qua placide fruatur in spes  
 Non magnas nimis educata proles,  
 Vnum te dominum professa constet  
 Libertas patriæ. necesse fuso  
 Nec sit sanguine jus suum tueri.  
 Da nobis sacra pura, da magistros  
 Veri sollicitos simulque pacis,  
 Concordem populum, pium senatum.  
 Quod si nostra manus tibi ministra  
 Vlla in parte placet, nihil recusò :  
 Sed dum te valeam iuvante clavum  
 Rectum per medios tenere fluctus :  
 Dum non ambitio levesque plausus,  
 Non fulvi sitis iniquies metalli ,  
 Sed me pro patria salute cogat  
 Forti cura jugum subire collo.

*Solves emeritum, redemptor orbis,  
Cum visum tibi: tunc Pharo relictâ,  
Agni sanguine tinctus innocentis,  
Ibo vivere, gente cum piorum,  
Sincera Azyma, Pascha sempiternum.*

# BAPTIZATORVM PVERORVM I N S T I T V T I O

alternis interrogationibus & responsionibus.

*Ex Belgicis rhythmis, quos in carcere Hagienſi HUGO  
GROTIUS fecerat, ab auctore Latinè reddita.*

**S**cis, mi nate, sacro quondam te flumine lotum?  
Istud recordor saepe narratum pater.  
Scis ne etiam ritus tali quis voce notetur?  
Perfudit artus purus undarum liquor.  
Quis fuit ille autem sacrum qui tale peregit?  
Præco superna legis, interpretæ Dei.  
Quis locus antiquo vidit te more piatum?  
Gens pia sacratis quem celebrat cætibus.  
Quod sonuit carmen? qua nomina dicta lavacro?  
Summi parentis filiiq; & spiritus.  
Tresne Deos igitur tingendi ritus adorat?  
Quin noster unus nescit aequalem Deus.  
At quibus iudiciis agnoscitur ista potestas?  
Sermo loquentem, mundus auctorem docet.  
Quid Deus est tenta brevibus mihi dicere verbis.  
Mens recta, simplex, perpes, immutabilis.  
Cur Deus hic unus ternâ tibi voce notatur?  
Papyrus illum sacra sic nosci jubet.  
Quæ ratio suadet tres ut credantur in uno?  
Distat carenti sine quod fines habet.  
Artificis nusquamne sui spectatur imago?  
Sol, lux calorq; trina sunt, unum tamen.  
Nil hominum natura jubet nos tale tueri?  
Vigere, sapere, velle in uno sunt tria.  
Suntne pares Genitor Natusq; & Spiritus inſons?  
Commune regnum est, unus æternus vigor.

*Quid*

*Quid proprium summo fas est ascribere patri ?*

*Quod capit ab ipso, quicquid est exordium.*

*Quid Deus ante sui fecit primordia mundi ?*

*Vt nil sit extra, sufficit numen sibi.*

*Ede mihi cæptis fuerit qua rebus origo.*

*Cælum solumque fecit ex nihilo Deus.*

*Materiam duplicem quæ distinxere figura ?*

*Herba, arbor, aqua, lux, sidera, animantes, humus.*

*Quo genus humanum lucem conspexit ab ortu ?*

*Terrestre corpus, mens data est divinitus.*

*At quos ille opifex hominem produxit in usus ?*

*Deum colens beatus ut semper foret.*

*An facile hoc homini divina capessere iussa ?*

*Certe ; creato quippe ad exemplum Dei.*

*Vnde igitur labes agrotis mentibus hæret ?*

*Primi Satoris crimine : at nostro quoque.*

*Resne Deus lapsu volvi permittit inani ?*

*Extat manetque nil nisi ejus numine.*

*Cur mala committi patitur si cuncta gubernat ?*

*Bonus atque sapiens utitur recte malis.*

*Estne Deo quidvis faciendi plena facultas ?*

*Quicquid decorum est. inde cunctipotem vocant.*

*Vera Dei soboles dic quando duxerit ortum.*

*Homo ille in ævo natus, ante ævum Deus.*

*Quid fuit ille Dei prius omni filius ævo ?*

*Imago, ratio, sermo, consilium patris.*

*Estne aliquid nati quo sit testata potestas ?*

*Factus per ipsum mundus : absque ipso nihil.*

*Vnde animam humanam mortalesque induit artus ?*

*Fœcunda virgo Spiritus peperit satum.*

*Quod tulit, ede mihi, divina puerpera nomen ?*

*Stirps Abrahami Maria, Davidis genus.*

*Ergo Deo diversus homo binique fuere ?*

*Erat unus idem, quique homo quique & Deus.*

*Permixture fuit cum non pereunte caducum ?*

*Convénit impermixta natura utraque.*

*Afferrine potest res hoc quæ fœdus adumbret ?*

*Existit homo sic unus animo & corpore.*

*Natus at ille Dei cur nomine dictus Iesu ?*

*Vox ista Solymis Sospitatorem nota.*



*Nomine cur illum Christi pia turba celebrat ?*

*Mos regem inungi : fecit hunc regem pater.*

*Quâ vero peperit nobis ratione salutem ?*

*Vita atque morte, deinde vita reddita.*

*Illius ex vita quos est tibi carpere fructus ?*

*Docet illa verbum, monstrat exemplo viam.*

*Perspicua, quicquid docuit, complectere summa.*

*Nosse atque pura mente venerari Deum.*

*Quas cupit ista sibi pietatis regula partes ?*

*Has ; pœnitere, credere & bene vivere.*

*Dic quid significet pars isto ex ordine prima.*

*Commisâ flere, flenda non committere.*

*Quenam vera fides certam paritura salutem ?*

*Deo loquenti credere & confidere.*

*At cui nos opus est imprimis credere dicto ?*

*Gratis quod homines crimine absolvit Deus.*

*Quid benefacta igitur qua lex præscribit amoris ?*

*Sunt ista fidei fructus, ad vitam via.*

*Sanctior auctor Dei quos nobis dictat amandos ?*

*Deum ante cuncta, proximæque hominem alterum.*

*An privata cupit Deus an communia vota ?*

*Vult utraque, Genitor singulorum atque omnium.*

*Quid cupit a nobis divina potentia posci ?*

*Quod gloriæ ipsi, quodque nobis usui est.*

*Quid bene cessurum divino optetur honori ?*

*Laus atque regni decus & obsequentia.*

*Vtile quid nobis precibus deposcere fas est ?*

*Alimenta, veniam, deinde depulsum mali.*

*Quo se more jubet numen cæleste vocari ?*

*Pure, modeste, spe bona, nullo ambitu.*

*Fasne Deum juxta est alios in vota vocare ?*

*Fert ille graviter amulum apponi sibi.*

*An Deus ulla sibi patitur simulacra locari ?*

*Spernit figuras aspici vultus negans.*

*An lethi reus est si quis mendacia jurat ?*

*Sane ; sed & qui jurat ubi non est opus.*

*Concelebrare pios cœtus qua causa subegit ?*

*Aqua, cœna, cantus, munera, auditus, preces.*

*Quid fidus populo debet recitare magister ?*

*Legis vetusta paginam & fœdus novum.*

*Quo*

Quo nos usque tenent devinctos verba docentis?  
 Oracla nobis quatenus produnt Dei.  
 Quam sibi sacra docens debet præscribere normam?  
 Tacita Deo tacere, qua loquitur loqui.  
 Quod summum decus est ornamentumque magistro?  
 Sincera vita crimine & probro vacans.  
 Debita doctori qua sunt a plebe vicissim?  
 Subsidia vitæ, charitas, reverentia.  
 Pro quibus officiis expectant præmia nati?  
 Ament parentes & colant & audiant.  
 Quid de se genitis jus est præstare parentes?  
 Victum ministrent, atheris monstrent viam.  
 Cur patria patres tanto Deus auxit honore?  
 Ut sint bonis tutela, terrendo malos.  
 A grege subjecto ducibus qua jussa rependi?  
 Obsequium, honos, tributa, vectigal, metus.  
 Munera dic etiam qua sint injuncta marito.  
 Rem curet, adame conjugem & placide ferat.  
 Quis decet ornatus florenti ætate puellas?  
 Non ficta virtus, castus in vultu pudor.  
 Qua poterit ratione Deo matrona placere?  
 Viro minorem se gerat, prolem educet.  
 Quid viduo deserta toro curare jubetur?  
 Orare, luxum fugere, adesse egentibus.  
 Imperium quale in famulos laudatur herile?  
 Quod equitate temperet vires suas.  
 At famulus domino quid sit, quod debeat, ede.  
 Industria & non blandiens oculis fides.  
 Quid docuit Christus vetita sub cade notari?  
 Livoris atrum virus atque odii faces.  
 Quid vero si forte prior nos laferit alter?  
 Det ille veniam facile cui venia est opus.  
 Ergo nec ulcisci contemptum & damna licebit?  
 Quin alia potius perferenda injuria est.  
 Nonne bonis lex sacra jubet nos esse benignos?  
 Sed & his malo facinore qui nobis nocent.  
 Quis dedit exemplum prodesse nocentibus ipsis?  
 Bonos malosque Sole qui illustrat suo.  
 Dic, sub adulterii titulo qua culpa notetur.  
 Quaqua jugale fœdus excedit venus.



*An satis est Christo, factum si tale cavetur ?  
 Et ori, & oculis, imperatur castitas.  
 Conjugii melior sors est an calibis ævi ?  
 Innupta Christum vita liberius colit.  
 Offenduntne Deum socialis fœdera lecti ?  
 Quin ipse thalami jura sacravit Deus.  
 An contracta semel possunt connubia solvi ?  
 Deferere stupro corpus intactum nefas.  
 Quanto igitur potior thalami sine fœdere vita !  
 Imperia sexus vincere haud cuivis datum.  
 An nihil unde habeas refert, sed oportet habere ?  
 Qui parat opes non jure, furti se alligat.  
 Ergo satis præstat manus impolluta rapinis ?  
 Rea & cupiditas qua sui nescit modum.  
 Non & divitibus cœlestis porta patescit ?  
 Arctum intrat agre si quis est distentior.  
 Quid Deus indicit quibus est opulentior arca ?  
 Removere fastum, munerari largiter.  
 Pauperibus collata Deus qua munera laudat ?  
 Late data, homini, non honori aut gratia.  
 Sed metus est largos ne sera sequatur egestas.  
 Sufficere debent vestis, alimentum, domus.  
 Quem mihi sponsores das hac non desore nobis ?  
 Qui passeret alit atque vestit lilia.  
 An non prospicere est aquum qua vita requirit ?  
 Nostra in diem sit cura, de reliquo Dei.  
 Mentiri an vetitum Christi præcepta secutis ?  
 Etiam cavenda jurgia & loquacitas.  
 Permittitne jocos exacta regula vita ?  
 Obsœna dicta maximus Censor notat.  
 Qua nostris igitur linguis concessa voluptas ?  
 Præclara monita, vox Dei, carmen pium.  
 Arguitur ne etiam nonnunquam culpa tacentis ?  
 Si prodant hominis jura vel honorem Dei.  
 Quod manet intra animi fines an lege solutum est ?  
 Consilia cordis prava condemnat Deus.  
 Quæ tres decipiunt mortalia pectora pestes ?  
 Fastus & aviditas & voluptas corporis.  
 At per quos delapsa gradus peritura ruit mens ?  
 Parit cupido facinus, id mortem parit.*

Quid



Quod caput est rerum quas lex præscripsit Iesu ?  
 Crucem subire, semet a se abdicere.  
 Qualis homo est, Christus quem prædicat-esse beatum ?  
 Mærens, misericors, purus, esuriens, inops.  
 Quid placidi, mites, ob Iesum seua ferentes ?  
 Hos par vetustis vatibus merces manet.  
 Ede, quis adstabit regnanti dexter Iesu ?  
 Qui visit, operit, excipit, nutrit, rigat.  
 Quæ turba officii recte mulcebitur istis ?  
 Capta, agra, nuda, externa, cui sitis aut fames.  
 Quos habuit testes Christi doctrina magistri ?  
 Patremque Christumque utriusque & spiritum.  
 Qui potuit Genitor Natum laudare docentem ?  
 Clare professus, hic mihi demum placet.  
 Qua se veridicum Christus ratione probavit ?  
 Verbo docentis vita fuit exactior.  
 Vnde fidem Christo fecit celestior aura ?  
 Miraculorum ingente testimonio.  
 Qualia, dic, Christi nobis ostenta fuerunt ?  
 Agris salutem, mortuis vitam dedit.  
 Exemplumne igitur vita debemus Iesu ?  
 Eadem faventem præstitit nobis Deum.  
 Ad mortem qua deinde via pervenit Iesus ?  
 Popularem odio per Latinum præsidem.  
 Is necis immerita iudex quo nomine dictus ?  
 Hunc Pontium monumenta Pilatum vocant.  
 Qua probra sunt illi scelerato impacta furore ?  
 Irrisus, alapa, sputa, fustigatio.  
 Quis tot pænarum tandem fuit exitus, adde.  
 Pedes manusque foditur affixus cruci.  
 Egressamne animam Christi de corpore constat ?  
 Dies diem quasi vixit, intremuit solum.  
 Iam locus exanimos narra quis ceperit artus.  
 Corpus sepulchri conditum jacevit specu.  
 Corporis an solos persenserat ille dolores ?  
 Mæror quoque animum presserat luctu gravi.  
 Cur pater insontem voluit tam tristitia ferre ?  
 Per ista nobis venia parta est fontibus.  
 Nulla ne pax pretio nisi sanguinis emptæ patebat ?  
 Iustitia sic se summa patefecit Dei.

*Cunctorum culpis an victima sufficit una ?*

*Certe hac, ab omni parte quæ culpa vacat.*

*Qualis erat Christus suprema imitandus in hora ?*

*Patiens, modestus, hominum amans, Patri obsequens.*

*Morte semel functus mansitne obnoxius Orco ?*

*Imo recepit tertio vitam die.*

*Qua nos edocuit Christo qua reddita vita est ?*

*Certam probavit maximi prolem patris.*

*Nonne hominem vincit Cherubina gloria turma ?*

*Illum superna castra venerantur ducem.*

*An nostri meminit cœlesti sede receptus ?*

*Est noster illic pontifex, & rex simul.*

*Ætheria nobis quid præstat in ade sacerdos ?*

*Fusi cruoris obsecrat pretio patrem.*

*Qua bona regali nobis demittit ab arce ?*

*Manu tuetur subditos, hostes fugat.*

*Ergo inconspicuus sublimi in sede manebit ?*

*Dum reddat illum pristinis nubes locis.*

*Cur igitur Christus telluris regna reviset ?*

*Vt mortuis jus dicat & viventibus.*

*Spiritus ille quis est quem tertia sancta notat vox ?*

*Vis unica atque unanima Patri & filii.*

*Virgineone prior fuit ista potentia partu ?*

*Vatum entheata quippe movit pectora.*

*Præcipuum Christus bissex quid spondet amicis ?*

*Majora dona jusque donandi alteros.*

*Qui radii ex isto fluxerunt igne micantes ?*

*Medicina, lingua, oracla, furiarum fuga.*

*Quid sanctum nunc flamen agit cessantibus istis ?*

*Adhuc docet nos & juvat solatio.*

*Nonne satis verum nobis sacra pagina monstrat ?*

*Torpet papyrus destituta spiritu.*

*Non opis est nostra documentis credere Christi ?*

*Sine ejus aura nemo eum dominum vocat.*

*An non ingenii sibi sufficit ipsa facultas ?*

*Superna non admittit huic vitæ studens.*

*Spiritus ergo suo perfundit lumine mentem ?*

*Sane ; & refingit insuper præcordia.*

*Ecquid opem pietas jam non incredula poscit ?*

*Et velle & agere donat adjutor Deus.*

*Humani*



*Humani profuntne Dei post cæpta labores?*

*Ita est : requirens reperit, orans accipit.*

*Quid fiet si dura animum certamina vexent ?*

*Vigili & presanti dat Deus victoriam.*

*Spiritus ille animis quæ dat solatia nostris ?*

*Deum esse nobis velle perpetuo patrem.*

*Asi ubi repperies hanc sancti numinis auram ?*

*Cætu in piorum cujus ipsa est vinculum.*

*Ille Dei populus quæ se regione coercet ?*

*Cuncta implet orbis spatia quæ Christus sonat.*

*Nonne Deus Solymos proprio sibi fœdere junxit ?*

*Olim : sed ista septa Christus diruit.*

*An non lex igitur, Mosi quæ tradita, durat ?*

*Priora scita fœdus antiquat novum.*

*Sabbata nunc, ubi nunc signum genitale remansit ?*

*His abdita umbris ipsa res nobis data est.*

*Sanctorum quæ sint hominum communia nosti ?*

*Bona hujus ævi, sed magis cælestia.*

*Hujus militia numeros quæ tessera signat ?*

*Christi innocentis corpus & fusus cruor.*

*Hisne datur tanto post mortem tempore vesci ?*

*Vini atque panis scilicet sub imagine.*

*Quid par corpus habent & sanguis & esca merumque ?*

*Quod ista corpus, illa mentem nutriunt.*

*Et cur una Ceres, cur vinum sumitur unum ?*

*Vt sic pate scat esse nos concorpores.*

*Estne Dei in populo teneros spectare rudesque ?*

*Hos ferre oportet & docere comiter.*

*Qui si res nostras, si famam denique ladant ?*

*Vnum advoca, duosque, plures postea.*

*Quid si pertendant vel aperto crimine peccent ?*

*Tunc segregentur a piorum cætibus.*

*Semper an abstenti divina a plebe manebunt ?*

*Donec dolere crimen ostendant sibi.*

*Iudicii in partem num vis est hujus utranque ?*

*Simul ipse damnat, simul & absolvit Deus.*

*Permissum quo more novos inscribere cives ?*

*Timctu sacrati laticis ingressus patet.*

*Cur igitur mersamus adhuc de matre recentes ?*

*Vt consecrentur rite quamprimum Deo.*

*Nonne*



Nonne fidem præmittit aquis divina papyrus?  
 Fides parentum & vota profunt liberis.  
 Qua bona signantur venerandi fluminis unda?  
 Venia, ortus alter, vita de tumulo redux.  
 Dic, aqua cur veniam sancit diffusa per artus?  
 Maculas ut aufert unda, sic culpam Deus.  
 Quaritur an meritis hac indulgentia nostris?  
 Dat hanc sua bonitate permotus pater.  
 Nemo igitur nobis peperit tam grandia dona?  
 Insons Iesus imputato sanguine.  
 Qui sunt prisca Deus quorum peccata remittit?  
 Qui se reos fatentur & quos pœnitet.  
 Quem peccasse pudet venia sibi conscius ergo est?  
 Si pollicenti credit & fidit Deo.  
 Estne iterum lapsis venia spes ulla superstes?  
 Est, si patrati sceleris ex animo piget.  
 Sed quid habet limphis commune recentior ortus?  
 Ut mersus undis Christianus interit.  
 Vivere at hunc ipsi tamen & spirare videmus.  
 Non ille culpa vidit, aut etiam sibi.  
 Qua vita induitur meliori luce renato?  
 Ad ejus instar quem Deo propter placet.  
 Nil illi posthac superest curæve metusve?  
 Manet usque sensus prælium & mentis bona.  
 Brutam animi partem qua nobis arma coercent?  
 Fides, Dei vox, pax, preces, jejunium.  
 Correctis jam nulla manent vestigia culpæ?  
 Hac ipsa magna est culpa blandiri sibi.  
 Ergo quid est in quo vincit nova vita vetustam?  
 Quod vitia debellata sine regno jacent.  
 Lapsantesne Deum possunt retinere faventem?  
 Labis reliquias donat ob Christum pater.  
 Limpha revicturum, qua signat imagine, corpus?  
 Surgemus, urinator ut pelago solet.  
 Qua loca dic animas sunt exceptura piorum?  
 Christo manebunt ultimum juncta diem.  
 Ille dies quis erit, quos illucescet in usus?  
 Cineres citabit civis atherii tuba.  
 Et cur infernis ex sedibus ossa resurgent?  
 Ut aqua factis præmia aut pœnas ferant.

Qua

*Qua statuit Christus pœna damnare rebelles?*

*Flamma perenni. & morte qua nescit mori.*

*At quæ dona piis bonitas divina paravit?*

*Non desitura gaudia animi & corporis.*

*Exsurgentne iterum dilapsa cadavera tabo?*

*Ita excitantur farra corrupto satù.*

*Quale prius fuerat corpus num tale redibit?*

*Non : sed perenne, fulgidum, atherium, vege.*

*Vllane erit thalami potusve cibive cupido?*

*Fruemur horum nescii, avo cœlitum.*

*Lustrabitne oculos aut Sol aut cornua Luna?*

*Vnum jubar divina majestas erit.*

*Qualis erit nobis ibi quæ promissa voluptas?*

*Qualem nec auris, nec oculus, nec mens capit.*

*Illuc ut venias ex normâ vive lavacri.*

*Adjutor adsit ille qui jussit Deus.*

F I N I S.